

經  
驗  
壽  
世

良  
方  
周  
自  
齊  
題



經驗壽世

良方

周自齊題

民國三年

夏月付印



照玉樞星君唐者輯編

古而肆書而於憂稱世序  
醫唐力兼悲鑿讒陸以  
方子於禁以方畏敬言  
聞星經有著巨譏輿集  
此樞國心乃自來吾古  
則獨之在時曠毅聞醫  
何汲著道際亦著敬方  
也上述者昌君書輿者  
古言不方言子乃以咸  
之集暇各挾聞託貶盛

唐當紛好純呂素作呂治  
子以紆異粹來之也前病  
所意所主金代精仲方也  
輯旨見氣元有奧景書葯  
書至偏補四作至輯無味  
其此倚陰大者當金矜火  
自益所兩家要不匱奇取  
敘晦古說出皆易闡熔平  
凡乃人聚持準唐發異易  
例觀精訟論則宋靈之漢

來當及若醫顧子緩致於  
一日見家名惟其命意平  
官之以藏於 知名爲淡  
貌遺每珍時先之以古無  
繫般承本其大矣意之奇  
無不 甚所父余豈名之  
田少庭夥手平故曰鑿不  
可十訓童輯階不無曰可  
歸季引時古公和取味忽  
峰以徒猶方既醫唐曰三

南民也編兼火  
海國 輒恙南  
關三 為而天  
賡年 於繩音  
麟二 色武信  
識月 而末隔  
於 生能絕  
都 感每雖  
門 不覽楹  
① 已斯書



# 序

醫方之輯由來舊矣。唐陸宣公每見一方輒手自抄錄。宋蘇東坡沈存中亦手輯醫書。故有蘇沈良方見於四庫全書。大抵古人於醫理類皆探其奧竅。時自出其素所心得以醫治世人。此救濟之一端。未可忽而視之也。孟子有言。人有七年之病。求三年之艾。苟為不蓄。則終身不得。然則醫方之待輯。其可少緩乎哉。家室樞凡輯有壽世奇方一書。以之施治鄉人。屢見奇效。鄉之人又往往轉相傳述。以故踵門求方者。匪可以指計。蓋其為書分門別類。措脈切理。且藥物又為力所易致。施之隨時。隨地而皆宜者。斯誠術身之至寶。救世之金丹也。夫葯無論

貴賤而總以適於病者為宜是公擬諸家之要旨化腐朽  
為神奇尚能審病知源依方用藥皆神效自必迎刃而解  
亦安可不心家置一編以為緩急之用乎余恐其久將弗傳爰  
為募集版資所送諸友他日若風行海內俟是書不胫  
而走然後前人述著之旨與後人採輯之意至此而大快而  
余亦若幸所言之不謬也夫

氏國紀元癸丑冬月

弟士清後於都門



序

壽世良方一書唐子星樞苦心孤詣而成者也星樞為吾都望重之士生平於地學風鑑占驗諸書無所不究而尤潛心於醫理蓋其活人濟世之心早已蓄而不發科舉廢後慨然有感於不為良相當為良醫於是搜集古來名家醫案與方書中之確有經驗者互相讐校比附精切積之既久編帙成書故其每論一症必詳述內外經絡表裏靈實與夫感受發生之所由來然後治以何方施以何藥罔不條分而縷晰焉若第取其葯物完備治法精良猶未得其真相者耳癸丑冬余適入都見其將刊是書出而問世因就其書披覽一過不禁色

然喜曰此書一出斯世無難治之症矣書凡四卷  
常為一編可以便取携可以易檢閱衛生家苟手  
一編而珍藏焉亦何異葯籠中物取不盡而用不  
竭乎余與星樞為莫逆交且共事最久於其書之  
行將出世也不可無一言以相質證遂書以與之  
民國二年癸丑冬至前一日

愚弟梁鳳鳴儀庭識於都門寄廬



叙

昔范文正公少時嘗曰吾不能為良相必為良  
醫蓋以醫可拯人不亞於良相也予自救拔此其  
意唐陸宣公早見及之故於被謫時留心醫術  
聞有秘方輒自鈔錄嘗告人曰此亦潛心之一術  
也二公者功業在天壤誠不藉此以自表見而其活  
人救世之心未始不於醫藥三致意焉余友唐子  
壘樞英平發軔醫序非蜚聲帖括餘暇兼於  
內經素問諸篇潛心而研究之惟渴首謙抑未肯  
出而問世迨科舉停止家居閒處習見夫壘之以國

手自命者非不引拍調然而師古不得其意買  
焉以人命為兒戲者不知凡幾心滋戚焉亟思手  
輯良方參以精書出而輓救之偶讀陸范二公傳  
不禁畢狀曰二公者其先得我心乎於是振厥精  
神矢之毅力廣為蒐羅凡夫目所見耳所聞其  
因弗悉心皆錄積久成帙顏曰壽世良方擬付剞  
劂以公諸世而向序於余余受而讀之觀其醫方  
純備醫理精深夫乃嘆星樞之心一文正救世之  
心也星樞之術一宣公活人之術也上下千餘年曷  
其若合符節哉不揣固陋爰書數語以并厥首

亦藉伸欽佩之思云  
光緒歲在丁未秋七月望越愚弟黃鑑清少研

氏拜序







自序

聞之上醫醫國中醫已疾庸醫誤人醫者人之生命所託一或不慎則之以損人命而害天和是故醫不三世不服其藥蓋病託於醫醫託於藥其間得失利害有曰而立見者未可掉以輕心也嘗見古今醫書汗牛充棟其中列諸治法非不詳且盡然皆參用貴重藥品鄉曲固費搜求貧戶尤難措辦求其方良藥易隨地咸宜者不數之觀一時迫不及待每至束手無策識者憾焉鄙人濟世有心懸壺無術每慨世人類多奇病而施治不善樂症相左往往有因而誤命者非細故也爰於庭

課餘閒恚心研究或搜諸古方或得之親友撮其簡要  
別類分門類曰壽世良方務求方與症宜藥與症對  
因症施藥屢見神奇然後風厥始償或可告無罪於  
一己書成既久未嘗出以示人今年冬家秉儒弟募資  
刊印於是出諸行篋付彼乎民固知掇拾牙餘方家  
見笑於半生之心力個人之天職期所以保全生命而  
衛養天和者不至湮沒焉此則鄙人所私心自慰爾  
民國紀元癸丑冬月

香山澹塵居士星樞唐世泰誌於都門




跋

評閱是書於各症之門首論病源次集古方均甚簡捷  
可送單方對症效如桴鼓較之驗方新編高勝一籌可  
謂見病知源矣且論症辨脈理甚正當今諸內經靈素  
實煞費苦心惜時光短促僅將各門之首校勘無訛以  
此付諸棗梨庶幾無憾焉爾

江蘇伯謙弟朱遜謹識





### 三世醫辨

曲禮云醫不三世不服其藥天抵皆沿俗解以父子相承  
三世為言不知所謂三世者一曰黃帝針灸二曰神農  
本草三曰素問脈訣脈訣可以察症本草所以辨  
病針灸所以去疾此三者不可以言醫若必云  
三世相承然後可以服藥為將祖父二世行醫終  
無以服其藥者矣且應考古近名醫並未聞有  
三世相承者知俗解之不可據也





## 例言

一是書採驗方新編醫方易簡萬病回春及歷年  
手抄各方取其簡易經驗者彙輯成編以便  
鄉居之用

一每症首冠論說辨明證候俾閱者審病知源  
然後按症用方有無僨事

一人身最危險者如喉舌及癰疽傷寒夾色蠱  
毒瘰癧楊梅瘡等症平日熟玩各方大有裨益  
一方內所用如燕子窠蜂窠蟾子窠百草霜新


抱雞子壳等藥平日務宜預備庶免臨時無措  
一書內所載葯方雖平淡無奇如果對症效驗  
異常幸勿忽視

一見書輯成久待付梓今幸刊印成書公諸同  
好如有好善君子印送廣傳其功德又當在  
輯書者之上






正 面 圖



背 面 圖



○目錄

預備藥物

面部

鼻部

牙痛

胸部

脅部

腹痛

腳氣

呃逆

小便

淋症

腸癰

諸汗

水腫黃腫附

癩症即羊吊

壽世良方

目錄

忌食諸物

眉部

唇部

鬚髮

乳部

腋部

蠱積

各種氣痛

咳嗽

遺溺

疝症

肺癰

痰病

中風

中毒

製食物法

眼部

口部

頸項

手足

心痛

痞滿

飲食積滯

哮喘

遺精

囊癰

吐血

癩狂

類中風

蠱毒

頭部

耳部

舌部

咽喉

腰部

脾胃

筋骨

噎隔

大便

濁症

懸癰

虛勞

鼓脹

預防中風

避蠱

斑疹  
感冒  
霍亂  
急救  
骨鯁  
邪祟  
脫肛  
癩瘡  
凍瘡  
魚口便毒

斑症  
中暑  
瘟疫  
跌打人咬附  
誤吞諸物  
奇病  
癩癧  
疥瘡  
瘡科  
疔瘡  
白濁附

痧症  
傷暑  
瘧疾  
人物傷  
雜物入肉  
雜治  
結核  
疔瘡  
癰疽  
婦科

傷寒夾色  
泄瀉  
痢疾  
湯火傷  
鬼尸疰  
痔漏  
癭瘤  
漆瘡  
楊梅瘡即生疔  
瘋症奇驗

# ○預備藥物

舊草帽

老絲瓜

灶心土(名伏龍肝)舊毛絨

黃蜂窠

蟾子窠(即鴛鴦窠)舊繸線

白蟻坭

火腿骨

舊繸線

燕子窠(即燕坭)

蘿蔔菜

舊葵扇

鏤底烟(名百草霜)水仙花連根

舊梳篦

人指甲

鳳仙花子

舊兔毫筆

人頭髮 男女小兒均可

抱子鷄蛋壳名鳳凰衣

舊羊毛襪

舊竹鍋蓋邊

# ○忌食諸物

春不食肝

夏不食心

秋不食肺

冬不食腎

諸心損心

諸肝損肝

諸血損血敗陽

諸腦損陽滑精

魚餒肉敗

諸脂燃燈損目

經夏臭脯痿人陰成水病

六畜脾一生不可食

四季不食脾

本生命肉食之令人神魂不安

# ◎禽獸肉忌食

牛獨肝

牛馬生疔死

羊獨角

馬牛角

黑牛白頭

黑羊白頭

壽世良方

預備藥物

忌食諸物

一

馬肝

白馬黑頭

馬鞍下黑肉

馬無夜眼

獬犬肉(卽癩狗肉)

犬有懸蹄

鹿白臆

鹿文如豹

獸歧尾

諸獸赤足

獸並頭

猪羊心肺有孔

脯沾屋漏

六畜自死首北向

米糞中肉脯

祭肉自動

諸肉經宿未煮

六畜肉熱血不斷

脯曝不燥

生肉不斂水

肉煮不熟

肉落不浮

肉煮熟不斂水

乳酪煎膾

六畜肉墮地不沾塵

六畜肉與犬不食者

以上諸肉食之殺人病人令人生癰腫疔毒

凡禽獸鷄鴨等自死口不閉足不伸及多年鷄頭俱有毒

鴨目白者大毒

羊頭蹄肉極補水種人食之百無一愈

驢肉及諸魚同荊芥食之殺人

白羊黑頭

白馬青蹄

兔死眼閉

諸畜帶龍形

禽獸肝青

禽獸中毒箭死

六畜自死口不閉

六畜瘦病瘡疥死

六畜肉中有米星

六畜五臟著草自動

六畜肉得鹹酢不變色

肉汁器盛閉氣

牛肉同猪肉食之久成寸白虫 羊血全硫黃忌食

屋漏水滴肉上宜洗淨方可食之否則生毒瘡

猪肉全胡荽食之爛臍 母猪花腸小兒食之生寸白虫

羊肝全生椒食破腸臟 猪油不可與梅子共食

猪肉羊肝全食心悶 猪肝魚鱸共食生癰疽

羊蹄上懸白珠者食之成癩 犬肉同菱食生癩

熊肉病人食之終身不治 山鷄全鳥獸肉共食毒人

鷄肉全生葱白朮三味煮食經年七竅流血

鷄鴨蛋有瘡毒人食之惡肉突出(小兒患痘斑症尤忌)

鷄養三年食之毒人 鷄頭尤忌食

◎水族忌食

鼈與莧菜同食腹生小鼈最難醫治

魚頭有白色連珠至脊無腮無膽勿食

鱧魚鯉魚鬚赤者食之有舊病必發而死

鰻魚昂首無腮背有黑點二三斤重者食之殺人

鼈目閉及獨目足不伸無裙腹有卜字王字五字紋赤腹三足及隱有蛇皮狀者食之必死

河豚魚不見樑上灰塵並去盡血子可食否則殺人

鱸魚全諸乳食之變諸虫 魚鮮不可全蜜食

蝦無鬚下通黑糞之不灣而直食之瞎目

蟹獨螯獨目眼赤六足腹下有毛背有星點忌食 蟹同红柿食之傷人

◎菓木忌食

瓜李入水不沈者 霜下瓜茄大發者

木瓜赤色仰生者 瓶中養花水酒後食之殺人

土茨菇(即土香芋)與黃瓜同食斷腸無救

葱汁和蜜全食名甜砒霜殺人無救

土曹上面有毛下面光仰捲赤色糞投薑屑飯粒色變者誤食必死

燒酒全生薑食之壞肺

燒酒錫器盛之過宿飲之毒人

楓樹上葷名曰笑葷食之令人笑死

杏仁半生食之傷人 草烏汁塗傷處立斃

萆菜野萆苳多食成痔 胡萎久食耗人心血

芥菜兔肉同食成疾 諸梨凡金瘡損傷(產婦忌食)

冰片細辛巴豆三味不可過用一錢多食傷人



黃蠟炒鷄食之殺人

夏月曝衣須過夜裝箱以免冬月取衣感暑

洗衣城水悞食之即脫指甲及口鼻出血

暑天水缸須蓋之恐蛇入水中洗浴蝮虎愛水中交媾悞飲必孕蛇胎蝮蛋

◎孕婦忌食諸物

多食大蒜生子腥臭 食兔肉生子缺唇

食雀肉生子淫亂 食犬肉及鼈生子無聲

鯉魚同鷄蛋食令子生瘡 食蠶過多生子多瘡疥及孖指

夫婦返背受胎生啞子

迅雷風烈受胎生子肢體不全非貧即夭

○製食物法

煮肉用籬上舊竹篾捆之則易融爛

煮肉燒肉忌用桑柴火

蒸臘肉或火腿取燒紅炭放皮上畧燒片刻則皮易爛

煮臭肉須切片用短稻草同煮其臭氣盡入草內暑天煮凍肉將肉煮透放灰中過夜則凍

又用洋菜羹融和入亦可

夏月肉用醋煮可留數日

嫩羊肉加青草一把易爛而不羶

煮雞色羊肉加松子數粒則不毒投灶邊瓦一片易爛

煮老鴨放灶邊瓦一片易爛

洗猪肚痔瘻用鹽或用糖則不臭用麵同洗亦可煮魚臨熟入川椒數粒則去腥用

枳實數片或鳳仙花子數粒則骨軟下木香亦不腥

造魚肝先用鹽並蒜醃洗去涎再用炒鹽紅曲米醃透入罈則經久味佳

糟蟹用皂角一寸置罈底則黃不沙亦不散或入白芷黃亦不散

醃羌片用蟬退泡水洗再用蟬數個入罈底雖羌老亦無筋

煮笋入薄荷加鹽則不老而味更鮮

醃茄入石綠數顆則切開不黑

食蒜生薑窠子同食則不臭

洗象牙器或用豆腐渣浸擦或用人乳浸半日洗之

象箸油透插入芭蕉梗內則淨白如新

柵楠香粘以新荷葉包裹露過夜則發香如新

寫石神用皂角水調硃砂寫上不落

◎試肉桂法

將上品肉桂削幾分投開水壺中其沸立止其泡亦頓下矣

◎肉桂（能治噎隔引火歸源）

肉桂上品其油飽滿其皮不及分稍觸之油即溢出所以稱爲肉桂  
大抵寬厚壯觀者皆不可恃惟潯州之猿桂條狹而皮粗肉薄而油足者較佳紅油  
紫油者雖厚亦不佳惟以黑油者惟上品蓋黑油能滋陰入腎以收引火歸源之功  
紫油尙可紅油則反助火上升紅油紫油者其味必辣惟黑油則甜潤可立試而辨  
別也

## ○頭痛論

頭者諸陽之首也其痛有各經之不同而治法亦有異也氣虛頭痛者耳鳴九竅不利也濕熱頭痛者頭重如石也風寒頭痛者身重惡寒寒邪從外入宜汗之也偏頭痛者手少陽陽明經受病左邊屬火屬風屬血虛右邊屬痰屬熱也真頭痛者腦盡而痛手足冷至節者不治也少陽頭痛者往來寒熱也陽明頭痛者自汗發熱惡寒也太陽頭痛者有痰重或腹痛爲之痰儻也少陰經痛者三陰三陽經不流行而足寒氣逆爲寒也厥陰頭痛者或痰多厥冷也血虛頭痛者夜作苦者是也眉輪骨痛者風熱痰火也汗虛羞明眉心痛者亦痰火之徵也肥人頭痛者多是氣虛濕痰也瘦人頭痛者多是血虛痰火也風寒惡心嘔吐者乃頭風痛也左痛屬風與血虛也右痛屬痰與氣虛也左右俱痛氣血兩虛也頭旋眼黑惡心者痰厥頭痛也偏正頭痛者風氣上攻肢體酸疼也熱厥頭痛者見火則痛見寒則止也眉稜骨痛者風熱相併也頸項強痛者風所干也雷頭風者頭痛而起核塊也略陳病源俾閱者一望而知因症用藥病可回春亦可爲臨症者指南一助焉

## ○頭痛論脈

頭痛脈弦浮風緊寒熱必洪數濕細而堅氣虛頭痛雖弦帶數痰厥則滑腎厥堅實

## ○頭部

◎老人風眩頭昏如半截空虛之象

白羊頭蹄全副如常治法燉食便愈 又方八月初一日平日取百花草頭露水磨墨點太陽穴多次永不復發

◎頭暈昏倒(老人更宜)

白菓二枚去壳生搗空心淡水冲服重症不過五服全愈

◎頭旋

如暈船之狀坐臥不安方用 蟬蛻一兩去翅足微炒爲末紹酒調下每服一錢以服至病愈爲止或開水服亦可

◎猝然頭痛

皂角研末吹入鼻中大嚏卽止

◎頭腦鳴響

狀如蟲蛙名天白蟻用 土茯苓煮猪肉食之神效前後忌茶十日 或用茶子末吹入鼻中自愈

◎頭頂結核如寡蛋響者

此命門火虧也用 寡蛋水酒煮老每食一二個酒送服十餘個全愈

◎頭上軟瘡

生在髮邊年久不愈用 野芋頭（俗名諸芋仔）磨醋敷之 或用猪頭上毛貓頭上毛各一撮燒灰雄鼠糞一粒（兩頭尖者是）共研末香油調敷年久不愈亦效

◎頭上生瘡乾而無膿

即白禿頭瘡方用 抱過鷄蛋壳名鳳凰窠燒灰全性研極幼末麻油調搽

◎太陽出血

有人兩太陽忽起紅瘡用手抓破出血如線不止用猪瘦肉一厚片貼之即止後服元麥地黃湯便愈

◎腦漏神方

一名鼻淵從腦頂一股酸氣由鼻孔流出黃水臭不可聞方用 白鷄鷄翎毛三錢擦生漆絲棉一塊如無絲棉即揩漆布亦可二種物漆店有買將二味放於瓦上焙脆存性研末和冰片少許令病人仰臥用筆管吹入三四次即愈屢試屢驗

◎頭面腫滿

鷄蛋黃白調勻塗腫處即消

◎頭昏

每早用茯神五錢和腐皮五張煮服

◎頭面發熱有光彩他人手近之如火燒

葱汁五錢酒調服吐出如虫卽安(蒜汁亦可用)

◎小兒頭上生瘡大小不一遍頭皆是

生苦練樹皮(卽森木)或樹枝亦可不拘多少用火煨炭研末放地上一二時去清火毒用豬油開搽三四次卽愈神妙之至

◎小兒頭面胎毒

桐油調輕粉塗之多年不愈者皆愈 又方水牛屎曬乾燒枯存性(燒太過不效)搽患處卽收水脫痂而愈並治痘後餘毒 又方米湯油洗淨取燕子窩坭用麻油調敷數日卽愈 米湯油卽米鍋水面濃汁也

◎頭面紅癬(名曰石癬)

菊花葉搗汁調白蜜敷之用渣敷四圍留頭不敷俟毒水流盡卽消 如久爛者用舊黑毡帽燒灰調油搽之

◎偏正頭風

此症發時雖盛暑亦覺畏風不可忍方用 舊小襯帽(愈舊愈妙)燒灰入薑汁一兩水煎洗數次卽愈 又方用 蕎麥粉炒熱加醋再炒乘熱敷上用布包緊勿令見風冷則隨換日夜不斷以愈爲度尋常傷風頭痛可用

◎頭風畏冷

用陳蕎麥麵作餅乘熱貼於頭上患處外用絹扎好出汗風毒盡收入餅內兩次卽

愈 又方用 藁豈不去皮作枕枕之能治風熱頭痛兼能明目

◎風熱頭痛

薄荷爲末币包作燃水浸濕塞鼻內

◎一切頭風兼濕風

瓜蒂松蘿茶爲末嚙鼻出黃水立愈 或用筆撥末開猪胆嚙鼻作嚏立愈

◎千層瘡

此瘡生在頭面愈而復發生生不已故名千層瘡俟破口時用 新鮮橄欖核燒灰和鷄蛋油以鴨毛調敷 如無鮮者用鹹欖核以水煮去鹽味亦可用

◎髮中生節如珠相染不已

此名火珠遲則難治急用 生蘿蔔搗爛好醋泡透敷之卽效此林屋山人之經驗方也

◎平易方

凡男女孩童突然頭面腫大如斗似如棉花並無寒熱眠食如常取 磨坊飛麵大人先用水漱口後嚙飛麵成絨吐出塗敷腫處自消 或用桑枝燒灰淋汁乘熱薰洗亦妙

◎腦漏流臭

甜絲瓜籐近根三五尺許燒存性研末酒調服



◎腦漏鼻涕臭

百草霜研末空心冷水調服一錢

◎禿頭

生黃荳炒黃爲末香油調搽

◎頭上白禿

生鵝油塗在頭上將舊鞋底洗淨烤熱擦之擦盡白皮一連數次以淨爲止

◎禿頭癬癩

大蜂房一個以白礬末填孔內用罐底盛之炭火煨令白礬化盡爲度研末臘猪油和塗

◎白癬頑瘡

木炭燒紅入沸水內溫洗數次自愈

◎頭上癩癩旋生旋好

大蚌蝦去鬚壳將肉搗如坭擦三五次便愈 或用牛骨髓油煎滾加松香一塊溶化將癩癩用刀剃去甲壳以髓油塗數次斷根

◎猪頭風

頭面忽然發腫是用 野苧麻根不拘多少搗極爛敷之即愈外用桑枝燒灰淋汁乘熱薰洗自愈

## ○面病論

面生瘡者上焦火也面唇紫黑陽明經病也面生粉刺肺火上升也面熱者陽明經風熱也面寒者陽明經虛寒也此面病之大畧也

### ◎面上生瘡

急尋有壳蝟牛一二條搗融攤紙上貼之即愈紙上留一小孔出氣初起用之神效

### ◎抓破面皮

橄欖核磨水搽之即愈並無痕跡或用白糖搽之亦妙 又方 生薑自然汁調輕粉末搽之極妙

### ◎面上黑點

白殭蚕末水和搽之 或用杏仁去皮搗爛和鷄蛋白夜塗之

### ◎面黥

李核仁(去皮研細末)以蛋白和稀蜜糖調勻夜臥塗之次日以米泔水洗去 又用白殭蚕 黑牽牛研細末各等分和蜜日日敷之並治粉刺

### ◎面黑令白

鷄蛋三枚紹酒浸緊封二十八日取出每夜以蛋白搽面久之自白

### ◎面鼻赤泡

蜜陀僧不拘多少研末臨臥乳汁調敷面上次日洗去敷三五次即瘥

◎鼻瘡

杏仁去皮尖研末和乳汁調搽患處

◎冬天面唇皸破

熟豬油夜夜敷之自愈

◎疔腮

蝸牛搗爛調敷即愈

◎嗜茶面黃

榧子七個每日食之以面改色爲度

◎下頰脫落(俗名脫下耙)

此症起於腎肺虛損元神不足或談笑高興忘倦一時元氣不能接續以至頰脫急令病者平身正坐令人以兩手托住向腦後送上關竅隨用絹條兜頰於頂上須要避風外用 天南星研末薑汁調塗兩頰一夜即上次日當服煎劑調理恐風火邪侵致痰涎壅盛口眼歪邪風中臟腑十無一瘳 又方烏枚搗泥爲餅塞滿牙盡處張口流涎隨手撥上 又方用蘇葉八兩煎水薰之即效

◎頰頰熱腫(俗名撐耳風又名疔腮)

絲瓜燒存性研末水調搽之 或用赤小豇末和蜜塗之 或加芙蓉葉末敷之

## ○眉部

◎眉毛不生

桑葉七片日日洗之一月復生如舊髮落亦然

◎眉毛搖動晝夜不睡喚之不應但能飲食  
大蒜二兩搗汁兌酒飲自愈

# ○目科論症

水

夫人之有兩目猶天之有日月也視萬物察秋毫莫不端資乎目然日月有時而晦者風雲雷雨之所致也眼目有時失明者四氣七情之所害也大抵目爲五臟之精華一身之至要故五臟分五輪八卦名八廓五輪者肝屬木曰風輪在眼爲烏睛心屬火曰火輪在眼爲二豬脾屬土曰肉輪在眼爲上下胞肺屬金曰氣輪在眼爲白睛腎屬水曰水輪在眼爲瞳子至若八廓無位有名胆之腑爲天廓膀胱之腑爲地廓命門之腑爲水廓小腸之腑爲火廓腎之腑爲風廓脾之腑爲雷廓大腸之腑爲山廓三焦之腑爲澤廓此雖爲眼目之根本而面爲包絡五臟或蘊積風熱或七情之氣鬱結不散上攻眼目各隨五臟所屬或腫赤而痛羞明怕日癢澁難開或雲翳內障白膜遮睛其症七十有二治之須究其所因風則驅散之熱則清涼之氣結則調順之翳障則點退之腫痛則消止之此治目之大略也切不可用針刀鉤割偶得痊癒出乎僥倖耳又不可過用涼藥薰其面目使血不流暢而成痼疾凡腎虛者眼目昏花當補煖下元以益腎水而目疾又有南北之分北方之人患眼者甚多皆是日冒風沙夜臥熱炕二氣交蒸使然治之宜用涼藥與南方不同故也至小兒痘疹之後毒氣流於心肝二經以至上攻眼目視物不明常見黑花當風多淚癢澁難開久生翳障或婦人面風時發眼日暴赤或因氣惱有傷心肺二經日久生翳白膜遮

睛因循不治雲翳漸厚視物不明而爲終身之害矣可不謹哉  
大眚赤紅肉堆起者心經實熱也水眚赤紅絲血脹者心經虛熱也烏睛紅白翳障  
者肝病也白珠紅筋翳障者肺病也上下眼胞如桃者脾病也迎風流淚坐起生花  
者腎病也赤而痛者肝實熱也羞明怕日者脾實也視物不真者脾虛也眇多結硬  
者肺實也眇稀不結者肺虛也拳毛倒睫者脾風也努肉攀睛者心熱也晝則明而  
夜不見者名曰雀目瞳子黑白分明視物不見謂之青盲至若暴發赤腫者肝經風  
熱之甚也久病昏暗者腎經真陰之微也內障者肝病外障者肺病也能遠視不能  
近視者火盛而水虧也能近視不能遠視者有水而無火也按症服藥宜審慎焉

◎雙目不明

鷄胆一個入蜜半匙以線紮住載入豬胆內掛房檐下通風不見白處二十一日去  
豬胆留鷄胆先以人乳點患處潤之少刻用骨簪蘸鷄胆點上遍身生涼流淚出汗  
二三次卽明忌茶百日可將霜降後桑葉煎湯代茶飲並戒惱怒酒色爲要

◎目赤不明老眼昏花（大利老眼）

海鹽二斤揀淨以百沸湯泡濾取清汁於銀石器內熬取雪花白鹽磁器盛貯每早  
用一錢擦牙以水漱口用左右手指互以口內鹽津細洗兩眼大小背內閉目良久  
然後用水洗面久久行之自能洞視千里此方明目固齒簡易良法幸勿輕視

◎翳障遮睛

鵝不食草一名移星草左眼塞右鼻右眼塞左鼻便退 或用白蠶魚研末注少許於睛上一日二次以愈爲止 或用刀刮指甲末合乳汁調點三五次亦消

◎眼上生膜

蛤胆調乳汁點之立愈

◎目不能遠視

羊肝一具去膜細切以葱子一杓炒爲末用水煮熟去滓入米煮粥食 或用銅器煮羊肝用麵作餅覆器上鑽兩孔如人眼大以目向上燻之

◎明目無價丹

夜省看書一減思慮二專內視三簡外視四晨興遲五夜眠早六凡此六事熬以神火下以氣飲運於胸中納諸方寸修之一時長服不已非但明目亦可延年此方始於上陽子以授魯門左邱明子夏左太冲凡此諸賢皆有目疾得此俱愈

◎七十二種眼痛

羊膽一枚入蜂蜜一錢線紮兩手揉勻白水煮一滾即取出涼水浸半日去生水傾內汁點之

◎夜不合眼

燈草煎湯代茶飲即思睡矣 如晝夜不眠火灸新布熨目並蒸大豈更番囊盛枕之冷則再易終夜枕之即愈

◎眼皮生珠

黃丹五錢鯉魚胆汁調和如膏點三五次即消

◎眼皮生癩

櫻桃核磨水塗之

◎鬼毛入目

白礬一大塊水洗去塵垢以舌舐白礬良久其毛從舌根上出

◎竹木刺入目

地蚤搗爛塗之立出

◎麥芒入目

以新布覆面將活地蚤一條從布上摩之芒著布上出 或用大麥糞汁洗之

◎飛沙入目

鷄胆汁點指甲末均可

◎烟屎入目

用亂髮或鬚纓緩擦之切不可用湯水洗

◎石灰入目

生山枝煎濃汁不住手洗即痛止腫消

◎煎油爆入眼珠痛不可忍



用赤金葉愈多愈妙熬水洗之立時止痛洗二三次眼目如初靈驗之至

◎花炮火藥傷目

急令傷者臥地用熱小便澆之然後用自己小便徐徐洗之即明

◎眼目打傷青腫

生半夏爲末水調塗之即愈

◎鷄盲眼(大小並治)

明雄黃(水飛候乾先將研細)每日用五厘以活鷄剖取熟肝搗和溫酒調服 或

用鷄肝一具不見生水以車前子末一錢共搗爛飯上蒸熟以夏枯草湯送服

◎痘風眼

蝸虫揉爛取汁塗眼邊上永無再發如無蝸虫亦可用並迎風落淚久近可

治

◎風弦爛眼

鷄冠血點之一日三四次 或用青礬火煨出毒研末湯泡澄清點洗之 或用女

貞子(即冬青樹子)陰乾按歲服之風爛可除至老目明 或用晚蚕沙入麻油浸

透研塗之

◎目赤流淚痛癢晝不能視夜畏燈光

羯羊胆 蜂蜜以蜜入胆內蒸熟候乾細研爲膏每含小許或點目中神效 此足

少陽厥陰藥也羊胆苦寒瀉熱蜂蜜甘潤補中煖肝名二百味草花膏以羊食百草蜂採百花也時珍曰肝開竅於目膽汁減則目暗目者肝之外候膽之精華也

◎目中淚出

食鹽點目中冷水洗數次即愈

◎風眼下淚

臘月不落桑葉日日煎湯燻洗

◎男婦老幼火眼

瓦松搗爛用紙攤放眼胞皮上乾又換貼之

◎火眼（凡暴發赤腫疼痛流淚隱澁難開者是）

大黃末三錢取新汲水調塗兩眉心及兩眼胞乾用水濕之 或用生薑切片貼眼皮四圍即愈 或用田三七末水調塗眼皮上

◎目赤熱痛

田螺一個入鹽花少許取汁點之

◎目赤痒痛

用人乳浸黃連頻點背中能治目中百病

◎百腫

五倍子煎水洗之

◎目赤腫痛

用自己小便乘熱紬帕抹洗即閉目少頃如此數次即愈 或用猪膽汁一杯和食鹽五分銅綠五分點之 或用黃丹調蜜糖貼太陽穴立效 或用甘草水磨白礬敷眼皮上 或用豆腐貼之 或用決明子炒研茶調敷兩太陽穴乾則易之一夜即愈(並治頭風熱痛)

◎目中白珠全黑毛髮堅直如鐵能飲食而不語如痴如醉名血潰症  
五靈脂研末二錢酒調服之

◎眼赤鼻張氣喘渾身出斑毛髮如鐵乃熱毒毒結於下焦亦名發斑  
白礬滑石各一兩研末水三碗煎至一碗半頻服

◎兩目忽然不見

取地上三尺下黃土攪水澄清洗之即愈此葛仙肘後方也 或用老薑一枚令人嚼之即以舌日舐六七次以明爲止

◎目赤腫痛數日不能開者

生薑一塊洗淨去皮用古銅錢刮薑汁點之初點頗痛點後即愈 或用自己小便乘熱以綢帕輕輕蘸洗即閉目少頃便開此以真氣而退肝熱之法小便頭尾不用

◎眼生星翳

白鹽少許研細末燈心蘸點三五次不痛不碍屢用屢效 或用葶薺(即馬蹄)搗

碎取汁成粉去渣取粉加冰片點之如不見效照風火眼痛治之 或用韭菜根洗淨用桔葉外裹男左女右塞鼻中過夜即愈 或食葶薺十數日自退

◎眼中起贅肉 忽

此症不過半日即遮白眼一日即遮黑眼用刀上鐵銹滴涼水少許用快子頭磨起銹水點患處頻點頻開 或用好梨一個搗汁以綿裹黃蓮少許浸汁仰臥點之

◎目中生管

即贅肉之類前列各方可治用 生白蜜塗目仰臥半日洗去每日一次自愈

◎眼漏流膿

將目閉住用熱牛糞敷一日數次數日即愈

◎眼胞忽然紅腫發癢

俗名偷針眼方用 白芨磨水點之甚效 或向背上膏肓穴處（由頸上數下第三節骨兩旁是）有紅點用針挑破即愈如不用針挑用燈心一燒即愈若不見紅點用大梳向背上頻頻刮之紅點自現

◎眼胞生珠生菌堅凝不痛

取過江蜘蛛絲纏之即落（凡蜘蛛牽絲搭過屋者謂之過江） 或用櫻桃核磨水搽之自消

◎眼珠縮入

老遠燒熱敷眉心即愈

◎眼珠無故湧出垂下大便下血亦有不便血者名肝脹症

急用手托好拍入眼內莫斷血線斷則不治即用羌活煎濃湯乘熱先燻後服即入  
或用羌活燒烟燻之更妙：或用新汲井水洗眼數次即入

◎眼珠傷損

凡眼珠打出或觸傷腫痛或火胞冲傷方用 牛口涎日點二次避風即愈 忌酒  
並各熱物如火藥傷眼欲瞎者急用熱小便頻洗即愈

◎塵芒入目

生藕汁滴入自出或用手抓頭髮中垢膩點之即愈

◎飛絲入目

雜物入目亦可用 好墨磨濃用新筆蘸墨點眼角內閉日片時其絲自然成塊用  
手輕抹即出並可散翳奇效之至 或用手指甲以刀刮細末燈草蘸點一二次入  
眼內用手搓日片時其絲即出二方可以兼用

◎眼瞳成漏

凡眼下空處生瘡出膿流水不乾日久成漏諸藥不效方用 柿餅去皮取肉搗爛  
塗之十日全愈

◎拳毛倒睫

壽世良方 目科

眼毛顛倒捲縮刺目者方用 冬天壁上乾蒼蠅研末時向鼻內嗅之即愈 或用青鹽火煨以碗合地上出火氣研細每用五分熱湯半盞泡溫服之 或用五倍子爲末蜜調敷眼皮上其睫自起 或用虱子血點入眼中數次即愈

◎風火眼痛

眼紅癢者是 凡兩目腫脹赤甚痛甚作癢多淚畏日畏風容易惹人鼻塞腦酸諸病皆是但洗眼時務在帳內方可避風即帳內脫衣揭被亦有風動俱宜留意若不謹避即不效方用 上白糖一斤分三天九次開水利服每日三服早晚中三次 日全消不必再服此方不拘老少胖弱俱宜

◎眼生偷針

生於眼皮上如赤珠由脾經風熱所致方用 熱鹽水洗之 或用鷄蛋青調熟明礬末敷之即消 或將耳對接用燈心火向接角處一燒其瘡自愈左眼燒左耳右眼燒右耳兩眼燒兩耳各一炷自愈 或用白芨磨水敷之

◎洗眼神方

山西太原守藥景錫失明十九年忽有神人傳一靈方用 厚樸五分清水一碗煎至五分逐月洗之即愈未洗之先須齋戒沐浴將洗之際須迎日光焚香一日三次其方已傳七代愈人不少也

◎洗眼日期(用舊歷)

正月初三日  
三月初三日  
五月初五日  
七月初二日  
九月初十日  
十一月初四日

二月初六日  
四月初五日  
六月初四日  
八月初九日  
十月初三日  
十二月初四日

## ○耳科論症

耳者腎之竅腎虛則耳聾而鳴也耳左聾者忿怒動膽火也耳右聾者色慾動相火也兩耳俱聾者厚味動胃火也兩耳腫痛者腎經有風熱也兩耳出膿者腎經亦有風熱也有氣閉耳聾者候氣復順自明也  
脉耳病腎虛遲濡其脉浮大爲風洪動火賊沉瀦氣凝數實熱塞此久聾者專於腎責暴病浮洪兩尺相同或兩尺數陰火上衝

◎少年耳聾

木耳一撮醋炒白糖拌食

◎久年耳聾

巴豆(一粒不去油)斑蝥(三個)共搗爛加射香少許以葱汁蜂蜜和捻作錠如麥

粒大用絲綿裹置耳中響聲如雷切勿驚慌待二十七日耳中有膿水流出方可去  
錠奇效非常

◎腎虛耳聾響如風水鳴如鐘磬聲

白毛烏骨雄雞一隻洗淨以無灰酒三大碗煮熟食三五隻見效 婦人用烏骨雌  
雞亦合

◎暴聾

鯉魚腦髓二兩粳米三合和鹽醬羹粥食之 或用尖棧一個剜一孔如錢眼大實  
以麝香安患耳肉上以艾火灸之不過二三次即愈

◎卒然耳聾氣閉

蚯蚓一條入鹽少許放蔥管內化水點之立愈真奇方也

◎耳聾耳鳴

甘草胭脂甘遂研末以白棉裹之日夜換塞兩耳自通

◎諸般耳聾

棉裹珍珠塞耳內自通 或用好新鐵片三塊咬口內好磁石塞兩耳內靜坐覺耳  
內鳴响便效有頃刻通者有數日通者

◎耳鳴

生地切斷紙包火煨塞頻易之



◎耳痛

鬱金浸水滴之 或用枯礬末加冰片吹之（流膿亦合）

◎耳內流水或流膿

香附末搽之 或用五倍子存性爲末吹之

◎耳鼻流血不止（不急救卽死）

生地一兩麥冬一兩淨水煎服卽愈

◎耳漏及耳底痛

蓮子心田鷄骨二味炙黃爲末加冰片一分和勻吹之止痛

◎水銀入耳（最易蝕腦）

以金枕耳邊自出

◎耳閉不通又作痛

每日平明以大拇指指捏住鼻孔勿令泄氣咬牙拏目口唇閉緊使氣俱入耳竅悶

極放手時時行之久則自通 或用大田螺一個撥開蓋入射香五厘俟化水滴入

◎耳被挖傷

金頭蜈蚣一條瓦上焙存性研末吹之立效

◎耳內生粒如棉子大極痛名耳疔

人指甲瓦上焙枯有性研末加梅花冰片少許吹入極效

◎耳疔震耳纏耳停耳風耳

各症俱係耳內悶腫出膿但膿色不一而名各異耳疔則出黑色臭膿震耳出青膿纏耳出白膿停耳出黃膿俱由胃濕與肝火相兼而成惟風耳則出紅膿偏於肝經血熱也方用

青魚膽和冰片少許滴之即愈 或用抱過鷄蛋壳內白皮炒黃研末香油調灌耳內痛即止 或用頭髮瓦上燒存性爲末每一錢加冰片七厘研末少許入耳甚效

◎耳內膿血腫痛有虛有熱其症不一甚至痛不可忍夜難安枕用上各方便效如不效用

韭菜自然汁灌入百發百中其效如神

◎耳內如有蟲走或血水流或乾痛難忍

蛇蛻皮燒存性研末吹之立愈

◎耳內耳外生瘡

蚯蚓糞爲末吹入或用蘇油調搽

◎耳下生瘡時出膿血數年不愈

鉛粉摻之三日收功

◎兩耳脫落兼治鼻落

用人髮入瓦罐內以鹽坭封固煨過爲末急以所傷耳鼻蘸藥安於舊處再用老薑嚼溶四圍厚敷用綢掘定自安

◎諸蟲入耳

凡諸蟲入耳不可驚動用手緊閉耳鼻閉口不言蟲入之耳不閉少頃自出 或用好醋麻油韭菜汁葱汁薑汁此數種隨便而灌耳中其蟲自出 如在夜間暗入者切勿驚慌響叫逼蟲內攻宜端坐點燈光向耳竅其蟲見光自出若有人在旁其蟲不出人皆避開方效

◎壁虎入耳

鷄冠血滴入卽出

◎蜈蚣入耳

生薑汁或韭菜汁灌入卽出

◎飛蛾入耳

用銅器向耳邊敲打自出

◎蛆蟲入耳

皂礬末搽之卽化爲水 或用杏仁搗如坭取油滴入耳中非出卽死

## ○鼻科論症

鼻塞聲重流涕者肺感風寒也不聞香臭者肺受風熱也鼻淵者膽移熱於腦也鼻赤者熱血入肺成酒齶也鼻頭紫黑者屬風寒血冷則凝滯不散也

脈右寸洪數鼻衄鼻鼾左寸浮緩鼻涕風邪

### ◎鼻孔生玉筍

若左右兩鼻陡然長出肉筍二條痛痒不可忍者用食鹽五斤分作兩股先將一半炒熱晒腳底下使熱氣入內其肉自縮後將一半炒熱以便接續替換而晒不可間斷以肉筍縮盡爲度應驗非常

### ◎鼻中肉墜

藕節有毛處一節燒存性爲末吹患處

### ◎虫吃鼻子

用鯽魚一尾破開洗淨後用砒霜放入腹內以泥包好放於柴火內煨俟泥紅時取出存性研末搽之即愈

### ◎鼻衄

粟子壳燒存性研末粥湯調服二錢或用生粟子衣陰陽瓦煨灰研末嚙鼻即止久嚙除根或以乳頭對鼻孔擠乳汁入鼻內立止或用蘿葡汁半盞入酒少許

熱服並注鼻中

◎鼻血不止

用大蒜一個去皮研如泥作錢大餅子式如係左鼻血出貼右足心右鼻貼左足心兩鼻貼兩足心 或用白芨末唾津調塗鼻上山根處即止 或用黑枝甘草等分爲末吹之即止 或用燈心一莖點清油燒之在少商穴燒一炷立止穴在兩手大指內外甲縫之中不上不下處即是左流燒左手右流燒右手雙流燒左右手有人鼻血三日不止口內亦流百方不效勢甚危急用此立止止後半刻復流仍在原處燒之而止如原處起泡將泡挑破燒之止後照艾柏飲服之方免復發之患（艾柏飲查驗方新編鼻部便知） 或用線扎緊手中指第二骨節彎屈之處即止左流扎右右流扎左雙流雙扎極效止後緩解 或用韭菜搗汁蒸微溫服其效無比

◎鼻孔爛穿

五倍子燒灰存性研末以黃蠟與豬油和勻敷之

◎鼻內生蟲

韭菜子燒烟向鼻薰之引虫出淨自愈

◎鼻內生瘡

苡米 冬瓜煎湯當茶飲之神效 或用杏仁（去皮尖）搗爛成膏用人乳調塞鼻內 或用嫩桃葉搗爛塞鼻內無業用枝亦可

◎鼻中生痔

生藕節連鬚瓦上焙枯研末和頂上冰片調敷 或用冰片點之雖痔肉垂下亦入

◎鼻中肉塊(並治鼻中生瘡俗名息肉)

生藕節連鬚瓦上焙枯研末吹入其肉自落 或用枯礬生豬油和勻棉裹塞鼻中數日肉隨藥出

◎鼻流清涕不止

生花生四五斤入鍋內令本人親手拌炒數次即愈

◎鼻流臭水(名鼻淵又名腦漏)

此症從腦頂上一股酸氣由鼻孔而下臭不可聞用老刀豆焙枯研末酒調服三錢重者不過三服即愈

◎鼻塞出水日久不聞香臭

鐵鎖鬚磨石上取末和生豬油塞鼻有肉虫出即愈

◎鼻中生毛晝夜可長一二尺漸粗如繩痛不可忍

此食豬牛羊血過多所致用 豬毛焙存性研末吹入鼻中即愈如食牛羊血過多者或加牛羊毛亦可

◎鼻準紅赤

食鹽研末每早擦牙含水漱口吐入手中洗面月餘自愈 或用白菓嚼融和甜酒

晝夜敷目洗甚效 或用大黃朴硝爲末口水調塗鼻上

◎鼻流血方

用熟燻一撮向兩耳後上邊貼上其血立止 或用青苔貼顙門穴上立止 或用乾蘿蔔菜豬精肉同煮食之

◎豆塞鼻管

有小兒以豆誤塞鼻管而不能出但將此兒兩耳與口掩緊不使通氣乃以筆管吹其無豆鼻孔則豆自出

◎鼻口出腥臭水以碗盛之狀如鐵色蝦魚走躍捉之卽化水名曰肉壞多食鷄肉自安

◎口鼻出血不止

用多年尿壺火上烘熟向鼻薰之立止如神 或用韭菜搗自然汁半碗飲之立見功效

## ○口舌論症

經言舌乃心之苗此以竅言也以部分言之五臟皆有所屬以症言之五臟皆有所主如口舌腫痛或狀如無皮或發熱作渴爲中氣虛熱或眼如爛觸體倦少食或午後益甚爲陰血虛熱若咽痛舌瘡口乾見熱日晡益甚爲腎經虛火若四肢逆冷惡寒不思飲食或痰甚眼赤爲命門火衰若發熱作渴飲冷便閉爲腸胃實火若發熱惡寒口乾喜湯食少體倦爲脾經虛熱若舌本作強顛夾腫痛爲脾經濕熱若痰甚作渴口舌腫痛爲上焦有熱若思慮過度口舌生瘡咽喉不利爲脾經血傷火動若悲怒過度寒熱口苦而舌腫痛爲肝經血傷火動病因多端當臨時制宜凡舌腫脹甚宜先刺舌尖或舌上或邊旁出血泄毒以救其急惟舌下瀦泉穴此屬腎經雖宜出血亦當禁針慎之

一口舌生瘡咽喉腫痛燥渴便閉此三焦實熱也用涼膈散加減頻噲咽不可頻服恐上熱未除中寒復生變證莫測也

一口舌生瘡發熱惡寒神勞體倦不思飲食此中焦虛熱也用補中益氣湯加麥冬五味子

一口舌生瘡口乾飲湯不止乃胃氣虛而不能化生津液也用七味白朮散

一口舌生瘡飲食不思大便不實中氣虛也人參理中湯若手足逆冷腹痛中氣虛



寒也加附子

一口舌生瘡糜爛或晡熱內熱脈數無力此血虛而有火也用四物湯加白朮茯苓  
麥冬五味牡丹黃柏知母

一口舌生瘡食少便滑面黃肢冷火衰土虛也用八味丸

一口舌生瘡日晡發熱作渴唾痰小便頻數腎水虧損下焦陰火也加減八味丸若  
熱來復去晝見夜伏見晝伏不時而動或無定處或從腳下起此無根之火也亦  
宜八味丸又以附子末唾津調搽湧泉穴若概用寒涼之劑損傷生氣為患匪輕

一口臭牙齦赤爛腿膝痿軟或口鹹此腎經受熱也用六味地黃丸

口瘡者三焦火盛也口苦者心熱也口甘者脾熱也口辣者肺熱也口鹹者腎熱也

口酸而苦者肝膽有實熱也膽熱而口苦者乃謀慮不決也

口舌生瘡脈洪疾速若見脈虛中氣不足

◎口苦方

黃連去鬚為末水調服

◎口辣方

桑白皮 地骨皮各二錢甘草一錢水煎飯後服

◎口渴心熱

天花粉水煎當茶服之

壽世良方

口部

三十七

◎口出臭氣(胃熱也)

大茴香煮羹及生食甚效 或用紅砂糖漱解之

◎口臭齒腫及牙齦腫痛

北細辛一兩煮取濃汁熱含冷吐甚效

◎口瘡

朴硝含之 或用生黃柏蜜炒研末塗之

◎滿口潰爛

青錢二十文燒紅投醋中將醋服之用酒亦可 或用生薑汁時時漱吐或塗瘡上

或用蘿蔔汁頻漱去涎 或用鷄肫皮燒灰敷之

◎冰砂毛毒

口內忽然腫痛牙肉黑色牙將脫落者是用 甘草煎水含之 再取牛喉切片瓦

煨桑螵蛸煨共研末加冰片少許用鴨毛挑藥末搽口內各處去清濕毒再含甘草

水漱之痰涎去淨即愈

◎口眼歪邪

爲邪風所吹方有是症用 葶藶仁搗膏左歪貼右右歪貼左即止

◎口內上腭生癰

一名懸癰生口上腭形如紫葡萄舌難伸縮口難開合鼻內出血時發寒熱急用

食鹽燒紅枯礬各等分研細末以快子蘸點每日三五次自消

◎口舌生瘡

一名口糜用荊蒂燒灰敷之 或用吳茱萸去梗研末好醋調敷兩足心過夜即愈

或用柴胡地骨皮各二錢五分煎服

◎口臭難聞

每夜臨睡時含荔枝肉一二枚次早吐去半月見效 或用真霍香常含口中即解

◎夜臥口渴喉乾

元參二三片含口中即生津液大有功效

## ○唇部

◎口唇腫黑痛癢難忍

古銅錢四個於石上磨猪油時時擦之

◎口角生瘡

燕子窩連泥帶糞研末麻油調搽 或用砂仁壳放瓦上火焙研敷即愈

◎口角四圍乾燥時以舌舐口水滋潤紅腫難堪

松毛煮豆腐約半日久取豆腐貼之日換數次雖多年不愈亦能斷根 或用熟礪

砂時時點之亦妙

◎口唇緊小

此名齶唇又名翻唇初起口緊不能飲食若不急治難救用 新白布作捲如酒杯大燒燃放刀口上俟刀口汗出取汁搽之日搽十餘次並以青布燒灰沖酒服極效  
或用五倍子柯子肉等分爲末香油調敷神效

◎唇破生瘡

瓦松生薑汁搗溶入鹽少許敷之

◎唇邊生瘡多年不愈

藍靛葉取汁洗之數日即愈

◎冬月唇乾血出

桃仁搗爛豬油調敷

◎人中生瘡(俗名馬嘴疔)

坑蜆一二個搗爛加冰片敷之 或用百草霜(卽鑊底烟)和冰片調茶油敷之  
或用白菊花葉和黃糖搗爛敷之 或用生蠔仔貼之立刻止痛或用 馬前子(忌食)磨醋搽之

◎嘴唇陡然翻突形如豬嘴

此名唇菌症乃心脾熱毒所致對時必死(無藥可救)急燒兩手少商穴(在大指內外甲縫之中不上不下即是)一面用活地龍(卽蚯蚓)十條搗爛 吳莫二錢

研末加灰麩少許，熱醋調敷，喉疔心用布襯住半日，一換以愈爲止。

口唇連環生疔瘡七粒（名七星攪月危症也）

用十二歲內小兒所下虻虫（卽屎虫）百條，搗餅疊敷之卽愈。凡疔生口唇上者，大腿腕有紫根起者，急用銀針刺出血卽愈。

## 舌部

◎舌脹滿口

此症由心經火盛以致卒然舌大腫硬，咽喉閉塞卽時氣絕，名曰翼舌，至危之症。急用皂礬不拘多少，用新瓦煨紅色，放地上攤冷，細研以磁甕搗開，牙關或用鹽梅擦之，或用半夏擦之，牙關自開。將皂礬末搽舌上立效。再用鍋底煙二錢調酒送服，若舌腫而喉內有痰者，卽是喉風，須查咽喉各方治之。或用雄鷄冠血搽舌上，咽下卽愈。

◎舌忽腫出口外或長數寸

此症由心經熱極所致，方用雄鷄冠血一小盞，以舌浸之卽縮。或用真貝連三四錢煎濃汁，以舌浸之亦效。

◎舌忽縮入

銀針刺破舌尖，出盡惡血，以臘燭油搽之卽愈。

◎舌上生菌

此惡症也初起如豆漸大如菌疼痛紅爛無皮朝輕暮重由心脾熱毒所致急用蜘蛛絲搓作線一條打圈套在菌根上其絲自漸收緊收至極痛忍耐片時菌落血出用鑊底煙敷之 或用蒲黃末敷之亦效

◎舌下腫痛

此亦重舌之類用 蒲黃五錢煎濃汁去渣含口中數次極效 或用鐵鏽鎖燒紅打下鏽研末水調一錢噙咽而愈

◎小舌落下

俗名跌落弔鐘在喉嚨之上用橄欖連核燒存性研末吹之即止 或用吊仰塵灰點之 或用食鹽炒熱點之均效 宜先用快子將舌根壓住然後吹點方上

◎重舌齶齦老幼皆治

凡重舌者乃舌下生舌重齶乃上齶皮腫如水泡重齶乃牙牀起腫皆用針刺患處（當中不可刺）及紫脈令出血用 生蒲黃末搽之即愈

◎重舌

生松毛一握候鳥醋二大碗候冷以醋含口內即有痰涎流出涎盡而小舌便焦即用 百草霜和冰片點之即愈 或用冰片黃蓮末搽之亦效

◎舌出不能入

葶藶油蘆紙作燧燒煙燻之即收

◎舌出寸餘

傷寒常有此症連日不收方用 梅花冰片爲末搽舌上應手而收症重者須用一錢方效 或加硃砂一錢開豬膽搽之更妙

◎舌腫不消

百草霜（即鑊底烟）調醋敷舌上乾即再敷須臾便消 或用黃連煎水服之以瀉心火其效尤速

◎舌硬出血

百草霜調鹽醋含咽數次 或用木賊煎水漱口即止

◎重舌腫脹

鐵銹鑊燒紅打下銹水研末調一錢含咽立愈

◎舌上生胎

薄荷煎水含漱並治口臭 或以新布蘸井水抹舌後用薑片時時擦之

◎木舌腫滿

糖醋時時含漱 或用地鼈虫炙五枚入鹽五錢爲末水煎十沸乘熱時時含吐至愈乃止 或用蒲黃末八錢摻之自消

## ○牙痛論症

牙痛不外風火虫三項又有虛火實火之分虛火其痛甚緩日輕夜重實火痛不可忍風痛者痛而且腫甚至頭面皆痛叫風亦痛虫痛者發時必在一處叫號不已亦有虛痛總在一處者治法雖多初服甚效效而再發服之不效蓋虛實風火各有不同也

牙痛者胃火盛也開口叫風則痛甚者腸胃中有熱也開口則臭不可聞者腸胃中有積熱也虫食而痛者腸胃中有濕熱也牙齦宣露胃中客熱也走馬牙疳者上焦濕熱也齒動搖者腎元虛也

齒痛腎虛尺濡而大火炎尺洪疏搖豁壞右寸關數或洪而弦此屬腸胃風熱多涎

### ㊟牙痛方

乾薑一錢紅丹三分爲末擦之立止 或用葇荳十一粒胡椒七粒共搗極碎用綿裹如黃荳大用一粒咬於牙痛處其痛永除如疼極不可忍先以燒酒漱口吐去然後點藥立愈 或用檳榔葉十塊(男雙女單)生鹽一撮共搗爛敷患處 或用熟晒蠔豉不拘多少俛粥食或俛冰食可治腎火牙痛蓋蠔豉最去腎火愈後不可多食 或用生地二文皮硝一文搗爛敷之卽止 或用杉木煎水漱口

### ㊟秘傳牙痛方(名千金一笑)



用巴豆一粒（去壳取仁）以龍眼肉包好含患處一炷香久取出其涎水隨藥而出吐清涎水便愈切勿咽下令作嘔洩慎之

◎虫蛀牙痛方

用新白洋布一條捲胡椒末一撮如豆大蘸生菜油（以濕透爲止）向燈上燒紅塞入蛀牙痛處立刻止痛連燒二次下次再痛再燒一次永不再發真神方也該椒末燒紅放入牙內毫無痛苦幸勿畏視

◎風火牙痛

腮門發腫呵風痛者亦是用荔枝連壳燒存性研末擦之或用燒酒浸花椒常常漱之或用紋銀一兩燒紅淬酒一盞熱漱之或用生地搗爛加樟腦少許捶勻貼患處吐盡涎水即愈

◎蟲牙痛

痛在一處有膿無膿皆是用枸杞根白皮煎醋漱之蟲即流出或以菲子煎濃湯漱之蟲出或用天仙子不拘多少燒煙以竹筒抵牙引烟燻之蟲死或用雄黃末和棗肉爲丸塞牙縫內或用五倍子煎濃汁含漱數次即愈

◎火牙痛

生石羔研末擦之且能固齒或用松木節一片咬痛牙上止痛

◎多年牙折

壽世良方 牙科

鼠脊骨研末日日揩之自然復出

◎擦牙固齒

火煨羊脛骨爲末入白鹽末二錢日日擦之 或用柏油薤餅研末擦牙終身不落

◎牙動欲脫

凡牙齒動搖及外物損傷欲脫者用 五倍子乾地龍炒研末先以生薑揩擦然後敷之數次自固

◎牙軟

因食酸物過多所致卽嚼 核桃肉數個便愈

◎牙落復生

雄雌鷄屎各十五粒焙研入射香少許先將牙根以針挑破血出敷之十日卽生

◎牙齒日長飲食難進

名髓溢病用 白朮三四錢煎湯頻頻漱口卽愈 若長至寸許常嚼生地甚妙

◎牙齦腫爛流出臭水(卽牙疳症)

芥菜桿燒存性研末敷之 或用蘿蔔子十四粒生研以乳汁調和左痛點右鼻右

痛點左鼻

◎牙痛外治法

向患人肩尖微近後當骨節陷中以蒜片蓋住上用艾絨一團如豈大燒五次左牙痛燒左肩右牙痛燒右肩燒後頸必大痛良久齒痛永不再發百方不效者惟此立驗亦神方也 或用烏枚燒存性研末加頂上牙色冰片少許擦之神效 或用竹葉膏

生竹葉(去梗淨一斤)生薑四兩淨白鹽六兩先將竹葉熬出濃汁又將薑搗汁同熬瀝去渣入鹽同熬乾如遇牙痛用擦一二次即愈其效如神

◎陰虛牙痛

枸杞一兩蒸瘦猪肉食一二次神效之至

◎走馬牙疳(牙根腐爛即是)

紅棗一枚去核入紅砒一粒如黃荳大紮好放瓦上炭火炙至棗枯烟盡爲度取出用碗蓋住候冷加頂上梅花冰片一分研末將患處洗淨吹入效速如神久爛之孔生肌亦速切勿輕視 凡大人熱病及小兒痘症之後火毒流於胃經致有此患勢甚危急甚則落牙穿腮透鼻一二日即能致命故有走馬之名言其驟也 此症有五不治不食爛舌根不治黑腐如筋者不治白色肉浮者爲胃爛不治牙落穿腮鼻臭難聞者不治山根上發紅點者不治如是凶險命在須臾急用前方治之

◎牙痛腿痛(名青腿牙疳)

此症兩腿形如雲片或紅或青大小不一痛而腫硬步履艱難其毒上攻以致牙根

腐爛甚至穿腮破唇雖說話高聲亦痛照前走馬牙疔方治之 或服六味地黃湯  
(不用山萸肉)十餘劑亦可 有人患此痛苦八年一乞食道人用艾火在耳門邊  
肉尖上用蒜片隔住連燒五次立時全愈神妙非常左痛燒右右痛燒左兩耳痛雙  
燒無不奏效 或用燈心火燒之更妙

◎牙縫出血(滿口牙齒出血可治)

此名牙宣症又名牙飢乃陰虛熱極所致發時血出不止若不急治難救用 黃荳  
腐渣敷之立止如神內服六味地黃湯(去山萸肉不用)其病若失或用 蘿蔔含  
口內嚼之熱則再換另嚼極效 或用 蠶繭二個爲末點血立止 或用百草霜  
摻之 或用麥冬(去心)川芎煎水或含或服均可

◎軟牙瘡

此症小兒最多用 生蜆三四個搗開取肉先將壳燒枯和蜆肉搗爛敷之甚效

◎睡臥咬牙聲響

卽取本人所睡席下灰塵一捻納入口內勿令本人知之卽愈

◎取牙痛法

大蒜一個搗爛入白龍骨末一二分拌勻貼痛處半時卽下 或用巴豆末點牙亦  
落勿點好牙 或用白馬尾燒灰點上卽脫勿點好牙緊記

◎齒黃

糯米糖燒取白灰日日擦之自白

### ○鬚髮論治

鬚屬腎故下生稟水氣也髮屬心故上生稟火氣也夫胆榮於鬚腎華於髮精氣上升則鬚潤而黑六八以後精華不能上升秋冬令行金削水枯以致鬚髮焦稿如灰白色養生者宜預服補精血藥以防之如張天師草還丹四物坎離丸五老還童丹之類徒事染掠亦非上策

#### ◎烏鬚方

胡桃外面青皮壓油塗之 或用鮮覆盤子榨汁塗之

#### ◎又方(能變白爲黑身輕體健功難盡述)

每年冬十月壬癸日面東採大紅枸杞子二升搗破用無灰酒二斤盛磁瓶內浸二十一日足開封加生地黃汁三升攪勻以紙三層封口至立春前三十日開瓶飲一杯至立春後鬚髮都黑勿食蕪青葱蒜服之見效若年年如法服之身輕耐老也

#### ◎烏鬚秘方

用香油一瓶油核桃二三十個去壳取肉古銅錢一二十個浸油內埋土二尺深約一年內取出搽鬚髮上即黑

#### ◎立刻烏鬚

壽世良方 牙科 鬚髮

酸石榴一個去頂蓋 白信石三分研末入內將原頂蓋好用紙封固過七日化水  
先將鬚髮洗淨拭乾用汁染上黑色到根 須將石榴穰子攪勻然後入藥封口  
或用好墨一方填在鳳仙花粗梗內外用麻扎緊霜降後取出磨墨點之

◎令髮長黑

熊胆 蔓荊子等分爲末和勻醋調塗之

◎沐髮光澤(頭髮枯槁並治)

豬胆汁入湯沐之 或用木瓜浸油梳頭

◎婦人髮生黃白

黑荳一升青石榴一個搥碎入好醋三升煮爛去荳再煎至一升收貯每早擦髮則  
黑而潤

◎髮垢

雞蛋清塗之少頃洗去光潤不燥

◎令髮不落

榧子三個核桃二個側柏葉一兩共搗爛浸雪水梳頭永不落髮

◎令髮易長

東向棗根三尺橫臥甑上蒸之兩頭出汗收取塗髮卽易長矣

◎無髮

甜瓜葉搗汁塗之卽生 或取側柏葉陰乾研末和麻油塗之

◎髮落重生

米泔水洗淨布揩令熱生鐵一塊入猪油內煮三沸塗數次卽生

◎婦人禿髮

花椒四兩酒浸日日搽之 或用生半夏莖杵出涎汁塗禿處卽生

◎白鬚轉黑

先將白鬚拔去用猪胆塗孔中卽生黑鬚 或用白蠟點孔中卽再白

○頸項

◎頸上生瘡大如櫻桃有五色者瘡破則頸皮斷

黃牛乳日日飲之久則自愈

◎對口瘡

生後頸正中處正對前口故名對口偏生者稍輕若不急治對時卽死 初起採桃葉尖七片用鐵斧搗融貼之卽愈 或用雄鷄糖糞敷數次亦愈 鷄糞性涼最能敗毒加荔枝核研末調敷猶爲神妙

◎閃頸促腰

真硼砂研粉以燈心蘸點眼角四角淚出卽鬆連點三次立痊 或用將扎竹之篾順

解一條勿令人見携歸煎水一碗候冷飲之立愈眞神方也

## ○咽喉論症

咽喉腫痛其症不一有喉痛生瘡者有咽痛閉塞者有紅腫結核脹痛者有閉塞不能言語者俱是風熱痰火用清涼散加減服之或喉閉急症卽刺少商穴用三稜針放出毒血然後施治自無誤事大抵咽喉之患最爲險惡頃刻之間痛不可忍係屬寒症若悠緩而痛乃爲熱症內經云驟起非火緩起非寒虛寒實熱是在智者區別庶不至誤投方藥耳

咽喉之脉兩寸洪盛主盛下虛脉忌微伏

### ◎喉痛辨症要訣

凡患喉痛忽然牙關緊閉不辨何症卽用手指按耳下較骨處辨之如第一指部位脈動生鎖喉疽第二指部位脈動生雙單蛾喉第三指部位脈動生疔蛾不分之症第四指部位脈動生喉疽及鎖喉疽鎖牙疔疔等症是也用後開牙關藥治之再用藥散吹之倘調理不善瘀血未清須用火灸之法方無後患

### ◎火灸法

喉症未愈者卽用厚銅錢三個先將一個兩傍鑽兩小眼取線兩條長五寸（不可過短）將一線穿入一小眼內一頭繫銅錢一個卽以鑽眼之錢放正病人頭項（不



可分毫斂針一其小眼所穿兩錢自然吊到兩耳尖上川手指懸住吊下之錢再向錢邊度去離錢一寸八分用燈心火左右各一灸先向頭頂錢眼兩三灸然後灸兩邊水無後發矣

愈後服食生雞鯉魚蝦蟹田鷄豆腐麵餅百日爲要

◎喉症愈後不用火灸宜服此方

青黛五分甘草一錢八中白五分共研細末用米搗爛和藥散糞成膏分三次服之便無後患 或川金銀花一錢五分貝母一錢准山一錢五分甘草八分茯苓一錢五分人中白一錢係猪瘦肉食二三次便愈

◎雙單喉蛾

凡雙單蛾初起頭頂上必有紅毛半截及紅血泡一粒雙泡卽雙蛾單泡卽單蛾若無紅泡謂之隱蛾又名喉痺生於喉關上者輕關下者重喉閉片時卽不可救若男子從鼻樑中心尋至頭頂婦女從腦後尋至頂上小兒看兩子虎口如有紅泡卽用銀針挑破其蛾喉亦破忌見燈火方用 老蒜搗溶如露豆大敷經渠穴一穴在大指手腕寸脈後一男左女右用蠟壳蓋上紮住用別物蓋亦可一片時卽起一水泡用銀針挑破將水揩淨以去毒氣立刻安痊再服甘桔湯以免後患無藥之處不服亦可 或挑去頭上血泡細看耳後較上筋有藍點出現便是蛾眼卽按藍點處用燈草火一灸將火冲熄便是此症一灸不愈再灸便痊並用後方治之 或用鵝毛

一根粘真桐油一分入喉捲攪痰涎隨油吐出愈後服甘草水一碗解去油氣爲妙  
或用食鹽自搓手掌心鹽乾復易新鹽搓之數刻卽消此經驗良方也 或用生  
半夏末墮鼻內涎出甚效 或用人指甲瓦上焙焦研末吹入喉內其蟻立破至便  
至神 或用燈草數莖纏指甲一塊向火燻灼至黃色將二物研細又用壁虱（俗  
名灶公鷄卽壁上蟋蟀）用新瓦煨研末二味和勻吹入喉內流出痰涎吹二三次  
便愈並濃煎甘草水含洗喉內餘毒永無後患

◎喉症各方

凡一切咽喉急症或閉或痛切忌刀針以免穿透急將病人兩手膊以手勒四五十  
次趕血於大拇指取小繩紮住用針刺在少商穴處一穴在大拇指甲縫之中外甲  
邊是）刺破出血立愈男左女右重者兩手齊刺此百發百中救急第一良方也  
或用先於後頸窩處搽油少許用銅錢一文刮之如刮沙樣（要順刮切勿倒刮）其  
痛稍緩以便乘勢進藥輕者不藥亦可此法極妙 或用鹽藕節平時取新鮮藕節  
烘乾用鹽醃好封固遇有喉痛者嚼汁嚥之極爲神妙陰虛喉痛更妙

◎急救乳蛾

將本人頭頂上髮用生薑擦紅卽愈 或用壁上蟻窠數個剝去窠皮用本人腦後  
髮一根捆定瓦上焙乾研末加冰片少許吹之卽愈並治風喉

◎喉痺已破疼痛難食

豬腦髓蒸熟醋薑和食之

◎鎖喉風（小兒均治）

喉內無蛾痰聲不響喉內氣息不通者早用 芙蓉葉搥汁煮鷄蛋二個一貼頤門一貼肚臍即愈

◎喉中結塊不通水食危急欲死

百草霜和蜂蜜爲丸如茨實大新汲井水調一丸灌下一二丸即愈 或用鯉魚胆汁點之即痊

◎喉痛良方

射干 山豆根 二味共十文煎水飲之或見腫痛外用白麵和醋敷之

◎無故聲啞

廣陳皮四兩煎湯頻飲立效

◎驚嚇失音不語

佛陀僧七分水飛過用茶調服一錢即愈屢試如神

◎忽然口不能言

附子研末吹入喉中即愈 或用豆豉羹湯加入好酒服之 或用人乳汁半合利好酒調服

◎咽喉腫痛飲食不下

兔毛敗筆頭燒灰調米飲每服二錢 或用白麵和醋塗喉外腫處 或用吳茱萸末醋調敷足心自愈 或用山豆根含口中咽津自愈

◎咽喉怪症

咽喉層疊生瘡不痛日久有竅出臭氣廢食用臭桔皮葉煎水連服甚效

◎咽喉生疔

田螺肉搗爛週圍敷之乾即再換

◎咽喉腫閉危在旦夕

芥菜搗汁灌入喉中少頃用黃柏煎水含口取吐血痰即愈忌甜物十餘日勿食

○乳部

◎乳頭破裂

雞屎白炒研每服一錢酒送下三服即愈

◎乳癰

紅腫疼痛者皆是男婦皆有此症方用 生蒲公英搗爛調酒服渣敷乳上略睡片時敷數次即愈此爲乳癰聖藥妙不可言 或用豆腐店棹上做豆腐淋下之水一桶入鍋熬乾成膏冷透火氣厚厚敷之乾即再敷乳上結塊自消五七次必愈屢試神驗名五百全方 或用生葱連根搗爛敷上用瓦罐盛炭火蓋葱上一時蒸熱出

汗即愈 或於初起時以玉簪花根搗酒服以渣敷之

◎乳癰多至二三百頭者

柳樹根刮去皮搗爛蒸熱布包熨之冷即隨換過一宿即愈

◎乳癰日久腫痛不愈

蝦醬用好醋蒸熟敷之諸藥不效治之奇驗切勿輕視

◎乳癰

蜘蛛三隻紅棗三枚去核每紅棗一枚包蜘蛛一隻炒熟酒送下未成則消已成立潰 或用牛眼核酒槽同搗爛敷之

◎乳癰久不收口

用茅屋上陳年舊茅草剪尾一束研末加梅花冰片敷上自愈

◎婦人縮乳

急用兩手緊緊抓住取公鷄一隻約重十兩內外連毛破開去腸雜加真射香一錢入鷄肚內覆臍上即愈

◎婦人乳吹（時時吹氣有聲）

用硃砂筆寫子丑寅卯辰巳午未申酉戌亥等字於本婦所戴簪上（本命所屬之字不寫）戴之即愈初起時用之最妙 或用舊葵扇去筋燒灰（扇風爐多年者更佳）熱酒沖服立愈

◎婦人乳孔塞痛

用核桃肉數顆搗碎滾酒調服

◎無子食乳腫痛難消

用本夫穿過包脚布敷乳過夜腫消痛止 或用本婦現穿之鞋包乳上亦消 或用炒麥芽一兩煎水當茶飲即止

◎乳巖

先由乳旁起一核如豆漸大如鷄子七八年後方破破則不治方用 生蟹壳砂鍋焙焦爲末每次酒服二錢日日服之不可間斷消盡爲度

◎乳巖已破

荷葉蒂七個燒灰存性研末黃酒調服

## ○胸部

◎胸旁生瘡

凡大人小兒胸間兩旁各生紅白癰泡濕爛疼癢每處直長一條連生十餘個不等名曰珠簾倒掛久則難治諸藥不效用端午日門前所掃菖蒲連根切碎瓦上焙枯研末香油調搽五六次即愈

◎龜胸

龜尿時時擦之久久自平用鏡照龜其尿自出

## ○手足論症

手足乃人身關鍵一有損傷實爲終身憾事此醫治之方不可不講也其症有蛇頭穿掌鵝掌風甲疽疔瘡人面瘡濕氣潰爛症本甚微得藥治之應效如神使治不得法經年屢月延纏無已甚至損指缺足終身不愈吁可畏也如有各疾速宜按方施治自無痼疾之憂幸勿以事小而忽諸

◎蛇頭惡毒（生各指頭及足趾頭者是）

此症初起痛甚急用頭髮紮住指根取癩蝦蟆一個（目赤腹無八字紋者忌用）破去腸雜（不可破肚胆汁沾指更痛）將瘡頭套住用繩紮好並將蝦蟆心肝焙枯研末調酒服之以免毒氣攻心約一對時破口出膿而愈套住之後瘡頭猶如針刺痛更難忍甚至心中難過遍身發熱或嘔吐惡心不必驚慌急服麻油一盞（用生菜油亦可）心自安定（蝦蟆能拔極重惡毒切不可輕易搗去忍耐片時自然破口出膿而愈倘誤將蝦蟆搗去別藥難醫爲害不淺）去膿後如發昏暈亦不必驚慌用高麗參三四錢以砂罐煎濃汁服之自然無事無力者用好黨參一二兩煎服亦可若愈後再腫此毒氣未盡之故再用蝦蟆一個套上少頃膿盡即不再發神效之至 或用鳳仙花（下半截連根用不用水洗）和甜酒糟搗融敷之半日消腫止痛

此方較前方尤爲神速簡便之極 或手足指生蛇頭看手足指頭有紅氣透上用燈草蘸油在氣尾上灸一次氣中間灸一次作痛上灸一次左右灸一次必然止痛卽用檳榔四個熟爛屎（卽爛筒內浦）共搗爛敷痛處 或用鷄蛋一個穿一小孔入雄黃末一的套指頭上熱則另換以愈爲度 或用生油傑頭髮以油洗之

滾

◎脫骨疽

甲疽可治 此症生手足各指（或云生手足第四指是）或生指頭或生指節指縫初生或白色痛極或如粟米起一黃泡其皮或如煮熟紅棗黑色不退久則潰爛節節脫落延至手足背腐爛黑陷痛不可忍古方有截去指頭一法斷不可用宜用頂大甘草研極細末用香麻油調敷一日一換不可間斷忌食發物不出十日必愈眞妙方也凡手指生瘡俱效 或用甘草嚼融厚敷乾則隨換數日全愈幸勿輕視

◎灌甲初起

用磁鋒於甲上剝去一層并用枯礬末敷之神效

◎指頭畏冷

天氣不寒指尖作冷名曰螺瘡用醋和鹽調勻將指頭泡入自愈

◎手足指頭羅紋生瘡

生橄欖核（有鹽者煮去鹽味）切兩段醋磨鷄毛蘸搽二十日後漸消

◎指節生瘡



指甲及虎口各手指縫生瘡腫爛痛不可忍均治名曰●節用 生黃豆嚼爛敷之 蛙  
(須先漱口再嚼)即愈 或用生蒲公英搗融敷之 或用甘草末開香油敷之熱  
則另換敷至全愈爲止

◎手丫枝痛不可忍

通草研末生雞蛋白調敷即消

◎鵝掌風

生手掌上紫白斑點疊起白皮堅硬乾燥甚則疊疊脫皮血肉外露或癢或痛久則  
成癬難愈方用大碗一個以紙緊糊碗口紙上用針刺破多孔上鋪細米糠二三寸  
厚手鉗燃炭放糠上緩緩燒之燒至離紙三分光景將炭與糠一並棄去不可將紙  
燒穿取碗中糠油時時搽之數日斷根 或用豆腐沫熱洗之拭乾後塗以桐油用  
松毛燒煙燻之戒食鷄肉 或用鴿屎白雄鷄毛炒研煎水日日洗之 或以陳艾  
側柏葉湯乘熱薰洗一月全愈

◎手足一切風痛及酒脚風漏屑風濕氣作痛

葱 蒜 薑各取自然汁一碗醋一小碗熬濃入飛麵二兩牛皮膠四兩熬成膏用  
青布攤貼患處或加鳳仙花汁一盞更良

◎手足凍裂

五梧子研末和牛骨髓填縫裂內 或用頭髮一大握桐油一碗乘瓦器內煎滾候

油沸頭髮溶爛以瓦器收貯不令灰入先用滾水洗軟裂口拭乾敷之 或用生薑自然汁熬膏塗之 或用老絲瓜存性研末和豬油塗之

◎手足凍瘡(俗名生蘿白仔)

蟹壳燒灰研末麻油調敷先用蘿葡桔皮煎水洗之 或五月五日午時以葱薑艾擦患處一時之久永不再發 或於夏天三伏內取冬瓜皮煎湯洗之亦妙 或用白灰磨汁不時塗之最良方也

◎熱毒攻手腫痛欲脫

豬油利羊糞塗之 或用水煮馬糞洗之

◎手足生瘡久不收口

取路邊多人撒尿木板爛成白色者以炭火煨化研細末和米片少許摻之即愈

◎手指及掌生黃膿白泡痛癢無時纏綿不已內必有虫

豬肝切片和桃葉槌融敷之

◎掌上紅絲斷之流血不止

用燈心火燒之自能漸收而愈

◎手足心中忽然腫起或痛或不痛或爛或不爛

名曰穿掌又名擎疔又名託盤用 白鹽花椒末等分醋和敷之未破者極效已破者勿用 或用糖鷄糞敷之 或用鮮桑葉搗敷均效

◎石硬

葶薺(即馬蹄)六個沙薑末五錢冰片五厘共搗爛敷之

◎酒風脚

南蛇皮和酒煮熱貼之其痛立止永無後患

## ○腰痛論症

大凡腰痛無論新久總屬腎虛新痛宜疏外邪清濕熱久則補腎兼補氣血時常腰痛者腎虛也日輕夜重者瘀血也腰脊重注走串者是痰也

腰痛之脈必沉而弦沉微氣滯弦損腎元或浮而緊風寒所纏濕傷濡細實閃挫然瀉爲瘀血滑痰火煎或引背痛沉滑易症

◎閃跌毆打腰痛(並治閃頸痛)

真礪砂研極細末用燈心點眼睛四角淚出卽鬆連點三次全愈 或用白葡萄乾一兩用好酒煎服重症兩服全愈

◎腎虛腰痛(凡痛不能轉動者是)

大胡桃四個燒焦去壳去皮細嚼酒送下痛立止 或用猪尾二條爛烏豆食一二二次甚效

◎腰痛奇方

壽世良方 手足 腰部

松毛和酒糟打碎加醋炒敷一夜即痊 或用絲瓜子仁炒焦搗酒服之以渣敷之

◎猝然腰痛

黑大豆一大碗水拌炒熱布裹熨之

○脇痛論症

左脇痛者肝經受邪也右脇痛者肝邪入肺也左右脇俱痛者肝火盛而水氣實也兩脇走注痛而有聲者痰飲也勞傷身熱脇痛者脉必虛也咳嗽氣急作熱脈滑數者痰結痛也久而不治便成脇癱左脇下有塊作痛不移者是死血也右脇下有塊作痛飽悶者食積也脇肋脹痛大便通和喘咳吐痰者肝火傷肺也兩脇疼痛脉必雙弦緊細弦者多怒氣偏沉瀆而急者痰瘀之愆

◎脇痛

白芥子研末水調服 或用吳茱萸末醋調敷之

○腋部

◎腋下狐臭

熱蒸餅一個分作兩片搽蜜陀僧末一二錢急夾在腋下畧睡片時候冷棄去如一腋狐臭祇用一片夾之以不見臭為止屢試如神 或用枯礬為細末以絹袋盛之常撲腋下不過十度即愈 一名體氣每夜靜時用小便乘熱洗之除根 或用薑

汁頻塗 或用三年陳醋和石灰敷之 或用自己小便洗一次米泔水洗一次自然薑汁每日塗十數次一月之後可以除根 或用頂大蜘蛛一個（若小蜘蛛用兩個）黃泥包好火內燒紅取出候冷去泥加輕粉一錢共研末日搽數次輕者二日即愈重則三四日必斷根百發百中神驗之至

## ○心痛論症

心痛初起者胃中有寒也心痛稍久者胃中有鬱熱也心痛大便實者宜利大便則痛隨利減也心痛因素喜食熱物者死血流於胃口也心膈大痛攻走腰背厥冷嘔吐者是痰涎在心膈也時痛時止面白唇紅胃口虫作痛也

心痛脉微急痛甚伏入陽微陰弦或短又數緊實便難滑實痰積心悼引背脉微而大寸沉而遲關緊數銳

### ◎心痛灸法

兩手肘後陷處酸痛是穴先用香油半盞調水灸溫服即用艾入水粉搗爛爲炷每處灸五壯痛立止

### ◎心痛諸方

舊毡襪後膠一對燒灰酒服 或用真麻油一盞煎入酒一小盞乘熱飲之 或用飯粘白礬末爲丸每服三分 或用灶心土爲末熱痛冷水調服冷痛熱水調服

若怒痛不止用羊毛敗筆頭三個燒灰無根水服 年久痛者小蒜煮濃汁飽食勿用鹽 或用山羊糞七粒油頭髮一團燒灰酒調服無論久近可治

◎猝然心痛

老薑末一錢米湯調服 或用木耳一兩焙乾研白酒送下三服愈 或用鹽放刀頭上燒紅用水一杯淬入水內乘熱飲之吐痰立效（並治絞腸痧死去）若牙關緊閉用葱白五根去皮搗如泥以匙送入喉中以麻油四兩灌下即愈

◎心痛危急

老葱頭七根（隔年者更妙）搗汁灌之以香油送下其人即醒少刻腹中有虫化爲黃水從大便而出如葱無汁畧加水搗之

◎食積心痛

神麩一塊燒紅淬醋二次水調服

◎心腹冷痛

布裹胡椒末安痛處用熨斗頻熨之汗出即止

◎停痰心痛

小白螺螄壳洗淨燒存性研末酒服少許即愈

◎蛔蟲心痛

痛時口出清水即是用 葱苳根煎濃汁服蟲死俱出 或用海螵蛸一塊以醋磨

濃瀕服 或用苦練根皮（即蘇木樹根）煎水服之 或用葱白搗汁一酒杯飲下  
咽隨飲麻油一杯少頃蟲皆化水即蟲牙痛亦效 或用生芝麻不拘多少俟痛時  
隨手取來放銅鍋內炒黑爲末酒送下

◎心氣痛妙方

用燒鐵浮起白沫研極細末白湯調服二分再發再服便愈

◎心膈胞脹腹中又饑又痛

胡椒七粒研末酒調服之

◎心痛作酸

並治水停心中作聲如雷口眼歪邪不省人事用胆礬一分爲末溫酒送下以吐盡  
痰爲度

◎冷氣心痛及疝氣腹痛

延胡索 胡椒等分爲末每服二錢溫酒送下

◎心跳方

茯神 遠志 棗仁 紅棗 桔餅 桂圓肉各一二錢水煎代茶飲

◎心氣怔忡

龍眼核一斤去黑皮長流水煮極爛加大黑棗一斤去核搗爛如坭爲丸每晨淡鹽  
湯下三錢即愈 或用白蓮肉去心皮煮食久之自愈

◎心中饑雜似辣非辣似餓非餓似痛非痛得食暫止或兼噎氣或兼惡心  
豬護心油蒸糯米食二三次即愈此乃火動其痰

◎心口生疽

高

名井泉疽又名慢心銳毒初起若心口內有塊暫大心口發毒陷即死醫皆束手  
諸書亦無法治此危症也急將本人兩手十指以線量其長短共有若干積於一線  
放喉管正中處雙環至背脊之中看兩線合纜盡頭處爲中穴又以本人中指之中  
一節用竹片量準作一寸放在中穴之左右各遠一寸各以墨記分立三穴如<sup>000</sup>形  
樣每穴用艾三團一齊火灸灸畢全愈

◎心窩成漏

一人胸口一片如腕大無皮潰爛成漏膿血時流經久不愈用 葶薺磨成粉搽之  
數日即愈

◎惡心吞酸

核桃嚼爛薑湯送下

## ○脾胃

◎脾胃虛冷不思飲食

鯽魚和豆豉胡椒老薑煨皮煑熟空心服之



◎脾胃積滯

有人食白煮雞蛋過多胸胃積滯數年不愈用 大蒜半斤煮食吐出一團開視已成小鷄連服數次吐出十餘團而愈

◎多服冷水

食生蒜頭二三枚亦效 或服砂仁一二錢亦可

◎多年消渴飲水百藥不效

每日食好梨二三個 或食蘿蔔亦可均極神效

○腹痛論症（參看虫痞科）

腹痛有寒熱食血濕痰虫虛實九般也綿綿而痛無增減脈沉遲者寒痛也乍痛乍止而脈數者火痛也腹痛而瀉瀉後痛減者食積也痛不移處是死血也小使不利而痛者是濕痰也腹中引釣脇下有聲者是痰飲也時痛時止面白唇紅者是虫痛也怒傷肝氣脇刺痛者是刺氣痛也腹滿硬手不敢按者是實痛也臍眼上痛者食痛也臍眼下痛熱手按之不痛或其痛多急或痛如刀割或吐或瀉或痛甚而覺有冷氣皆寒痛也手按之更痛冷物熨之不痛或自下而痛上或時痛時止腹滿堅結皆熱痛也時發時止痛在一處而不移者或有硬塊起者虫痛痞痛也或聞煎炒食物香氣則痛痛時口吐清水或口渴者亦虫痛也

脈腹痛關脈緊小急速或動而弦甚則沉伏弦實滑痰尺脈緊臍腹心腹痛脈沉細者生浮大弦長者死

◎寒症腹痛

或炒鹽熨之或葱薑熨之 或用熱灰熨之 或用滾水一壺隔布熨之均止痛妙法也 或用龍眼連壳燒存性研末酒服之屢驗

◎腹中緊脹

白糖煮酒飲數次即愈

◎小腹痛諸藥不效

婦人油髮燒灰酒服三錢

◎腹痛緊急不辨何症男女並治

食鹽微炒以布裹熨之

◎熱症腹痛

服六一散最妙 或用銅鐵冷物熨之 或服痧藥亦可

◎蟲疾腹痛

蟲痛如有硬塊起於腹內者用手在硬塊處久久揉擦至一日其蟲即死從大便而出 此症面色黃瘦飲食少進發時腹痛口吐清水照寸白蟲疾各方治之甚效

◎肚腹麻木



烏梅煎水含飲即愈 或用川椒末(閉口者不用)調水服即愈

◎寸白虫痛

男婦小兒均治方用 榧子一斤陸續去壳頻食之(用火燃熟更妙)食完一斤其虫即下用便桶接下是雄者祇一條雌者三五條或六七條大小不等如虫不止再食一斤方得淨盡蟲若出後飲食須小心調理半月後精神如舊 或用酸石榴根一握水煎濃汁先食肉脯次服此汁則虫盡去矣

◎虫痛

使君子肉火煨七個去皮研末熱水和白糖調服三四次其虫自出 或取苦練根(即森木根)去皮洗淨曬乾炒黃研末白糖調服七八錢虫即化水 或用葱汁半

盃菜油半盃空心和服虫亦化水

◎虫痛口流涎水不能飲食

烏梅一個花椒十四粒生薑三片煎水服之或加榧子十枚黑砂糖少許全服亦可

◎治三尸虫

桃葉搗汁空心服一盞便效

◎大腸出虫生生不已行坐不得

鶴虱研末水調服五錢自愈

◎臍虫怪病

腹中如鐵胎中出水旋變爲虫繞身而行痛癢難忍掃撥不盡方用 蒼朮煎滾水浴之又以蒼朮研末加射香少許服之

◎心胃虫疾作痛

或滴水入口卽吐或口渴飲水不止或吐清水皆是用 葱白汁一杯飲下隨飲真小磨麻油一杯少頃卽愈虫當化水除根雖痛至牙閉欲死者亦效

○痞滿論症

夫痞滿者非痞塊之痞也乃胸腹飽悶而不舒暢也有氣虛中滿有血虛中滿有食積中滿有脾泄中滿有痰膈中滿皆是七情內傷六淫外侵或醉飽飢餓失節房勞過度則脾上虛而受傷轉輸之官失職胃雖受穀不能運化故陽自升而陰自降而成天地不交之否不通之泰也蓋陰伏陽蓄治用香砂養胃湯加減枳壳丸調養脾胃使心肺之陽下降肝腎之陰上升而成天地交泰是無病也  
脈滑大痰火作孽弦伏中虛微瀉衰劣

◎痞積

生鷄一隻取熱血用好酒泡滾醉飲病深者數服卽消

◎血痞

葱白搗爛和蜜攤布上貼患處用熨斗微火熨之

◎瘡塊外治

凡腹中有塊痛如刀刺者用商陸根搗碎蒸熟以新布裹熨痛處冷卽再換再熨以愈爲止 或用生鷄蛋一個開一小孔加入木鼈子一個打碎去油和勻紙包火煨熱避風食之卽消 或用雄黃一兩白礬一兩爲末麪糊如膏攤患處卽效不效再貼但覺身如負重卽愈 或用玉簪葉獨蒜共搗穿山甲末和醋搗餅量瘡塊大小貼兩炷香爲度瘡卽消化由大便而出（虛弱人不可用此方）

◎瘡滿

糖坊內糖漿溫服一二盞卽效

◎瘡病外治

新鮮水紅花同老蒜搗爛如坭入皮硝一二兩搗成餅量瘡大小貼之乾則再換使消 或用葱白汁四兩薑汁四兩牛皮膠八兩好黃酒二盞同水熬成珠攤狗皮上貼之 凡腹內瘀血凝結時發時止謂之瘡積又有形者爲癰無形者爲瘕久瘕不愈亦成瘡症

◎髮癥

好飲清油者是喉中如有蟲上下亦是用白馬尿飲一二碗卽化 或以雄黃末五錢清油半碗服之卽吐出一蟲而愈 有人腰痛牽心發則氣絕一名醫視之云是髮癥以油灌之吐出一蟲掛壁上滴盡血水乃一髮也

◎米瘵

好食生米者是用 白色雞糞三錢白米三錢同炒焦為末煎水服之吐出米汁即愈

◎肉瘵

常喜食肉者是用 白馬尿飲二三碗當吐肉出不吐難治

◎虱瘵

人好嚼虱多染是症用 舊梳篦各一件各破作兩分以一分燒研末以一分煮水調末服之即下

◎龜鼈瘵

胸腹中如有龜鼈疼痛堅硬或動或不動者是用生硫磺末調酒時服之 或用生蝦煮食一日二次數日斷根

○筋骨

◎週身骨軟

一人愛食燒炙炒煎厚味以致週身筋骨疼痛軟弱漸至手足不能舉動經年不愈後食 冬瓜一二百斤而愈

◎腋肋手足腰脇等處忽如火熱腫硬如石痛不可忍或彎曲不伸

急用熟糯米飯加食鹽葱頭少許敷之冷則蒸熱再敷敷至過夜即鬆連敷兩日全愈其糯飯洗淨喂魚喂鼠不可暴棄

◎皮膚中痛

名癥瘕用 醋調燕窩坭敷之甚效 或用杏仁炒黑搗坭敷之

◎風濕疼痛

樟樹皮切細和老薑搗爛調糯米酒糟炒熱冷則再換日夜不斷三日全愈

◎男婦抽筋妙方

用男子足穿襪布一雙(舊襪亦可)以現穿者佳煎水二大碗俟水稍冷即灌入病人口內入口便吐吐後再灌以愈爲度屢試屢驗 或用老生薑搗爛以布包擦患處亦妙

○脚氣論症

其症始於受濕復挾風寒食熱之邪而成故先起於腿足必脚屈弱而舉體轉筋肢節痛而足跗腫小腹不仁心中悸動胸滿便澀但發熱頭痛身疼之候甚似傷寒人多誤治故仲景以脚氣爲類傷寒證另立篇目以別之古人謂之厥證類傷寒則難察能致人死則難治詳察其證由於平居酒色勞役之後外感風寒暑濕忽然手足發冷發熱其氣從脚下而起上衝小腹作痛或脹悶或嘔吐或昏迷或兩足脛紅腫



寒熱如傷寒狀從此或數月一發或一月半月一發漸漸四肢攣縮脚膝腫大此爲脚氣非中寒也或發作而手足不病者亦謂之脚氣此病南方人最多雖由痺濕之氣所感而實始自酒後房勞傷其胃腎倫不知爲脚氣而誤以傷寒中風治之其不至於殺人者蓋亦鮮矣

### ○脚氣論治

足麻是風足痛是寒足腫是濕足內踝骨紅腫痛者名遶躄風足外踝骨紅腫痛者名穿躄風兩膝紅腫痛者名鶴膝風兩腿膀痛者名腿股風至於腫者名濕脚氣濕也者筋脉弛長而軟或浮腫或生腫瘡謂之濕脚氣宜利濕疏風也不腫者名乾脚氣乾即熱也筋脉蹙縮攣痛枯細不腫謂之乾脚氣宜潤血清燥也腫痛初發者宜先導其滯也血虛濕熱者宜除濕潤燥也熱痛如火燎者濕熱盛也燉熱紅腫痛者屬風熱也腫痛屬風濕者宜外治也脚跟痛者有痰有血熱也脚氣冲心最爲惡候也無汗走注爲風勝風者脈浮汗而愈也拘急掣痛爲寒勝寒者脈遲溫而愈也腫滿重痛爲濕勝濕者脈細滲而愈也燥渴便實爲熱勝熱者脈數下而愈也脈弦者風濡弱者濕洪數者熱遲濡者寒微滑者虛堅牢者實結則因氣散則因憂緊則因怒細則因悲此脚氣脉之候也

### ◎腎虛脚軟

壽世良方 脚科

淨杜仲一兩(寸斷去絲)半酒半水一大碗煎服數劑調理保中即愈

◎脚腿紅腫熱如火炙

鐵鎖磨水塗之即解 或鐵綉水塗之亦解

◎脚氣急痛甚至不省人事

木瓜爲末酒調服 或用好木瓜切片鑿盛踏之即愈 或用連根蘿蔔菜煎水洗之

◎脚氣外治法

用鹽三斤炒熱包裹痛處並用一包以脚踏之冷即再換夜夜用之以脚心熱爲度  
加 白槐皮同炒更妙 或用白礬二兩地漿十大碗新杉木數片共煎六七滾用  
杉木桶(新者更佳)盛一半浸脚留一半徐徐入上以衣被圍身使略有微汗洗完  
隨飲薄粥如一次未愈再洗二次照前方加 硫黃三錢同洗無有不愈 取地漿  
水法於淨土地上掘二三尺深用新汲井水傾入攪濁少俟澄清取半濁者吹去浮  
沫川之 或川鹽搽痛處少時以熱湯洗之 有人患脚氣痛諸藥不效後常用鹽搽  
熱湯浸洗竟除其患 或用鳳仙花葉曬乾煎湯製洗以葉搗爛敷之 或用花椒一  
兩葱一把生薑三片煎湯先燻後洗腫消痛止 或用馬鞭草煎湯洗三四次便愈

◎脚氣入腹喘息欲死

木瓜蒸爛研膏爲丸每服百粒酒送下

◎脚氣衝心

白礬三兩煎水淨洗兩足良久自愈 或用檳榔爲末童便調服自愈

◎脚痔脚蚌

水仙花根晒乾研末濕者摻之燥者麻油調搽

◎脚趾縫濕爛奇癢難堪

凡趾縫感受潮濕水氣紅腫奇癢搔之疼痛濕爛出水步履維艱用烏柏樹嫩葉水浸軟抹燥擦脚趾縫內立時止痛收燥而愈 如女子脚踝腫上濕氣起泡腐爛貼之止痛 或用新瓦一塊放在火爐內撒韭菜子於瓦上加入麻油兩足向上燻之用布圍住勿令透風少刻癢止虫落瓦上即愈 或用硫磺擦之擦後再用硫磺厚敷布包穿襪一日一換數日斷根不可抓擦 或用五棗子二三個煨冰片（五厘）爲末茶油調搽 或用省城十三行羅澤禮琥珀膏敷之拔去濕水結痂而愈 百發百中效驗非常 或用陳火腿骨米泔水洗淨鹽味燒枯研末敷之 凡染此症濕熱而有虫也兩脚總宜平攤雖大小便亦不可下地如下地必潰爛最要忍癢如抓動一次必爛數日不若聽其生水作膿結痂七八日後無不愈也屢試神驗

◎兩脚痛如刀割

先用生薑切片蘸香油擦痛處隨用生薑火煨熟搗爛敷患處其痛立止

◎足生疣瘡（腫脹骨痛俗名石硬）

用獨頭蒜切片鋪痛處每片用艾火炙二次去蒜再換再炙其痛自止

◎足趾縫中生毛拂之痛不可忍

桐油煎透乘熱滴一點於毛上毛即脫落忍痛片時即愈

◎足底紅腫熱痛

大蒜頭生薑和鹽搗爛敷之

◎趾腫(凡行遠路趾腫是)

舊草鞋浸尿缸內半日以磚一塊燒紅置草鞋於上將脚踏之令熱氣入皮膚即愈

◎足底開裂

白芨研末用口水調敷立刻止痛能行

◎足底起泡(行遠路所致)

生灰麵水調敷一夜即平 或用生半夏末水調塗之 如見腫者用蚯蚓泥敷之

或用蘿蔔子炒研和白礬末鋪鞋內遠行不痛

◎脚臭脚汗

蘿蔔煎湯洗數次即愈

◎脚生雞眼或生繭

蕎麥麵一錢荸薺一個(即馬蹄)共搗爛貼患處一夜連貼五六次連根脫出 或

用滿天星(又名遍地金錢)生在碯砌及花盤上搗爛厚敷一日夜根自拔出

◎雞眼作痛

地骨皮 紅花共研爛敷患處如成瘡者次日結痂 或用 蛇蛻(一片)覆雞眼  
大小貼患處次日雞眼自落

◎腿癢難忍(名寒毛瘡)

豆腐渣炒熟以布包緊熨之冷則再換再熨過一夜即愈

◎腿上一切寒濕血風等瘡(亦名膝瘡)

此瘡多因濕熱而起又被手甲抓傷破爛淋漓纏綿不已欲求速愈切忌手抓自易  
痊也初起用濃茶洗淨再用好茶嚼爛將口漱淨再嚼再敷之 或用龍眼核去黑  
皮研細用油調敷 或用鴿子糞燒存性研末如乾瘡加桐油調勻貼之如出黃水  
加黃丹(飛淨少許)乾摻之 或用舊鞋底皮牛皮亦可用瓦煨存性爲末麻油調  
敷 或用柿餅燒灰存性同川椒末塗患處 或用牛屎存性入輕粉敷之 或用  
驢蹄皮(獸醫鱗下合用)用鍋抄黑煨研末麻油調搽如瘡濕乾摻之屢試神效

◎蛙脚膝瘡

馬齒草搗爛調蜜敷半日虫出

◎膝上生癰(名牛頭癰腫而紅者是)

連鬚葱頭切碎用糯米飯乘熱拌敷重者敷五六次必消

◎人面瘡(生兩膝頭其形如面)

貝母研末調水灌之數日結痂而愈

◎流火瘡（兩腿紅腫放光其熱如火又名赤遊風）  
馬前子磨水塗之一日塗一次 或用芭蕉根搗爛塗之 若不急治氣一冲心即死

◎遠年爛脚

隔年白茄葉搗爛用未蒸酒糟和勻放碗內用熱水隔碗熨煖敷之藥冷再換數次敷之自愈

◎各種氣痛

◎九種心胃氣痛

千年石灰一兩生熟白礬各五錢共研末薑汁爲丸如桐子大或薑湯或酒送服七丸即愈

◎胃氣痛不能俯仰

韭菜葉或根洗淨搗汁飲之 或用淡豆豉五錢煎湯半茶盅服之 或用紅棗七枚去核搗爛桔皮三錢生薑三錢煎服

◎胃氣痛

荔枝核煨存性研末七分加廣木香三分酒送服 或用生白礬末以飯爲小丸每服二三十丸滾水送下

◎胃脘大痛

黑棗三枚去核填明礬令滿炭火燒枯存性研末酒下被蓋煖片時卽愈 或用古銅錢燒紅淬入陳醋中令微熱服之

◎胃氣痛仙方

韭菜根搗爛敷肚臍上然後以錫壺盛開水熨韭菜根上令熱氣入腹內以痛止爲度應效如神

◎男婦氣痛

白扁豆甕去皮煮酒服立效 或用山羊糞七枚油頭髮一團燒灰酒調服之

◎氣症

凡諸氣攻刺及感受風寒暑濕飲食所傷中脘痞悶嘔吐吞酸用 陳皮洗淨新汲水煎服

◎氣結聚心下不散

挑樹上不落乾桃子三個爲末空心溫酒下每服二錢

◎氣卒上奔呼吸有聲喘急欲死

韭菜搗汁飲之

◎氣滯腹脹手背脚膝疼痛

大麥醋糟炒熱布裹熨之三兩換卽愈

◎氣痛

凡氣痛急切無藥以食鹽一撮放刀口上炭火燒紅淬入水中乘熱飲之即愈愈後戒食腳魚鱉記 或照鼻部鼻血方燒少商穴法治之亦效

◎心氣痛妙方

熟烟灰五分紅黃五分用黃糖爲丸每服十粒便愈

○飲食節調論

夫脾者陰氣也靜則神藏燥則消亡飲食自倍腸胃乃傷謂食物無務於多貴在能節所以保和而遂頤養也若食多秭飽飢塞難消徒損暗傷以招疾患蓋食物飽甚耗氣非一或食不下而上湧嘔吐以耗靈源或飲不消而作痰咯唾以耗神水大便頻數而洩耗穀氣之化生溲便滑利而獨耗源泉之侵潤至於精清冷而下漏汗淋瀝而下洩莫不由食物之過傷滋味之太厚如能節滿意之食省爽口之味常不至於飽甚者則頓頓必無傷物物皆爲益糟粕變化早晚便按時精華和凝上下津液含蓄神氣內守榮衛外固邪毒不能犯疾病無由作故聖人立言垂教爲養生之大經也

傷食者因多餐飲食脾虛運化不及停於胸腹飽悶惡心惡食不食噤氣作酸下洩臭屁或腹痛吐瀉重則發熱頭痛左手關脉平利右手關脉緊盛是傷食也初起一



吐即寬若鬱久不化成食積也脾胃俱實能食而肥過時不飢多食不傷也脾胃俱虛不食而瘦與食則減食不與食則不思飢飽不知也

食少而肥者雖肥則四肢不舉蓋脾因邪勝也

食多而瘦者胃伏火邪於氣分則能食雖多食而不能生肌肉也

五味淡薄令人神爽氣清蓋酸多傷脾鹹多傷心苦多傷肺甘多傷腎辛多傷肝尤忌生冷硬物氣口脈緊盛爲傷食食不消化浮滑多痰

### ◎食積外治法

凡飲食停滯胸膈脹滿或大便不通或大便泄瀉或年老或體虛難以攻擊內消者用

亂髮一團剪斷酒麴一個小者二三個亦可葱白七個老薑三錢胡椒七粒以鷄蛋一個破壳傾入碗中將各藥搗融和入調勻用隔夜燈油煎成一餅貼病人心坎下胃腕處先用燈油於胃腕處順擦七次再貼如嫌太熱用紙隔貼亦可用布帶束住冷則煎熱再貼約一二時似覺鬆動即便取去其病立痊屢試如神若治小兒藥料減半可也

### ◎飲食過多脹滿不安

用鹽擦牙溫水嗽下二三次如湯沃雪也

### ◎食牛肉腹脹方

善世良方 食科

用乾稻草一把煎濃湯熱飲自消

◎食鴨蛋積滯

用淘米水煎熱飲一盞即消

◎食雞蛋積滯

飲好醋即消或飲豆豉水亦消

◎食諸瓜過傷

用瓜皮煎湯解之

◎食荔枝腹脹

用荔枝壳煎水服即消

◎食菱角腹脹

取生薑汁飲之立消

◎食麵不化

用生薑汁調好酒熱服自化 凡食麵用醋斷不作脹

◎飲食凝滯腹脹

用飯搓成團加鹽少許燒枯煎水飲立消

## ○噎膈翻胃

夫膈噎翻胃之症皆由七情太過動五臟之火薰蒸津液而痰益盛脾胃漸衰飲食不得流行爲翻胃也丹溪云年高者不治蓋年少之人氣血未虛用藥劫去痰火雖得暫愈其病立復所以然者氣虛則不能運化而生痰血虛則不能滋潤而生火也又云此屬熱症切不可用香燥之藥而厚滋味蓋香能散氣燥能耗血厚滋味能佐火而生痰也庸醫不識病源一見是疾便投以峻劑而取刻效以圖厚賞不思病危復不可救可不歎哉

大凡膈噎翻胃不可服辛熱香燥最能耗血糞如羊屎者不治大腸無血也口吐白沫者不治氣血俱憊也

翻胃者胃虛吐食不納也氣血虛而翻胃者宜攻補兼濟也年老之人陰血枯槁痰火氣結升而不降飲食不下者乃成膈噎之病也

年少之人有患膈噎者胃腕血燥不潤便閉而食不下也氣鬱翻胃者宜順氣化痰清火也收功保後者宜調養血氣也

翻胃噎膈脉寸緊尺瀼緊芤或弦虛寒之厄關沉有痰浮瀼脾積浮弱虛氣瀼小血弱若瀼而沉七情所搏

### ◎神灸翻胃法

壽世良方 噎科

拿棍一條伸手柱棍在地與肩一般高看肩上有窩名肩井穴男左女右灸三炷燈心火即效

◎噎膈諸方

凡患此症胸前有二小骨漸次交合則不能飲食而死方用 活蝸虎一個入燒酒內浸七日將酒頓熟去蝸虎飲酒即愈(兼治中風) 或用糯米粉以老牛口涎拌和爲丸煑熟食之效 或用牛涎和水服亦妙取牛涎之法以水洗淨牛口角以鹽塗之少頃涎自流出 或用猪毛連粗皮及蹄尖不拘多少曬乾放淨石上用明火點着燒至如膏藥樣俟火冷研極細末每服三錢滾水送服此方年在五十歲內者百發百中 或用白蜜一兩滾水調服數次自愈 或用老生薑十斤以布袋盛之將袋口紮緊放大便缸中浸四十九天取出提往急流水處漂洗潔淨切片晒瓦面上四十九天以新瓦焙透研幼末每日服一兩水送下服至八日病痊飲食如常矣(大便缸必須人糞可用如雜有畜糞斷不可用)此方必須預製以行方便 或用婦人舊頭梳一隻用刀劈碎新瓦焙透研幼末每服一錢水送下數次自愈 如見胸前有二小骨交合即用 鵝血(不用鹽)乘熱飲之數次則二骨俱化也 或用牛乳人乳薑汁薤汁和勻常服(永遠忌食牛鵝) 或飲自己小便去頭尾不用常服自愈

◎噎膈回食(回食者食下即吐也)

用初出窠石灰投入鍋中滾水內化開去渣止用清水煮乾炒黃色爲度黃色難得  
牙色可用以罐收貯黃蠟封口勿泄氣過一二年的勿用 凡人身體壯健者用四  
分如年老體弱者止用二分至三分爲止以好酒一二盅調服多飲更妙 此方專  
治回食病哽咽年深或吐虫或下虫其病若失如不吐不下再發再服一次不發不  
必服自愈

◎噎膈翻胃

柿餅放乾飯上蒸食不用水亦勿雜食他物十日卽愈

◎翻胃

白葡萄一個剝空入壯年人糞在內蓋好封口炭火煨至粉紅色研末不拘茶酒每  
次調服少許以愈爲止

◎噎食不下

白鵝尾毛燒灰存性每服一錢米湯下 或用確嘴上細糠蜜丸如彈子大每服一  
丸口含化咽下極效 或用杵頭糠以布包時時拭齒另煎湯時時呷之卽效 或  
用大木中蛀虫七個瓦焙研末酒調服或加茴香虫七個更妙此方可以除根 或  
用五穀虫以麻布包好水洗淨炒黃色加木香沉香研末酒調服

◎翻胃吐食

凡朝食暮吐暮食朝吐者是用 甘蔗汁一升入生薑汁一升和勻溫熱日日服之

或用乾柿三枚連蒂搗爛酒服甚效（勿雜他藥）或灶中土年久者爲末米飲

服三錢 或用抱出鷄子壳爲末酒服二錢

◎血膈方（或因跌撲或因大怒血積胸膈）  
生韭汁一盞無灰酒調和熱服

### ○呃逆論症

發呃者氣逆上衝而作聲也一名欬逆若胃火上衝而逆隨口應起於上膈病者知之易治也自臍下上衝直出於口者陰火上衝難治俗謂打呃是也胃口虛寒手足冷脉沉細是寒呃也發熱煩渴脉數者是熱呃也有胃中痰火發呃者有水寒停胃發呃者有臍下氣上升發呃者陰火也有脉虛微氣不相續而發呃者陽氣不足也有陽明內實失下而發呃有傷寒傳經熱症醫誤用薑桂等熱藥助其火邪痰火相搏而爲欬逆者大凡瀉痢發呃者與傷寒結胸發黃又發呃者俱難治也  
脉呃逆甚危浮緩乃宜葭急必死結代促微

◎發呃不止

將乳香末紙捲燒煙薰鼻中及灸中腕膻中期門二處卽效

◎灸欬逆法

乳根二穴直乳一寸六分婦人在乳房下起肉處陷中灸七壯效如神 或灸氣海

三五壯亦效氣海穴在臍下一寸半 或用紅☉二錢酒一盞煎七分急令患人嗅之愈

黃

◎呃逆日久不愈一連四五十聲者

生薑汁一杯加蜜一匙溫服

◎偶然呃逆

用紙撚通鼻取嚏卽止

◎氣熱呃逆

用柿蒂煎水飲卽止

◎呃逆不止

酒一杯新汲水一杯和服 或用橘皮(二兩去白)水一碗煎五分服 或用荔枝

七個連壳核燒枯爲末以熱水送服

◎中酒嘔吐

赤小豆煎水徐徐飲之

◎酒後口乾渴

甘蔗汁飲數次效

◎乾嘔

蔗汁 薑汁和勻溫服 或用生薑頻頻嚼之

◎聞藥卽吐百藥不效

灶心土水調爲丸塞兩鼻卽不吐矣

◎上吐下瀉

樟木煎水服立止 或用韭菜搗汁隔水燉微熱服

◎男婦嘔吐不止

屋簷下水處小石子七粒煨薑三片鬥灰一撮滾水沖溫服 婦人加胡椒七粒

純荳七粒柿蒂七個煎濃汁全前三味沖服

◎食物由出

枝子二十粒微炒去皮煎湯服

◎食物作酸

蘿蔔牛嚼數片 或生菜食之亦效

◎食物酸心

核桃嚼爛以生薑湯下

◎久患吞酸諸藥不效

魚鱸食之卽愈勿夜食勿飲冷水 食魚鱸法用鮮活魚薄切洗淨血腥配以蒜齏

薑醋五味炒食甚效

◎口吐清水



艾葉煎汁飲之

## ○咳嗽論症

春是上升之氣夏是火炎上最重秋是濕熱傷肺不是風寒外束四時感冒一切咳嗽發熱吐痰者宜發散風邪也

感冒風寒嗽而聲啞者是寒與熱也冷風嗽者遇風冷即發痰多喘嗽是也痰嗽者嗽動便有痰聲痰出嗽止者是也嗽而痰多者是脾虛也肺脹嗽者嗽即喘滿氣急也若喘急不眠者難治食積嗽者痰嗽如膠也咳嗽胸膈結痛者是痰結也早晨嗽者胃中有食積也上半日嗽多者胃中有伏火也午後至夜嗽多者屬陰虛也黃昏嗽多者火氣浮也火嗽者有聲痰少而赤身熱脈數者是也乾嗽無痰者是痰鬱火邪在肺難治也勞嗽者盜汗痰多作寒熱脈數大無力也大抵久嗽者多屬腎氣虧損火炎水涸或津液湧而爲痰者乃真臟爲患也須用六味地黃丸爲主以補中益氣湯爲佐久之自愈

咳嗽所因脈浮風緊寒數熱細濕房勞瀉難右關微濡飲食傷脾左關弦短肝極勞疲肺脈短咳嗽無期五臟之嗽各視本部浮緊虛寒沉數實熱沉滑多痰弦瀉少血形氣脈細不足以息沉小伏匿皆是厄脈惟有浮大而嗽者生

### ◎咳嗽肺痿吐血氣喘方

壽世良方

脈科

咳科

豬肺一副倒懸滴盡血水又用大蘿蔔十個搗爛用新砂鍋一個水五碗煮前蘿蔔爛濾去渣添蜜四兩雞蛋白十個不用黃和蜜攪勻裝入肺內又用款冬花五味子柯子去核各一錢白礬五分共研末將雞蛋白及蜜攪勻入肺管內煮熟空心服之其效如神

◎又方(平常咳嗽可用)

豬肺一個洗淨血水若病人每歲用杏仁一粒去皮尖將肺以竹片簽眼每眼塞杏仁一粒以線扎住放瓦器內重湯煑熟去杏仁不用只吃豬肺輕者一服重者二服便愈

◎老人久患喘嗽不已睡臥不得

杏仁(去皮尖炒)胡桃仁(去皮)各一兩熬膏入煉蜜少許爲丸如彈子大每服一丸細嚼薑湯送下

◎久嗽不止

大蘿蔔一個切片白糖二兩 蘿蔔一層糖一層鋪勻煑之飲湯卽愈熟嗽合用或用蜂蜜生薑汁各半酒盅調服卽止寒嗽合用

◎老人久嗽

夜臥後用連皮核桃仁三個生薑三片細嚼咽畢飲熱水一二口頃刻再服甚效

◎久嗽聲啞

青蒿不拘多少童便煮服

◎肺虛咳嗽

豬肺煮熟蘸薏仁末食之

◎胸膈脹滿咳嗽不安（並治各症咳嗽）

蕎麵雞蛋白和成團擦之亦效

宮粉香油入鐵器內熬數滾離火用頭髮一團蘸粉搽胸膈數次即愈

◎咳嗽痰喘（久嗽四五十聲可用）

雪梨四兩生薑一兩共搗汁去渣加蜜四兩共煎數沸入磁器內封固不拘時服一

劑即愈無病亦可服最能滋陰降火忌食蘿蔔

◎咳嗽氣喘

生山藥半碗搗爛加甘蔗汁半碗和勻燉微熱服立愈

◎多年咳嗽肺痿咯血紅痰

白芨三兩爲末每服二錢臨臥糯米湯下即愈

◎寒嗽

核桃連皮搗爛加冰糖少許開水調入蒸服數次極效

◎風寒咳嗽

燒生薑一塊含咽之

◎止咳方

白糖三錢生薑三錢搗爛碗中露一夜用蘿蔔一個切片煎湯下 又方一片蘿蔔三片梨 七枚紅棗一塊薑 藕節三個一齊燉 此是咳嗽立止方

◎咳嗽帶血

小兒胎髮燒灰入射香少許酒下男用女髮女用男髮甚良

◎氣嗽痰喘咳吐膿血

萊服子炒研末煎水送服

◎小兒晝夜咳嗽食少髮黃

此脾虛也用真山藥一味煮熟加糖調服神效之至

◎止咳嗽妙方

用福桔(即桔仔)一個去頂上皮一小塊放食鹽一撮入內將桔皮蓋上再用濕草帛一張包裹完好放火內煨去皮將桔肉食之其嗽自止食二三個即痊真神方也

◎治傷風食雞咳嗽不愈

此症哮喘成病日久類似癆傷醫生不知用藥以致傳裏即難調治方用 舊芒菓核式個打碎水二碗煎至一碗空心服之自愈

# ○哮喘

凡哮喘有虛實之分熱哮喘哮喘皆虛症也寒哮喘遇冷風而發熱哮喘傷暑而發其症專主去痰宜用吐法亦有虛而不可吐者治吼必使薄滋味不可純用良藥必兼發散方合

凡遇天氣欲作雨便發胸喘甚至坐臥不得飲食不進此乃肺竅中積有冷痰乘天陰寒氣從背口鼻而入則肺脹作聲此病有苦至終身者亦有子母相傳者每發即服不過七八次覺痰腥臭吐出白色者即是全愈之候也方用 生白朮一錢枯礬三錢淡豆豉一兩（水泡去皮蒸研如泥）

右藥搗丸如菘豆大遇症發時用冷茶送下七丸以不喘爲愈切勿多增丸數慎之慎之小兒服一丸便效

## ◎吼積妙方

用雞蛋一個略敲碎令膜不損侵尿缸內三四日夜取出煮熟食之神效蓋雞子能去風痰故也 或用柚子皮燉猪心肺食數次斷根

## ◎喘哮喘奇驗

用小公雞一隻不去血不洗水乾去毛及腸臟以酒洗淨勿近鐵器再用柚子（即香椽）一個剖開一蓋去肉將雞放入柚內以原蓋覆上沙紙封口用濕黃泥厚敷

柚皮外煨爛熟去柚皮以鹽點食雞肉甚效 或用鷄鶩糞放新瓦上煨灰研末酒送一二錢愈 或用每早空心食薏苡仁粥一碗效

◎哮喘食厚味發者

蘿蔔子淘淨蒸熟晒乾爲末薑汁浸蒸餅爲丸每服二十九茶送下

◎哮喘氣急坐臥不安者

每早空心食荳腐漿數次便好

## ○大便論症

身熱煩渴大便不通者熱閉也大病大虛大便不通者虛閉也因汗多出者精液枯竭而閉也風證者風閉也老人染者血氣枯燥而閉也虛弱及產婦失血而起者血虛而閉也多食辛熱之物而起者實熱閉也

燥結之脈沉伏勿疑熱結沉數虛結沉遲若是風燥右尺脈浮

◎自汗及小便利而大便燥結不可推蕩者

猪胆一枚傾去汁小半仍入醋在汁內用竹管相接套入穀道中以手指燃之令膽汁直射入內少時卽通蓋酸苦益陰以潤燥也

◎大便不通腹脹欲死

用竹管蘸葱汁探入大便內以香油一半溫水一半同入猪尿胞內燃入竹管將病

人倒放脚向上半時卽通順矣或用烏梅十個去核水浸搗爛爲丸如棗大納入穀道少刻卽通

◎大便虛閉

食鹽炒熟填臍眼艾火燒五次卽通 凡大便不通多因寒熱不清用老薑寸許如指頭大加紙包裹火內煨熟取出蘸麻油塞糞門內快則半日遲則一日必通此方最妙不可輕視 或用連鬚葱頭三個薑一塊鹽一錢豆豉十餘粒搗作餅烘熟敷臍中摑定良久氣通卽愈不通再敷必效此方虛熱可治

◎老人久病諸虛或產後便閉

蘇子半合胡麻半合研極細末用水研再取汁一碗煮粥食之

◎大便下血(名曰腸紅又名腸風)

絲瓜簾又名水瓜燒枯研末淡酒調服神效 或用豆腐未曾入袋取漿者炒老黃色攤冷每空心服三錢日服三次血紫者白糖調服血紅者紅沙糖調服或黃糖亦可雖患症多年面色黃瘦垂危者服之亦極神效 或用黑芝麻五錢黑豆五錢水七碗煎至四碗一日服盡兼治便毒眞神方也

◎便下膿血

烏梅二個去核存性爲末每服二錢茶調服立止

◎腸風下血

善世良方

大便

乾柿餅燒灰米飲服二錢遂愈有人患病十年一服而愈 或用山渣（生用一錢炒黑二錢）黑砂糖一錢米飲調服數次全愈久近皆效 或用木耳入猪大腸內煮爛多食見效 或用蜜炙蘿蔔任意食之 或用生黑芝麻時時食之不但止血且杜後患 或用殭蠶四兩（去頭用絲棉包好）紅棗三斤同殭蠶煮爛去蠶不用早晚食之棗盡即愈 或用敗棕（不拘多少）燒灰研末每服二錢甚效

◎中盤下血

蛎皮燒灰研細末熱水調服二錢

◎酒毒酒積下血

茄子焙乾爲末新汲水調服二錢 或用酒煮鱈魚常服立愈

◎糞前下血

石榴皮醋炙研末每服二錢用茄梗煎湯下

◎糞後下血

艾葉同牛薑煎濃汁每服一盃 或用白鷄冠花並子炒煎服亦效

◎肛門生瘡

鷄內金（即鷄肫內皮）存性爲末乾敷其效如神

◎肛門痒痛

森木根（即苦練根）煎湯燻洗再以 乾艾生薑煎水服甚效



◎肛門生寸白虫

黑丑頭研末每服二錢空心熱湯調服

◎大小便不通(老幼並治)

蜂房燒灰研末酒調服三錢日服二次甚效 或用大田螺三個搗爛加青鹽三分貼臍下一寸三分即通(熱閉更合) 或用雄鼠糞研末調水敷臍上立效(雄糞兩頭尖者是) 或用蝸牛三枚連壳搗爛加射香少許貼臍中以手揉按之 或用連鬚生葱一斤生薑一塊淡豆豉二十粒鹽二匙同搗爛捏餅烘熱貼臍以帛扎定良久自通不通再貼無不應效 或用蜜糖一盃入皮硝二錢滾水調服 凡大小便不通有病者仍從痰治如無故不通者照上各方治之無不奏效如神

◎大小便關格不通危急者

皂角末(無虫蛀者)燒灰米湯調服三錢立通 或用皂角燒煙燻之

◎小便出尿大便出尿

名交腸病用 舊草帽燒灰酒服五分效

◎大小便同出

蒼米二錢白糯米二錢研末每早熬粥砂糖調服便愈

◎大小便血

劉寄奴研末茶調空心服一錢即止

壽世良方

大便

一百零一

## ○小便論症

小便不通多是熱結也口不渴者熱在下焦血分也口渴而閉者熱在上焦氣分也虛寒便閉者寒結也虛熱閉者虛結也年老便閉者氣短血虛也咳嗽便閉者痰氣壅塞也陰虛便閉者火盛也若瀉痢便閉者因後去多而前去少瀉止後而自通也若嘔噦小便閉者難治也中滿膨脹便閉者亦難治也  
脈小便不通浮弦而澹者則便紅數則黃赤便難爲癰實見左尺  
上吐逆而小便不通爲關格病關者甚熱之氣無由出格者甚寒之氣無由入用枳縮二陳湯加減治之痰出爲要此症多死治宜得法

### ◎小便不通

皮硝一合連鬚葱一根共搗爛攤布上貼臍下用熱瓦熨之即通 或用好麻三兩扯碎火焙用新盤一個蓋上作灰黃酒調服蓋被出汗即愈  
小便不通之症有寒熱虛實不同治無一定每用一方俟過一二時不效方可另治不得性急亂投以致悞事方用 猪尿胞一個用鵝毛管挿入尿胞內以線扎緊用口吹氣脹滿以手按接管口將管口挿在小便孔上用手捻氣透入孔中小便即出諸藥不通者用此法最妙婦人更效 或用食鹽炒熱填臍眼上用艾火燒五次即通 或用猪胆一個留汁以陽物挿入胆中少頃汁入自通如婦人染此症以胆汁

滴入陰中 或用田螺二枚鹽半匙共搗敷臍下一寸三分雖腹脹如鼓可通 或用舊草帽頂洗淨煎湯飲之立效 或用葱頭煎湯飲之亦效 或用生葱連鬚搗爛調蜜包外腎上即通 或用金針菜煎水頻飲亦通

◎小便不通遍身水腫欲死

青布十七層貼臍下用滾燒酒一大壺熨之 或用蚯蚓七條研爛投入涼碗攪勻澄去泥渣飲之大解熱疾雖不知人事服之亦效 或用生明礬末放臍內以手指蘸清水滴入臍內良久自通

◎身熱口渴小便赤色

甘蔗汁服之 或用生雞蛋三個調蜜糖服之

◎尿管澀痛

牛膝用好酒濃煎服之

◎小便滴瀝或有或無

大蒜一個紙包煨熱露一夜空心新汲水調下

◎老人小便不通

白頸蚯蚓茴香共搗汁飲之

◎便血（血出如小便者是若血如點滴爲血淋）

人指甲五分頭髮二錢五分共燒存性每次酒調服一錢空心服 或用苧麻根煎

水服 或用小麥麵炒香以肥猪肉蘸食之 或用葶薺汁半盃酒半盃空心溫服  
每日三服 或因酒毒用大田螺五個燒至壳白肉乾研末熟酒服之

### ○遺溺論症

經云膀胱不約爲遺溺小便不禁常出而不覺也人之有溺賴心腎二氣之所傳送  
蓋心與小腸膀胱爲表裏心腎氣虧傳送失度故有遺溺之症

小便自遺失禁者溺出而不知也遺溺失禁者屬氣虛用參芪湯加減老人溺多者  
是虛寒用參附湯加減壯人溺多者是虛熱用滋陽降火湯加減夏月因伏暑熱溺

溺必遺也用人參白虎湯加減無不奏效如中風症遺溺失禁者難治也

若小便頻數或勞而益甚屬脾氣虛弱用補中益氣湯加山藥五味子服之  
若小便無度或淋瀝不禁乃陰挺痿痺也用六味地黃湯去澤瀉加益智仁服之  
若小便澀滯或莖中作痛屬肝經濕熱也用龍胆瀉肝湯主之

### ◎遺尿

夜睡遺尿不論老幼用白紙一張鋪席下俟遺尿於上取紙晒乾燒灰酒服卽愈不  
愈再服見效 或用鷄腸燒灰爲末溫酒送下 或用燕窩中草燒灰調水服 或  
用破故芷一兩研末熱水調服(每服一錢)

### ◎小便不時

雄鷄尾毛燒灰酒調服一茶匙 或用白菓十四粒七生七煨兼而食之 或用益智仁二十四粒鹽水煎服亦效

◎小便過多下焦虛冷

羊肺一具切碎作羹入少許羊肉和鹽食之即止 或用象牙屑燒灰酒調服

### ○遺精論症

邪客於陰神不守舍故心有所感夢而後泄也其候有三年少氣盛鰥矜持強制情慾不自覺知此泄如瓶之滿溢者也人或有之是爲無病勿藥可矣心家氣虛不能主宰或心經受熱陽氣不收此泄如瓶之側出者也人多有之其病猶輕用和平之劑治之至若臟腑積弱真元久虧心不攝腎腎不攝精一泄如瓶之罅而漏者也人少有之其病最重當以大補之劑治之

或謂夢泄尤甚於房勞此世俗習聞之說而不知候之有輕重也外此又有一輩神氣消糜怪異橫生風邪乘其虛鬼氣干其正往往與鬼魅交通是又厄運之不可曉者也法藥相助誠哉是言

久無色慾而精滿泄者不必慮也心有所慕而夢遺者君火動相火隨也而夜夢與人交感精泄者謂之夢遺也有不因夢而精自出者此精道滑也有陰虛火動而遺精者宜滋陰降火也有夢遺日久元氣下陷者宜升提腎氣以歸原也有濕熱而遺

精者宜健脾除濕熱也虛弱人患夢遺精滑者宜補心腎也

遺精白濁常踰於尺結扎動緊二症之的微瀆精傷洪數火逼亦有心虛左寸短小脉遲可生急疾便天

◎遺精

並治白濁盜汗方用 韭子一兩炒研末每服二錢

◎夢遺

並治腰痛用 雄豬肚一個洗淨入杜仲八兩以線縫固煮爛去杜仲連湯食盡便愈

◎陽物不舉

陽物軟而不舉者是用 雄麻雀二個(去毛及腸臟)蛇床子末二錢搗爲小丸隨事溫酒服七丸神效 或用麻雀蛋煮食更妙 或用母猪腹內子腸洗淨新瓦焙乾爲末調溫酒每服一錢可堅舉一月 或用蜂巢一個新瓦上焙枯研末新汲水調一二錢終夜不倒

◎陽舉易洩

用大蚯蚓(又名曲蟾要韭菜地內者)十一條破開長流水洗淨加韭菜汁搗融滾酒調服日服一次服至數日卽能久戰可望生子

# ○濁症

濁者小便去濁也有赤濁有白濁其狀漩面如油光彩不定漩脚澄下凝如膏糊小便如米泔者如粉糊者如赤膿者皆是濕熱內傷腎經虛損而成濁也瘦人是虛火肥人是痰濕流下滲入膀胱猶如天氣寒則水澄清熱則水混濁濁之爲病濕熱之本明矣

赤濁者心虛有熱也白濁者腎虛有寒也赤白濁者水火不分也瘦人赤白濁是虛火也肥人赤白濁是濕痰也  
兩尺脉洪數便濁遺精 心脉短小因心虛所致亦然

## ◎白濁

生白菓十粒搗水飲即效 或用藕節切碎洗淨蜜拌飯上蒸熟連服三四次愈  
或用冬瓜仁炒(陳年者更佳)爲末每服五錢米湯調下(兼治白帶)按冬瓜仁久服悅顏色益氣血補肝明目亦治五勞七傷 或用豬肚一個擦淨油氣蓮子八兩去心入豬肚內蒸爛或送酒或送飯服二三個即愈

## ◎又方(兼治女人赤白帶男子砂淋)

鷄蛋一個連黃攪勻入硃砂細末一錢拌勻飯上燉熟酒下每日一個三個全愈

## ◎濕熱白濁

壽世良方 濁症

凡少年思慾不遂相火鬱結兼受濕熱而起者用六一散調服三錢自愈

◎赤濁

益母草（葉子莖並可用）取汁一盞空心溫服數次愈

○淋症

淋有五種勞淋氣淋熱淋血淋石淋是也因勞而發者爲勞淋小便常有餘澀者爲氣淋小便內有血點或血條莖中痛者爲血淋小便熱而赤短而澀臍下急痛者爲熱淋小腹急脹莖內痛如刀割苦楚萬狀尿如沙石者爲石淋沙淋氣血結聚便血如膏者爲膏淋

勞淋氣淋屬虛熱淋屬熱血淋有虛有熱石淋或因熱起或因虛起久而成沙石者是也要之五淋皆因酒色勞力傷腎膀胱蓄熱也以疏通清熱主治之

淋病之脈細數何妨少陰微者氣閉膀胱女人見之陰中生瘡大實易愈虛瀆其亡

◎五淋

淡豆豉五錢煎服雖痛不可忍者無不奏效 或用冬瓜加淡豆豉煮食一日三五次七日必愈 或用生藕節搗爛酒調服之 或用船底青苔煮水飲之奇效此藥得水氣之精能分利陰陽去臟腑之邪毒也 或用多年木梳燒存性空心冷水調服男用男梳女用女梳 或用苧麻根兩莖切碎水一碗煎至半碗服之



◎石淋

瓦松（即瓦上無根草）煎濃湯乘熱熏洗小腹約兩時即通或取鷄糞白晒乾炒爲末調服二錢日服二次甚效 或用古銅錢煮水服之（兼治氣淋）或用白扁豆根數寸煎水服之 或用生軍五錢黑枝一兩研末用鷄蛋白糊小丸清茶送服即通

◎熱淋

乾柿燈心各等分水煎日飲數次或不愈照小便不通方用猪胆田螺蚯蚓各藥治之無不奏效

◎血淋

白冬瓜每日熟食兩三碗七日全愈 或用白鷄冠花燒存性米湯調服每日三錢數日即止 或用浮小麥加童便炒研末沙糖調水服五錢即愈

◎男婦血淋

髮灰二錢藕汁和服雖痛欲死三服即愈 或用白柿 烏豆鹽花煎湯入好墨汁服之甚效

◎砂淋

鷄蛋白一個和蜜糖攪勻服之再用蓮子心煎水服之即出

◎血淋

黑芝麻燈心等分煎瘦猪肉服之

# ○疝氣論症

疝氣者本肝經宜通勿塞絕與腎經無干或無形有聲或有形如爪有聲似蛙是疝氣病也始初濕熱在經鬱結日久寒氣外束不得疏散所以作痛不可執作寒論須用寒熱相兼川神効湯加減川烏以散寒氣山枝以清濕熱皆是下焦主藥其効遠矣腸中走氣作聲或痛者是盤腸氣也小腸陰囊手按作響聲痛者是膀胱氣也小腸臍膀一梗升上鈞痛者小腸氣也小腹下注上奔心腹急痛者腎虛也陰子偏大偏小者偏墜症也陰子雖硬大而不痛者是木腎氣也一切疝氣多因熱鬱於中而寒束於外也疝氣因氣鬱而起者宜順氣也因勞役而發者此夾虛也發於寒月者多是寒邪入膀胱也發於暑月者多是暑入膀胱也年久不愈者宜攻補兼施也脈痛脈弦急積聚所釀察其何部肝爲本藏心滑肺沉風疝易蕩關浮而遲風虛之恙陽急爲瘕陰急疝狀沉遲浮濇疝瘕寒痛痛甚則伏或細或動半急者生弱急者死

## ◎疝氣灸法治偏墜氣痛

用草麻子一歲一粒去皮研爛貼頭顙門上却令病人仰臥將兩脚掌相對以帶子綁住二中指於兩指合縫處艾炷如麥粒大灸七壯卽時止痛

◎又方（治腫脹偏墜）

槐花米一錢炒黃色爲末入鹽三分空心酒調服一二次立效 或用五楮子六個存性爲末以好酒調服以醉爲度 或用艾葉灸大敦穴（是穴入肝經在足大指後有毛處）數次即愈 或向左脚側螺絲骨上排起四指是三陽交穴用艾火燒七次止痛如神並可除根 或將兩脚第二指對摺一處用艾絨如豆大從第二脚指上合縫處燒之立愈 或在足大指外邊甲縫內中間不上不下之處燒之亦可須分男女左右灸之 或用老絲瓜瓦上焙枯研末熱酒沖服重者不過三服即愈 雖氣痛衝心亦效 凡疝氣初起必發寒熱疼痛欲成囊癰者用

鮮地骨皮（即枸杞子根）生薑各四兩共搗如泥用紬包於囊上其癢異常一夕即消永不再發 或用薏苡仁四兩向東方舊壁上土拌炒黃色去泥入水煮爛研成膏每日用無灰酒服四錢五日即消而愈屢試屢驗奇效非常幸勿輕視雖腫如斗大均治

### ◎猝然疝氣

凡小腹及陰中相引其痛如絞汗出欲死者用 沙參搗篩爲末酒服方寸匙立愈 或用乾薑爲末放手心內用唾沫調勻將腎囊放手心有藥處再用右手蓋上候囊出汗腹內大熱方輕起右手不可冒風腹熱痛止 或用旱蓮草搗汁一盞酒半盞和勻燉熱服效（按旱蓮草行血治血久近老少可用）

### ◎疝氣痛不可忍

壽世良方 疝症

荔枝核焙爲末空心白湯調服

◎膀胱疝氣

檳榔十二枚一生一熟爲末酒煎服 或用茴香炒熟作二包更換製之

◎寒疝

鐵秤錘燒紅燒酒熱服 凡寒疝攻痛及偏墜腫痛均治初起用 乾鳳仙花 乾  
葶薺二味浸酒服 病在左者用荔枝核（一歲一粒 慢火煨存性研末空心好酒  
調服）如年多核多不妨作數次服但須一日服完 病在右者用小茴香鹽水炒研  
末空心酒調服三錢

◎疝氣偏墜

茨實切片煑熟調鹽醋食之 或用猪毛燒存性爲灰每服二錢空心調水服之  
或用紅黃五分飛淨爲末或薑湯或陳酒送下 或用馬齒莧搗汁如坭和蛋黃塗  
之 或用大黃磨醋塗之 或搗馬鞭草塗之

◎陰腫核痛大如升斗

活麻雀一隻連毛及腸臟用河邊黃坭糊裹不可洩氣灶火煨雀成炭去坭酒調服  
永不復發 或每日用茴香煮鯽魚十尾食之良

◎小腸氣痛遠臍冲心者

蓮蒂老絲瓜燒存性研末熱酒調服三錢重症不過三服即止 或用核桃一枚存

性研末酒調服

○小腸疝氣（屢試屢驗）

青礬三錢白糖一兩一二味開滾水一茶杯候冷服之服後一二時吐瀉交作（幸勿驚慌）吐瀉之後其病若失倘身體虛弱用青礬二錢亦可瀉後煎白粥水飲之自愈

○疝囊癰

凡小腹作痛牽引腎子多寒少熱好飲熱湯乃疝氣也如陰囊紅腫發熱小便赤澀內熱口乾墮腫作痛乃囊癰之候不宜用疝氣熱藥宜清肝滲濕湯主之方用 抱出鷄卵壳 黃連 輕粉各等分爲末以煉過麻油敷之 如囊癰初起用煨葱加鹽搗如坭塗之 若皮脫用青荷葉包之皮自生 若陰囊爛出腎子者用老杉木燒灰存性蘇葉各等分爲細末麻油調敷仍以蘇葉包之 如爛盡祇留二子用鳳仙花子 甘草末麻油調敷即生肉矣 夫囊癰乃陰虛濕熱流注於囊結而爲腫至潰後畢丸懸串者猶不傷人以其毒從外發治當補陰清利濕熱十有九效

○囊癰騎馬癰懸癰

凡覺玉莖後穀道前腫痛即多用 甘草濃煎湯多服以解其毒外用 野紫蘇葉（面青背紫者是）焙乾爲末麻油調敷

◎囊腫如斗

棉花子仁一兩煎湯時時洗之 或用生蔓青根搗爛敷之 或用馬鞭草搗爛敷之其效如神

◎陰囊腫痛

葱白 乳香末搗爛敷之即時痛止腫消 或用雄黃 白礬等分研末清油調敷

◎腎腫如水晶因受潮濕而起者

灶心泥三升研碎炒熱鋪橙上再以川椒小茴香末撒在上面將陰囊薰燙冷則再炒再熨數次自消

◎腎囊風

凡陰囊破爛腎子在外用 北瓜內釀敷之以荷葉浸軟包好宜仰面睡定次日即收甚效 如未破爛用 地骨皮二兩吳茱萸一兩煎湯洗之 或用野紫蘇煎湯洗之 或用蒜梗煎湯洗之 或見痒痛用陳壁土研細撲之 或用亂髮煎水洗數次愈

◎陰囊生瘡

花椒七粒葱頭七個煮水洗之

◎陰囊濕庠

紫蘇葉 枯炭共研末搽之 或用蘆甘石蛤粉等分爲末搽之

◎陰囊油癰  
用飯湯洗之再用六一散加冰片少許搽之

◎陰毛生虱（即八腳虱奇痒難受）

生白菓嚼塗自絕 或用水銀硫黃久搗極細末用指甲挑些搽上即死不可多搽  
切記 或用百部煎濃湯洗之數次愈

◎陰囊撲損瘀血積滯有時疼痛

此名血疝臨睡時自以一手挽其下一手按其上用輕至重摩弄百回一月之間瘀  
血盡散陳氣皆行雖年深日久不藥亦愈誠妙術也

◎陰囊奇痒不止

茄子一枚連根葉煎湯燻洗一週時脫壳如舊 或用新荷葉一張連鬚葱頭七個  
煎湯先燻後洗自愈

◎縮陽症

檳榔多用紅灰搥汁和童便灌之即愈

○懸癰

此症由三陰虧損濕熱積聚而成生於肛門前腎囊後名海底穴初生狀如松子漸如蓮子大少痒多痛十餘日腫如桃李成膿即破輕則成漏日久便成癆瘵不治者多矣方用 大粉甘草四兩截寸段急流水浸透炭火炙乾再浸再炙劈開中心有水潤爲止切片再用甘草歸身各三兩水三大碗慢火煎至成膏去渣再煎以成濃膏爲止（去火毒）每用三錢溫酒一大杯溶化空心服之未成者即消已成者即潰既潰者即斂此良方也 如初起祇用粉甘草一味每次一兩煎酒服之以愈爲止

○腸癰

凡小腸癰則左足縮大腸癰則右足縮是也又一足拘攣口有臭氣者皆是方用 鼈甲燒存性研末水調服一錢每日三服以愈爲度 或用雄鷄頂上毛並屎共存性空心酒調服 或用桑樹上結纆一塊以陳米醋磨服取瀉瀉後急服補中益氣湯 或用皂角刺煮好酒一碗溫服膿血從小便而出自安



○肺癰論症（又名肺疽）

諸患易識肺中患毒難知於何辨之若患者兩脚骨疼痛或脚骨不痛而舌下生物如細豆一粒心口之上內作微痛或兩脇微痛及咳嗽口乾咽燥此即肺中牛毒症也即用甘草二錢桔梗三錢煎服服下如覺稍安肺之患毒無疑矣再服犀黃丸服至一料全愈舌下豆粒忌用針灸刀刺服藥後自然消散矣

口吐臭痰胸中發腥者肺癰症也此症有三不治時吐臭痰如硬米飯者不治嘔膿不止者不治白痰變赤者不治惟嘔惡而膿自出者易治宜服地黃歸脾保生等湯輪流服之自愈若不早治悔之晚矣

肺癰肺疽兩症無力服藥者以陳年醃芥菜瀝每晨取半盞用滾豆腐漿調服服下則胸中一塊塞上塞下至數次方能吐出惡膿數日膿盡自愈終身戒食鴨豆白鯊紅蘿蔔鰻魚甲魚如不禁戒復發難治

◎肺癰危症

凡患肺癰者先因感受風寒未經發越停留肺中亦有七情飢飽勞役損傷脾肺而生者又有勞力內傷迎風嚮叫外寒侵入而生者其初則毛聳惡風咳嗽聲重胸膈隱痛強不能轉側者是其真候也久則鼻流清涕咳吐膿痰黃色腥穢重則胸膈脹滿呼吸不利飲食減少脉洪自汗漸至久咳帶傷咳吐痰血寒熱往來形體消削咯

吐痰膿聲啞咽痛其候轉爲肺痿患此者皆百死一生之病也 方用 大瓜萋一個開一孔將內核傾出敷得多少卽配杏仁多少(去皮尖)共入瓜萋內封口用黃泥包裹燒紅無烟候冷去杏仁將瓜萋又配貝母如前數研末和勻臨臥時將燈心湯漱口後用蜜糖調服每次二錢卽愈

◎辨肺癰腸癰法

用棉花捲竹片上蘸油點火使本人觀之若肺癰看火頭是一個腸癰看火頭是一個用 薏苡仁略炒爲末糯米湯調服或糞粥或水調服當下膿血而愈 或用竹葉絞汁一盞服之吐膿自愈 或用白芨四兩磨末每服二錢米湯調服

○吐血論治

血爲人身之寶一有損虧百病叢生何也蓋血爲榮氣爲衛心生血肝藏血脾爲總管血隨氣行氣逆則血逆臟得血而能津腑得血而能潤目得血而能視舌得血而能言手得血而能握足得血而能攝榮衛晝夜循環運行不息若是勞傷火動皆令失血一切血症皆屬熱藥宜清涼俱是陽盛陰虛火載血上錯經妄行而爲逆也用犀角地黃湯隨症加減鮮血者新血也宜止之紫黑成塊者瘀血也宜去之以後俱用補榮湯加減調理夫血得熱則行得冷則凝赤屬火黑屬水見黑必止理之自然如或暴吐紫血多者無事是由平日熱傷死血在胃口吐出爲好若止吐太早便成

血結塊痛難治須用活血湯加減治之吐血後見痰者是陰虛火動用滋陰降火湯加減若先痰後血者是積熱用清肺湯加減治之全吐血者胃血也鼻中出血肺血也咳嗽痰中帶血亦肺血也咯出血屑者血出於腎也血隨唾而出者亦腎血也諸失血者止後宜調理也小便出血者心移熱於小腸也大便出血臄腑壅積濕熱也腸風下血必在糞前名近血也臄毒下血必在糞後名遠血也

脾肺之血屬氣虛以補氣益脾爲主肝血屬勞傷以滋陰降火爲主如概用滋陰之藥則殺人如草菅矣可不慎哉

諸血症皆見芤脈隨其上下以驗所出大凡失血脈貴沉細和緩若見洪大後必難治

血吐在水內浮者肺血也羊肺煮熟蘸白芨末食沉者肝血也羊肝蘸白芨末食半浮半沉者心脾血也羊心羊脾蘸白芨末食極效（白芨末火畧焙炒研）

◎血症禁忌  
鹽能走血不可多食而藥方忌用丹皮雖症愈必發時師未能見到往往誤用不可不知

### ◎吐血治法

舊藕節日日煎湯飲不可間斷輕則三月重則半年斷根用鮮藕亦可無鮮藕卽藕粉亦可以自製爲眞買者多假陰虛吐血人勿用 又方凡勞傷吐血及咳嗽者用

童便之清利者日日飲之勿間斷或自己戒食葱蒜等臭濁之物並戒房事則小便日清去其頭尾數滴日飲二三次每服兩棗三個自不惡心一月見效久服除根身體強健吐血服小便者百無一死服寒涼者百無一生此屢驗良方也小便色黃者不可用或用足紋銀一塊約重五六錢放碗內小便乘熱飲之亦可 或用老生薑一塊約重七錢搗細如粉再川胡桃肉一酒盅熱水泡去衣和薑再搗爛放碗內蓋好俟病人熟睡用滾水沖薑桃末攪勻碗內稍溫暖卽叫醒病人端坐連渣服完乃睡不過二三服卽愈永不再發

◎吐血不止

白茅根水煎服或搗汁服 或用薄白帛五張燒灰調水服奇效

◎猝然吐血

海螵蛸末米飲調服一錢卽止

◎吐血衄血

並治血崩血淋損傷產後瘀血方用 荷葉末煎湯服之 或用韭菜汁和童便服之

◎吐血尿血

鮮地骨皮搗汁服之

◎痰嗽帶血

大柿餅飯上蒸熟剖開入眞青黛末一錢臨臥服一個常服甚效

◎咯血

新棉燒灰五分好酒送下

◎勞心吐血

糯米五錢蓮子心五錢爲末酒調服

◎中盪吐血

小麥麵一合冷水調分兩服半日即下

◎痰內血絲

天門冬一錢麥冬一錢五分煎水代茶飲

◎吐血無痰

此胃血也方用 童男剃下頭髮洗淨陰陽瓦煨研末篩淨調好舊墨汁服甚效

◎諸血上攻

男婦並治方用 皮硝二錢研末童便一盅黃酒一盅和勻燉熱溫服便止

◎吐血不止

卽取病者所吐之血向鼻一聞不臭者可治臭者不可治將血取來用砂鍋焙乾研

末每服一錢用麥冬(去心)煎水調服便愈

◎毛孔節次出血不止皮脹如鼓頃刻口鼻眼目俱脹

壽世良方

吐血

一百二十一

名血脉溢症用 生薑研汁飲一二盞即愈

◎汗血

頭髮燒灰敷之自愈

五竅出血

凡耳目口鼻一齊出血名曰上虛下竭死在頃臾不及用藥先將冷水向病者面上噴幾口如婦人急分開其頭髮冷水噴之如男子用粗帛數層冷醋浸透貼在額門其血即止隨服補血湯方用 炙黃耆一兩當歸三錢沉香五分水煎童便調服再服補藥無不愈者

◎九竅出血

新汲井水洗足即止 或以井水猝然噴面勿令病人知之一驚即收 或用鮮紫蘇一把搗汁好酒半盞調和煎服無鮮者用乾紫蘇末三錢亦可

◎毛孔出血

猪瘦肉一片貼之立止(猪皮亦可) 或用草紙燒灰候冷敷之亦止

◎臂竅出血

有人臂上毛竅如針孔濺血一盤晝夜長流面色潔白身倦無氣即用 炒鱉甲片研末敷之以帛紮住即止再服補血湯數貼自愈 有老人腎囊上起一針孔流血不止諸藥不效仍以上法治之立愈 或用婦人陰毛一根放患處立止此奇方也

## ○虛勞論治

虛怯症者皆因元氣不足心腎有虧或勞傷氣血或酒色過度漸至真陰虧損相火隨旺火旺則銷鑠真陰而爲嗽爲喘爲痰爲熱爲吐血衄血爲盜汗遺精爲上盛爲下虛脚手心熱皮焦午後怕寒夜間發熱或日夜不退或嘈雜怔忡嘔噦煩燥胸腹作痛飽悶作瀉痞滿虛驚面白唇紅頭目眩暈腰背酸疼四肢困倦無力小水赤色脉來數大或虛細弦急怪症多端犯者難治虛勞不受補者難治咽喉聲啞生瘡者難治久臥生眼瘡者難治此皆陰虛火動俱用滋陰降火湯加減或清離滋坎湯後服滋陰清火膏六味地黃丸之類愈後用坎離既濟丸乃取功保後之藥也

勞症者原是虛損之極痰與血病先起於陰怯已後成勞治藥一同勞症脈數大而虛又有傳屍勞瘵之症乃臟中有蟲嚼心肺者名曰瘵此是傳尸瘵骨勞瘵者注也自上瘵下骨肉相傳乃至滅門者亦有之矣

### ◎嘔勞喘急方

活鯽魚一尾以本人小便浸魚令呼吸入腹約一時取出用荷葉包裹燒熟去魚腸將肉吃盡三次即愈

### ◎勞怯妙方

凡男女一切勞怯但有脈有神者無不應效方用箭頭砂一兩雄黃五錢二味研末

單層棉紙封固選十二三歲未行經壯實童女將藥貼上童女臍內用帛扎固約一週取下秤藥多重三錢者更妙即刻將藥貼病人臍上先備人乳十餘碗候病者口乾發燥飲之渴止即不飲乳解去臍上之藥其病自去再用補藥調養十人九活

◎虛勞

猪肚釀黃糯米蒸熟搗爛爲丸白湯下 或用枸杞葉細切以糯米二合瓦器內煮粥五味調食之或用小紅棗二斤泡去皮黑糖一斤揀淨共搗爛不見星微一餅磁盒盛之每晚開水調服一二兩甚效

◎傳屍勞症

凡傳屍勞瘵血氣未甚虛損者不必多用藥方能早服此丸則虫自不能爲患此方得自河南郡王府照方調服無不全愈方用 川椒二升（去閉口者微炒出汁）研幼末空心米飲調服二錢或用紹酒煮米粉糊爲丸如桐子大每服三十丸以漸增至五六十丸酒送服

◎驗癆蟲法

用乳香燒煙燻病人手背男左女右以紬帕蓋手掌心良久有毛從掌中出白者可治紅者難治黑者不治無毛者即無癆蟲

◎灸癆蟲法

用濕紙條貼背脊上紙先乾者即癆蟲處以墨點記用老蒜切片粘上以艾一團放



蒜片上燒之多燒爲妙無蒜用薑亦可先備火盤鐵錘如虫出卽用鉗夾火盤內或遠送野外埋入土內恐飛入人口鼻內須謹防之

### ◎治癆蟲法

八月初一日早收取百草頭上露水點膏肓穴（穴在背上第四節骨左右兩旁各三寸）最爲神效

### ◎童子癆並治傳屍癆

猫糞（取瓦面上晒白者）用黃土包裹火內煨焦取出用碗蓋住候冷去土研末黃糖和爲丸每服三四錢效若仙丹

## ○諸汗論症

盜汗者屬陰虛睡中而出醒則止也自汗者屬陽虛時常而出也盜汗自汗者宜實勝理也心汗者心孔有汗別處無也名月心汗因憂思悲恐驚勞傷鬱結而成也頭汗者邪搏諸陽之首也其病渴飲漿水小便不利此濕熱也久必發黃用茵陳湯或五苓散治之大汗髮潤喘不止者死症也黃汗者汗出染衣黃如柏汁也

心熱則汗出亦有火氣上蒸胃中之濕亦作汗用涼膈散治之 自汗不休因內傷及一切虛損之症而得者用補中益氣湯柴胡升麻（俱用蜜水炒）少加製附子麻黃根浮小麥 若陽盛陰虛盜汗者用當歸六黃湯 陽氣虛弱汗出不止肢體倦

忘用參附湯治之 若腎氣虛弱盜汗發熱者腎氣虛乏盜汗惡寒者俱用六味丸  
上熱喘急盜汗氣短頭暈者用參附湯 若氣血俱虛而盜汗者用十大全補  
湯治之

汗脈浮虛或濡或濇自汗在寸盜汗在尺自汗大忌生薑以其開腠理故也

◎自汗(常出者)

舊蒲葵扇燒灰和粉撲之 或用酒調服一錢極效 或用鬱金研末臥時蜜調塗  
於兩乳卽止

◎盜汗(睡中出者)

帶露桑葉瓦上焙乾爲末空心米湯調服二錢數次全愈有人睡後出汗遍身衣被  
皆濕二十年不愈後照此方服至數日斷根眞神方也

◎汗出不止

牡蠣一兩研末撲之卽止

◎自汗盜汗

五倍子爲末用津唾調填滿臍中以絹帛縛一宿卽止加白枯礬末更妙

◎脚汗

白礬五錢乾葛五錢研末水煎連洗五日自然無汗矣

◎淡汗(卽盜汗)

珠末五分猪瘦肉煎湯開服即止 或用飯鏝內未起之飯焦用老薑一把搗爛將飯焦擦透用火燒紅飯鏝下冷水二三碗煎滾將水傾出面盆上洗身一二次便愈

## ○痰病論症

王隱君曰痰之爲病難明或頭暈目眩耳鳴或口眼蠕動眉稜骨痛耳輪俱癢或四肢遊風腫硬或齒浮痛癢或噫氣吞酸心下嘈雜或痛或噤或咽隘不利咯之不出嚥之不下其痰似黑有如破絮桃膠蜆肉之狀或心下如停水心氣冷痛或夢寐奇怪之狀或足腕酸軟或腰腎骨節猝痛或四肢筋骨疼痛或手足麻痺臂痛狀如風濕或脊上每日一條如線紅起或渾身習習如臥芒刺或眼粘澀癢口噤喉痺或項結核或胸腹間如有上氣結鈕噎塞煩悶或失志顛狂中風癱瘓或風毒腳氣或心下怔忡如畏人捕或喘嗽嘔吐或吐冷涎綠水黑汁甚至爲肺癰瘍毒者惡心痞隔泄瀉寒熱便膿或胸間輻輳有聲或背心一點常如冰冷皆痰病所致百病中多有兼痰者世所不知也諸病所以化痰爲先善治痰者兼治氣氣順則痰利痰脈浮滑者宜降浮實者宜吐沉小者不宜吐恐虛故也凡治痰症不可全用利藥太過使脾氣虛弱則痰反易生而多若脾虛生痰者用健脾燥濕便要利補兼用陳皮白朮爲佐也痰乃穢濁之物宜吐不宜瀉瀉則反加別症矣痰屬濕乃津液所化也咳嗽白痰者肺感風寒也食積痰者多餐飲食鬱久成痰也小兒居多咳嗽線痰者脾胃

有濕也痰氣者胸膈有痰氣脹痛也（痰在喉間有如綿絮有如梅核吐之不出咽之不下或升或降塞碍不通亦痰氣也）痰在胸膈間痛而有聲者痰飲症也渾身胸背脇痛不可忍者痰涎症也渾身有腫塊或作寒熱骨床串痛者痰濕流注也渾身上下結核不散或發腫塊者是痰核也痰呃咳嗽氣逆發痰呃也項背骨節腫痛者皆是痰氣風熱也咳嗽咯吐黃痰者脾胃有熱也（日久不愈成肺痿口吐癰膿或痰血作腥臭者難治）咯吐黑痰成塊者勞傷心腎也不能言語者是痰迷心竅也咯痰不出者是痰結也胸膈有痰不化元氣虛弱津液乾燥咯不得出喘咳身熱痛難轉側者是痰結也脇下有痰作寒熱咳嗽氣急作痛者亦痰結也喉中輾輾有聲喘急咯痰不出者難治也氣鬱痰喘不得睡者難治也服藥後咯吐痰出爲效若咯痰不出亦難治也痰燥者痰火作熱煩燥也痰話者痰火作熱驚惕不安錯語失神也痰迷心竅神不守舍因思憂鬱結驚恐傷心心不自安神出舍空使人煩亂悲歌叫罵奔走不識人也千般怪症多兼痰火也調理痰火之疾宜消補兼濟也脉伏弦爲飲或沉弦滑或結沉伏痰飲中節又脉多滑有弦滑有沉滑 火痰黑色老痰膠色濕痰白色寒痰青色

◎痰厥方

白礬一兩水一碗煎半碗入蜜糖少許再煎少時溫服須臾得吐如不吐再飲熱滾水一盞卽吐矣 或用膽南星一錢薑湯調灌卽愈 或用清油一盞灌之吐痰卽愈

◎風癩不知人事

桐油四兩煎豆腐八塊盡量與食食完吐痰盡即愈要餓極方與飲食

◎上焦痰熱

藕汁 梨汁各半蓋調和燉熱服

◎痰積

頂大葱頭二三十個各搗爛入鍋內炒熱俟微溫塗於胸坎不久痰即盡出

◎中痰

明礬末用陰陽水灌之再服再吐甚效

◎喉中痰壅喘急

巴豆一枚去壳搗爛作一丸以棉花包裹男左女右塞鼻中痰即墜下而愈小兒亦可用

◎滌痰散

廣陳皮先用白水洗淨每一斤入食鹽四兩同入水浸過一指鍋內煮乾略去筋膜切作小片炒乾每陳皮一兩入粉甘草二錢共研末每日早晚服二匙白湯下 此藥潤肺消痰定嗽解酒毒除一切痰火

◎癡笑不止

食鹽燒紅用河水煎飲過片時用手指入喉抵住舌根使作嘔吐嘔作熱痰數次效

## ○癡狂論症

陰附陽則狂附陰則癡脫陽者見鬼脫陰者目盲狂者大開目與人語所未嘗見之事爲狂也讖語者合目自言日用常行之事是也又蓄血症則重複語之鄭聲者聲顛無力不相接續造字出於喉中是也喜笑不常顛倒錯亂者心血不足也狂亂而無正定者痰火實盛也喜笑不休者心火之盛也婦人癡疾歌唱無時踰牆上屋乃營血迷於心胞所致也

邪崇之症似顛而非顛有時明有時昏但心者一身之主清淨之府外有包絡以羅之其中精華之聚萃者名之曰神通陰陽察纖毫無所紊亂稍有濁痰沉入其中以主宰故味其明言語交錯或精氣赤汁流通逐去濁物其言猶復舊也此名爲痰迷心竅之患非邪崇也若以符水治邪崇用蜜共敷以容其外不治此乃上膈之痰迷宜先用吐法後用清痰順氣安神之藥調之病卽安矣

癡癩之脈陽浮陰沉數熱滑痰狂發於心驚風肝癩鼓急可尋浮病腑淺沉病臟深癡脈搏大滑者生沉小緊急者不治脈虛可治實則死

熱狂脈實大者生沉小者死

### ◎顛狂治法

苦參末蜜爲丸每服十丸薄荷湯送服

◎失心顛狂

眞鬱金七兩明礬三兩爲末薄糊丸如桐子大每服五十丸水送服

◎驚憂發狂

絲瓜蒂五錢爲末每服一錢井水一盞調下即大吐得睡勿驚起

## ◎鼓脹論症

夫脹者由脾胃之氣虛弱不能運化精微而致水穀聚而不散故成脹也然飲食失節不能調養則清氣下降濁氣填滿胸腹濕熱相蒸遂成脹滿經曰鼓脹是也中空無物有似於鼓小便短澇不利其病膠固難以治療用分消湯加減治之健脾順水寬中爲主也不可太用猛烈之藥反傷脾胃病再復來不可治也若臍凸肉硬肚大青筋足背手掌俱浮男從腳下腫上女從頭上腫下皆不治之症也肚腹脹起中空似鼓是爲腹脹也脾胃氣血俱虛者宜半補而半消也元氣脾胃兩虛者宜補多而消少也腹有積聚者爲熱脹宜分消也不喜飲食者爲寒脹宜溫散也血氣凝結積聚而成腹脹者宜專攻也腹脹因於氣者宜順氣也

手指按之下陷不起者水鼓也隨手即起者氣鼓也週身老黑色皮內有紫黑斑點者血鼓也若身大熱如火者身發寒熱如癩者四肢發黑者腹脹脉大命絕者唇口黑是脾絕缺盤平心絕手足心平腎絕肚臍翻凸肺絕背平肝絕陰莖腫爛瀉後身

壽世良方

癩狂

有青筋起大便滑泄週身有破皮以上各件有一端見者俱屬難治先起於四肢後散於腹者難治先起於腹後散於四肢者易治脉脹滿脉弦脾制於肝洪數熱脹遲弱陰寒浮爲虛脹緊則中實浮大者生虛小危急

◎試驗法

用鹽四兩炒熟絹包放臍上水鼓鹽化水食鼓鹽紅色 血鼓鹽紫色 氣鼓黑色 氣虛中滿鹽色不變 凡試鼓必用白鹽而此症又不可忌鹽醬法用 活黑魚一尾重七八兩去鱗甲剖開去腸淨用好青礬五分松蘿茶三錢男用蒜八瓣女用蒜七瓣共入魚腹內瓦煨蒸熟令病人連茶蒜食之從魚頭食起病從頭上消從尾食起病從腳下消

◎各種鼓脹治方

西瓜一個削去頂一片挖去穰三成以蒜瓣填滿將原頂蓋上放瓦煨內再用瓦煨蓋覆之蒸熟瓜蒜連湯作二三次食盡三日脹消不忌鹽醬 或取蓋屋多年稻草煎湯傾入盤內令病者坐盤上燻之待湯溫方洗其腹小便隨下黃水燻洗數次永不復發 或用黃牛糞男用雄糞女用雌糞四五月取淨者陰乾用微火焙黃爲末 每服一兩用酒三碗煎至一碗瀝去渣止飲酒三服全愈

◎氣鼓



大蝦蟆一個以砂仁推入其口內使吞入腹以滿爲度用泥罐封固炭火煨紅透烟淨取出候冷去泥研末爲一服或酒或陳皮湯送下候撒屁多乃見功效 或用陳年大麥（不拘多少）煎湯頻服漸消 或用五穀虫洗淨炒黃色爲末黃米飯爲丸白滾湯下自愈

◎水鼓

大蒜一歲一粒以沙糖煮爛時時食之忌鹽三年或照前烏魚冬瓜各方治之更妙

◎水鼓小便淋閉

大田螺四個大蒜五個車前子三錢研末共搗成餅貼臍中以布束縛則水從小便出腫自消去終身戒食田螺

◎十種水鼓腫滿喘促

商陸根赤者杵碎貼臍心絹帛縛定病自小便出或用多年舊鼓皮三錢瓦焙爲末酒調服

○水腫論治（黃腫附）

其症通身浮腫皮薄而光手按成窟舉手卽滿者是水腫也初起腹飽上下微腫如裹水上則喘咳氣急下則足膝浮腫大小便短澁不利或大便溏泄皆因脾虛不能運化水穀停於三焦注於飢肉滲於皮膚而發腫也治用健啖利水以爲上策久則

肌肉潰爛陰囊足脛水出唇黑缺盆平臍口肉硬足背手掌俱平者是脾氣憊也  
水腫氣急而小便澁也血腫氣滿而四肢寒也朝寬暮急是血虛暮寬朝急是氣虛  
朝暮急氣血俱虛大凡水腫宜健脾去濕利水也

水腫腹有積塊者宜半消半補也因氣惱而成者宜順氣也濕熱作腫脹滑泄者宜  
清熱除濕利水也元氣壯盛者宜消導也

水腫之病有陰有陽陰脉沉遲其色蒼白不渴而瀉小便清澹脉或沈數色赤而黃  
燥糞赤溺兼渴爲陽沉細必死浮大無妨

◎中滿腹脹一食不能再食

不着鹽猪血澆去水晒乾爲末酒服取瀉爲效

◎腹脹四肢浮腫

黃瓜一條破開連子以醋水各半煮爛空心服之 或用蘿蔔子一兩微炒水一碗  
煎三滾服

◎小腹堅大如盤胸滿食不消化

酒麩末滾水調服一茶匙每日三服

◎頭面四肢俱腫惟額上及耳尖指尖不腫不變色

香附二錢研末冷茶調服

◎氣腫水腫

多煮野鴨食之

◎氣鼓

豬肝一具洗切和葱頭豆豉薑椒炙食之或單煮羹食亦可

◎腫脹不食

豬脊肉一斤煮熟切片以生蒜薤拌食之

◎身腫攻心

生豬油以漿水洗壓乾切膾蒜薤啖之一日二次

◎腹大如鼓遍身浮腫

用棗一斗入鍋內以水浸過棗面用大戟根苗蓋之瓦盤蓋上煮熟取棗時時食之棗盡用自愈

水腫

薤苡仁三錢炒黃色研末鹽湯下 或用青頭雄鴨煮汁飲之厚蓋取汗（上腫者方宜汗）或和米並五味熟煮作粥食之亦佳 或用白鴨一隻洗淨以豆豉半升

同椒薑入鴨腹內縫密蒸熟食之

◎一切水腫濕氣肚及四肢發腫

豬雄胆一個入大蒜四兩煮爛淡食五六個忌鹽醬醋百日自消

◎足腫

壽世良方

水腫

一百三十五

葱子煑湯漬之日三五度

◎小腹及腿足腫脹

大鯉魚一尾醋三升煑乾食之一日一次 或用大鯉魚一尾赤小豆一升水二斗煑汁食一頓服盡見下痢爲愈 妊娠水腫皆治

◎黃腫

任意食落花生至二三斤全愈

◎統治黃病

鷄蛋一枚連壳燒研末醋一合溫服鼻中虫出爲效三十六種黃病皆治重症食三次便愈 或用七月七日取水花晒乾爲末每服一錢黃酒下 或用黑髮燒灰研末水調服一錢七分每日三服 或用茵陳生薑同搗爛於胸前及四肢日日搽之又以鷄蛋白三個熱酒冲服

◎濕熱發黃或因大飢過食或因素有濕熱汗出浴身而成者

生薑時時過身搽之其黃自退或加茵陳蒿尤效或取蟹燒存性研末酒糊小丸每服五十丸白湯下每日二服

◎食勞黃病

絲瓜連子燒存性研末每服二錢因食麵得病用麵湯下因飲酒得病溫酒下數服自愈

◎黃疽變黑

凡醫生不能治者 急用土瓜根搗汁平日時溫服一碗午刻黃黑水從小便出不出再服自愈

◎黑疽危症

瓜萋根一斤搗汁溫服隨有黃水從小便出不出再服便愈

◎黃疽

茵陳蒿作菜或作羹日日食之 或用水楊枝煎濃汁服之 或用甜瓜蒂同赤小豆煎服或研末吹鼻中取出黃水愈 或用猪胆一個取汁和荳腐漿服之男女可治

◎黃疽週身如黃金色

蒸苡仁根煎湯頻頻飲之 或用陳糯米羹汁服之 或有小便熱赤用 萊服子

研末白湯調下

◎黃疽無汗

頭番莧菜(未經割過)陰乾遇病用砂鍋煮湯不時服之若無莧菜即菜根種子亦可

◎黃疽痧症

黃疽痧一證古人多言爲濕熱及有五疽之分者曰黃疽曰穀疽曰酒疽曰勞疽曰黃汗皆未足以盡之而不知黃之大要有四曰陽黃曰陰黃曰表邪發黃曰膽黃此

四黃症人往往忽之其害匪淺惟景岳論之甚詳今特羅列各症如能對症服藥自無終身之患矣

凡額黑微汗手心足心熱薄暮即發膀胱急大便溏黑名曰勞疸又名女勞疸此症因大勞大熱男女交接所致身目俱黃日晡發熱惡寒小腹滿小便難便是

凡身面眼目黃如金色小便黃而無汗者曰黃疸此症寸口無脉鼻出冷汗腹膨形如烟薰頭搖視直環口黎黑出汗發黃久之變黑者不治並喜睡吐涎

金匱要略曰跌陽脉緊而數數則爲熱熱則消穀緊則爲寒寒則食滿尺脉浮爲傷腎跌陽脉緊爲傷脾風寒相搏食穀則眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸此症寒熱不食食即頭眩心胸不安因飲食傷脾久久發黃者是

凡心中懊痛足脛滿小便黃飲酒發赤黑黃斑食時欲吐鼻燥名曰酒疸其脉浮者先吐之其脉沉者先下之夫病酒者小便不利心中熱足下熱是其症也

凡因濕多成熱則生黃此即所謂濕熱症也其症身熱煩渴或躁擾不寧或消穀善飢或小水熱痛赤澁或大便秘結其脉必洪滑有力不拘表裏成風濕外感或酒食內傷皆能治之但察其元氣尙強脾胃無損而濕熱果盛者宜清火邪利小便濕熱去而黃自退

凡陰黃疸症多由內傷不足不可以黃爲意常用清利此症宜調補心脾腎之虛以

培血氣血氣充足黃氣自退

若因內傷勞倦致染傷寒者亦多有發黃之症但察其本無濕熱實邪等症即當以治陰黃疸法治之若祇知攻伐末有不敗事者

凡胆黃疸症皆因傷胆而然膽既受傷則臟氣之損敗可知若不調理必致剝喪此症宜大用甘溫速救元氣然必察其所因之本或兼酸以收其散亡或兼澁以固其虛脫或兼斂以鎮其失守之神魂或開導以釋其不解之疑畏用藥宜用陰黃腫治法則有起死回生之功否則再用尅伐利水之藥則殆矣然須細察脈象病症按方治之無不奏效如神也

## ○中風論症

中風者有真中風類中風之分真中風者中時猝倒皆因體氣虛弱榮衛失調或喜怒憂思悲驚恐或酒色勞力所傷以致真氣耗散腠理不密風邪乘虛而入乃真中風也有中腑中臟中血脈氣虛血虛之不同因而治法亦有異也大抵中腑可治中臟難醫凡遇此症急用生半夏牙皂細辛爲末吹入鼻內有嚏可治無嚏即死凡口開手撒眼合溺尿吐沫直視喉如鼾睡肉脫筋骨痛髮直搖頭上撩面赤如粧汗綴如珠痰喘作聲皆不治也若動止筋痛是無血滋筋故痛曰筋枯不治凡卒中昏倒不省人事牙關緊閉者此中風痰也先用通關散吹鼻次用吐法吐後

未醒急灸百會人中頰車合脊卽服導痰湯或攝生飲俟稍醒其氣未盡順痰未盡除當服霍香正氣散加南星木香防風當歸一二劑然後視其中某症用某方治之慎毋膠柱鼓瑟也

凡卒然倒撲昏暈不醒名曰閉脫亦有虛實務宜分別如牙關緊閉氣粗痰喘兩手握拳謂之閉症用老薑汁童便灌之最妙蓋薑能豁痰開閉童便能降火下氣故也或用痧氣丸亦效

如口張口閉手撒鼻鼾遺尿面赤如衄汗出如珠謂之脫症蓋目閉肝絕口張心絕手撒脾絕鼻鼾肺絕遺尿腎絕皆元氣竭絕之候惟大進參朮者附庶可挽回元氣於無何有之鄉而痧藥斷不可用慎之

中風脉浮吉滑兼痰氣其或沉滑勿以風治或浮或沉而微而虛扶危治痰風未可疏浮暹者吉急疾者殂

### ○類中風症

類中風者則常有之有中寒中暑中濕中火中氣食厥勞傷房勞痰厥血暈中惡卒死等症皆類中風者甚多各有治法不可作風治若用風藥誤事不淺矣

中寒者謂冬月卒中寒氣昏冒口噤肢攣惡寒脈浮緊也其症或口吐涎沫重則四肢僵直先用熱酒薑汁各半盞灌之稍醒後隨用附子理中湯若不急治舌短囊縮



# 氣

而死矣

中暑者謂夏月卒暴炎暑昏冒痰厥吐瀉喘滿也用十味香霍飲治之

中濕者朱丹溪所謂東南之人多由濕土生痰痰生熱熱生風用清燥湯加竹瀝薑汁治之

中火者河間所謂肝木之風內中六經之邪外侵良由五志過極火盛水衰熱氣拂鬱昏冒而卒擇用六味地黃丸四君子湯獨參湯之類內有悲怒傷肝火動上炎者用小柴胡湯治之

中氣者由七情過極氣厥昏冒或牙關緊急也其症因與人相爭暴怒氣極而暈倒者氣脈多沉風脈多浮風中身溫有痰涎氣中身冷無痰涎先用薑湯灌救醒後即用木香順氣散或霍香正氣散治之

食厥者過於飲食胃●自傷不能運化故昏冒也先用薑鹽湯多灌探吐之再服六君子湯便愈凡中風猝倒口噤不能言目不識人四肢不舉等症多因飲食過度變爲異常必須審問明白若果因飲食之後或者氣惱另煎鹽湯灌之探吐即愈勞傷者過於勞役耗損元氣脾胃虛衰不任風寒故昏冒也用補中益氣湯治之房勞者因腎虛精耗氣不歸元故昏冒也用六味地黃湯治之痰厥者皆因內虛受寒痰氣阻塞手足厥冷麻脾眩暈欲倒脈沉細也用加味二陳湯治之

血暈者皆因平日去血過多虛而成血暈脈微瀋也用加味四物湯治之

卒中暴厥者卒然不省人事也其症因犯不正之氣忽然手足厥冷肌膚粟起頭面青黑精神不守錯言妄語牙緊口噤昏不知人頭旋暈倒此中惡卒厥客忤飛尸鬼擊弔死間喪入廟登塚多有此病宜艾炙臍中百壯以臍角未嗜鼻或半夏末亦可或研韭汁灌耳中即活或以蘇合香丸灌之俟稍醒用調氣散合平胃散服之或藿香正氣散亦可凡病人初中風喉中痰塞水壅難通非香品不能開竅故集諸香以利竅非辛熱不能通塞故用諸辛爲佐使犀角雖涼涼而不滯柯子雖澁澁而生津世人用此方於初中之時每取效丹溪謂辛香走散宣氣又謂腦竅能引風入骨如油入麵不可解也醫者但可用之以救急慎毋令人多服也

### ○預防中風

凡人初覺大指次指麻木不仁或手足少力肌肉微掣三年內有中風之疾宜先服愈風湯天麻丸各一料此治未病之先又云於未病之先服竹瀝枳朮丸可祛去之若與搜風順氣丸間服何中風之有

◎中風中暑中寒中氣中毒中惡及霍亂等症

牛薑汁一杯童便二杯同調溫服立解蓋生薑能開痰下氣童便能滋陰降火也

◎卒然中風口眼邪嗎

用生鱗血入射香少許塗之即止 或用草麻子搗爛左歪塗右右歪塗左正即去之 或用醋炒石灰爲末仍以醋調塗法如前 或用鷄冠血塗如前正即洗去 凡塗鮮血口眼一正即速洗去

◎中風口噤痰厥不省人事

用鷄毛薰桐油掃入喉中吐痰即活 或用胆礬末一分溫酒調下以吐痰爲度

◎中風口噤

皂角五兩去皮弦研末用三升陳米醋和勻左隔塗右右隔塗左乾更易之

◎口眼喎邪一切風癱暗風癱瘓等症砭法

用鋒利碎磁片刺少商穴使血出即解 少商穴在十指頭指甲兩旁與出指甲處相齊離指甲兩邊各一分便是先從背上抹至指間使血下行方刺先從大指刺起但見鬆醒不必遍刺也磁片須用竹筋頭夾住露磁鋒一分在外川線扎緊以兩指捏着筋稍按穴上再用竹筋一枝橫敲扎線處使磁鋒刺入則輕重有準

◎中風不語

用人尿澆面自醒 或用龜尿少許點舌上即愈 或用巴豆肉一粒同艾葉打碎

燒烟燻鼻即醒

◎中風失音

搗梨汁頻服甚效

◎中風撲地

大蒜一把用路上熟黃土攪和研爛以新汲水調勻澄清去渣灌之 或用巴豆油  
香捲皂角末燒烟薰之

◎中風中痰不省人事

凡中風中痰不省人事得病之日便進此藥免成廢人方用 柏葉一握葱白一握  
連根研細如坭加無灰酒一大盅煎一二十沸去渣溫服如不飲酒分四五次服之

◎中風角弓反張

凡中風頭足往後扯動彎屈不伸其形如弓名曰角弓反張用 雞屎白三錢酒五  
秤用竹箸順攪一千遍飲之小兒減半日服一次此葛仙方也

◎眼珠上翻手足彎曲狀如中風時發時愈

名拘麻症用 生木耳滾水浸開於病未發時取木耳細嚼一二兩飲黃酒三四杯  
蓋被出微汗抹去服至二三十斤除根

◎腰脚風濕作痛不能履地

松毛燒灰布包乘熱熨之神效 或用松毛一斤搗如坭用酒三斤泡七日隨量飲  
甚妙

◎腰腿手足疼痛不能起臥

名風癱症用 老楊樹虫蛀糞 乾菊花連枝葉梗 桑樹枝先將臥房內土地掃

淨長五尺寬二尺取上三物鋪勻加火燒之以地熱爲度掃去火燄乘熱噴黃酒於  
巾上用乾稻草鋪上又噴黃酒於草上再用稻草蓋之將病人脫盡衣褲臥於草上  
以被蓋煖俟出透汗緩緩去被密室避風數日行步如舊再服藥丸便無後患藥  
丸方用 牛骨髓（熬熟淨油一碗）白蜂蜜（一斤半煉過）炒麵（要上白者一斤  
以熟爲度）焦黑乾薑二兩爲末 右四味共搗爲丸如彈子大每日用三四丸細  
嚼黃酒送服全愈

◎瘋癱十餘年不能行動手戰腳軟

金毛狗脊全身（用黃酒洗去淨毛）切片酒三斤煮三炷香久埋土內七日退火氣  
空心服每日三服數日自能行走

◎中痰癱患

左癱右瘓三十六種風可治方用 紫背浮萍曝乾研末蜜丸如彈子大以豆淋酒  
化服三丸汗出即愈

◎半身不遂

牛膝三兩白鴨一隻（去腸臟不用）將鴨去毛洗淨放牛膝入鴨肚內水二大碗瓦  
鐘煑熟去牛膝食鴨數次自愈 或用正橘紅生薑煎湯頻飲之 或用白鳳仙花  
陰乾煑酒飲半月見效

◎鶴膝風

壽世良方

中風

凡三陰之氣不足風邪乘之兩膝作痛久則膝愈大而腿愈細故名鶴膝風用 大何首烏煎酒服以醉為度將渣搗爛敷膝上戒食鮫魚黑魚 或用大肥皂一斤煮爛去筋砂糖六兩同搗敷三四日見效 或用生薑搗爛炒熟將絹包膝上二宿次將陳小麥打碎炒熟包膝上 或用新鮮白芷酒煮成膏收貯磁瓶內每日取膏二錢陳酒送服再取二三錢塗患處至消腫乃止 或內服陽和湯外敷白芥子末酒調塗亦消

◎四肢癱瘓筋骨拘攣久近皆治

椿槐桃李茄柯桑柘等葉及葶麻子共煎水一大鍋日洗數次全愈

遍身麻木不仁

芥子末醋調搽之

◎風濕疼痛灸法

用鹽鋪酸痛處將燈草火不住手灸鹽上如見皮內畧熟便住手待熱退再灸自愈

○癩病論症(俗名羊吊)

癩病者卒時暈倒身軟咬牙吐涎沫不省人事隨後醒者是癩病也有羊癩猪癩牛癩馬癩犬癩皆驚風熱痰俱用二陳湯加減安神丸又有癩病者狂叫奔走而不知人事也主於治痰用二陳湯加減服之

諸癩者痰涎壅併也癩屬氣血虛而兼痰火者宜攻補兼施也清心抑膽湯治之癩屬風痰者宜追風祛痰丸治之癩屬痰者清心化痰丸治之癩屬風熱者宜祛風清熱也

脈虛弦爲驚爲風癩

◎邪狂癩癩

用一人早起於寅時勿令人見用左手摘向東方桃葉十瓣暗藏病人髮內即安

◎癩症

羊蹄根一錢搗桐油渣五分和勻爲丸冷水送下吐痰而愈

◎風痰癩病

生白礬一兩（入豬胆內陰乾）北細辛（五錢研末）蜜丸如梧子大一歲十九丸茶送服大人五十丸久服痰自大便出

◎羊癩風

甜瓜蒂七個研末白礬一錢用無根水送下即吐痰過五日再服一料以愈爲度

## ○中毒論治

凡解毒藥俱宜冷服大忌飲熱湯水飲熱水則難救矣若以酒飲之必死不可不知

### ◎中諸藥毒

玉簪花根搗水吞之勿粘牙齒 或用生薑汁灌之立解 或用葛根煎汁服之

### ◎中藥毒鳩毒已死(心頭猶溫皆可治之)

犀角磨水飲之 或扁豆爲末溫水服之

### ◎中蒙汗藥毒

飲冷水卽解 凡臥室內夜間貯水一盤庶免此患 或用甘草黃糖水飲之可解

### ◎中仙鶴血毒

其鶴或傍樹枝或臥叢草將頭搔痒遺有頂血毒粘在樹草間人以手摸腳踏登時赤腫疼痛異常急以 青松毛和糯米飯同搗敷之立愈

### ◎解救百毒

乾淨地上黃土挖三尺深入水一桶用棍攪動名曰地漿能解百毒 凡食隔夜菓餅飯菜蔬茶酒等物或飲田塘溪澗井溝之水誤中無名百毒者取飲數碗極爲神效愈後戒食鱈魚 或用把牆草搗爛煎湯冷服能除百毒屢驗

### ◎解救鴉片烟毒



若身冷氣絕似乎已死如身體柔軟則臟腑經絡之氣尚在流通實未死也乃鴉片性烈昏迷之故耳將其人放在潮濕陰地用快子撬開牙齒或用磁調羹撬開或用烏枚擦之亦開若用銅鐵等物反不能開矣以快子橫放口內使口常開以冷水時時灌之或白沙糖調冷水灌之更妙外用手帕二三條以冷水泡透放胸前輪流更換或用整塊豆腐貼之亦可又用冷水一盤將頭髮散放盤內時時換水切不可見太陽一見日照即不可救矣三四日後鴉片之氣散盡即活如身不硬雖七日內亦可回生切不可為無救遽行棺斂此法曾救多人無論服毒輕重雖手足青黑照此救法無不活也切忌灌服醬油恐受鹽滷之毒反致誤事若服藥雜亂亦不可救慎之慎之活後多服白沙糖水及生菘豆末調水服之最效 或用清油灌之立解緣鴉片煙粘滯腸胃見油即散也

◎解斷腸草毒(此症治好須戒殺生)

此草有尖圓兩種如服尖葉者不過一二日肉即消化急用蕤菜薑汁灌之其效如神 或用韭菜汁灌入亦效 或用黑豆一升煮濃汁候冷透飲之立解

◎解鹽滷毒

生豆腐漿冷服二三碗至神至妙如一時難得用黃豆搗爛調冷水去渣服之亦可 或用白沙糖五六兩用冷水調服 或用淘米水冷服三四碗亦可

◎解悶藥方

白沙糖調冷水服此味能解百毒

◎解食桐油

急飲熱酒卽解 或用蓮蓬煎水服甚效

◎解食蛇毒

烟油(卽食熟烟桿中結成如漿者)俗云烟屎是也愈舊愈佳用冷水洗出二三杯飲之凡受蛇毒者飲之其味必甜並不難飲試之如神

◎解蜈蚣毒並治咬方

本人十指甲磨冷水多飲之其效無比

◎解蝮蝗毒(又名水蛭)

此物入腹久必生子食人肝血腹痛不可忍面目黃瘦不治必死用桂圓肉荔枝肉亦可包烟尿油吞之卽死隨由大便而出屢試如神 或食羊肉可化爲水 或食蜜糖一二斤卽化爲水體虛人不宜用

◎解各色魚毒

多食咸欖並用核磨水服之最效 或用冬瓜生搗汁飲之 或用魚鱗燒灰冷水調服二錢

◎解食牛肉毒

苦瓜皮搗爛調水服之神效 或用人乳飲之卽解

◎解豬肝毒

地漿水飲之立效 或用熟豬油一斤拌飯或炒飯亦可分一二日食盡此一二日

勿食別物爲要

◎解杏仁毒

杏仁生熟服之都不爲害若火炒不透半生半熟者服十數粒卽死如中此毒其人眼閉舌唇耳竅手足十指俱青色肚腹有青色塊每有食以詐人者人不易妨最難禁止惟急取吐吐出可解用杏樹皮煎湯飲之雖迷亂將死者可救 或用射香一分調水飲之亦可此方能解百果毒

◎解飲田湖山溪水毒隔夜茶水毒

凡田湖山溪往往有蛇遠毒在內若誤飲其水卽用雄黃調水多服數次自愈

◎中雄黃毒

漢防己煎湯飲之

◎中水銀毒

炭末煎汁飲之卽解

◎中鉛粉毒

白沙糖調水服 或蘿蔔汁飲之亦愈

◎中砒霜毒

壽世良方 中毒

活鴨血熱灌之 或用胆礬末調水灌之 或用真麻油灌之立解 如毒重以黑鉛一塊用井水在石上磨出黑汁旋磨旋灌之 或用生綠豆粉一兩新汲水調服

◎十種丹毒

因生瘡過服丹藥以致火毒發作延及遍身不等先用淡竹葉煎濃湯服之 一從頭頂起散開腫者用葱白汁塗之 二從頭頂起紅腫痛苦異常用赤小豆末調鷄蛋白塗之 三從面部起紅腫者用灶心土和牛皮膠塗之 四從背上起赤點者用桑白皮研末和羊油塗之 五從兩臂起赤腫黃色者用柳木灰和井水塗之 六從兩脇起赤腫者用舊鐵綉末和猪油塗之 七從脚背上起紅腫者用猪槽下土和麻油塗之 八從臍上起紅腫者用檳榔研末和醋塗之 九從兩足起紅腫者用羊油和乳香末塗之 十從陰囊下起紅腫者用門限下千步土和羊油塗之 更有毒重延及遍身者用油菜子搗酒頻飲之以油菜葉搗爛敷之

◎古井毒

凡古井及五月中恐有毒淘井者先以雞毛投之如迴旋不下則有毒直下則無毒也以熱醋一斗投入俟一二日方可汲飲

◎中水毒

手足至肘膝俱冷者是用 浮萍煎水浸洗之

◎解食沙虫水毒

蒿苳菜搗汁飲之立解

○解食野葦靈芝毒（心疼胸脹瀉痛欲死）

橄欖搗如泥食之 或以甘草汁磨紫金錠服之

○野芋頭毒

石榴葉煎水服之 或用黃土煎水服之

○諸菓毒

廣木香磨汁入射香一厘服之

○中白菓毒

凡中此毒者驟然一喊即暈去儼若驚扑之狀用白菓壳煎水服之立解

○中諸魚毒論症（方見前）

河魴魚其毒在肝血脂子並眼其肝入口爛舌入腹爛腸脂令舌麻子令腹脹眼令目花團魚即鼈也鼈腹下隱隱有蛇皮之狀其色大紅乃毒蛇所化也誤食之必腹痛欲死手足發青而亡是毒氣攻腸也

○解百足尿毒方

皂角八錢煎水服即愈 百足遺尿多在鷄肉處若誤食之見肚痛眼藍舌黑肚臍上起紅氣一條便是中毒過對時即死若牙關緊閉取鐵器撬開用藥灌之

○過食魚毒

壽世良方 中毒

用船底青苔搗爛冷水調服若不大愈加青皮五錢煎水冷服立效

◎中蟹毒(食蟹後食紅柿即有此症)

蘇葉煮濃汁飲之 或蒜頭汁或麻油俱可解或用生藕汁飲之 或用木香磨汁飲之俱效

◎中鴨肉毒

糯米汁溫服一盞即安(食鴨蛋不消亦可)

◎中牛馬猪廔肉毒

生甘草一兩煎湯飲之 或旱稻草煎湯服之

◎中狗肉毒

杏仁三兩連皮研末熱湯調溫服三盞吐出即愈

◎中飲食毒

飲饌中毒倉猝不知何物急以 生甘草 薺蔻等分煎湯飲之入口即活 此症覺腹中不快即以黃豆入口嚼之不見腥氣者中毒也急以升麻五錢煎汁飲之以手探喉吐出毒物 心煩悶者以苦參煎汁飲之 或飲麻油一盞能解百毒

◎中食麵毒

生蒜搗爛和醋食之 或用蘿蔔汁飲之

◎誤食水蛭

田中泥和水飲數碗必盡下 或用牛羊熱血生調猪油飲之亦下

◎誤食桐油

甘草汁服之 或用滾酒多飲之 或用乾柿餅食之即解

◎誤食斑蝥毒

腹痛吐瀉不止用綠豆或黑豆煎水服之

◎飲鹹水毒

米醋飲之 或食乾柿餅亦效

◎解食死畜毒

豆豉一合新汲水煎濃汁溫服之

◎中挑生毒

凡吃魚肉瓜菓皆可挑生初中毒者覺胸腹稍痛明日漸加攪刺滿十日則物生能動躍騰上則胸痛沉下則腹痛脇下忽腫起如癰節狀頃刻間大如碗以綠豆嚼試若香甜即是用 小升麻研末冷熱水調二大盞連服之瀉出生葱數莖根鬚皆具腫痛立消續煎平胃散服之日食白粥即愈 在上膈者即胸痛是也用 熟茶一盞投胆礬五分於茶內候凡化盡一口飲之良久再以鷄翎探喉取吐 在下膈者即腹痛是也用 鬱金末二錢和米飲服之即瀉去毒物再用 人參 白朮各五錢爲末用無灰酒慢火煎至半日溫服之每日一盞五日乃止然後飲食無恙

◎解豆腐毒

蘿蔔煎湯飲之即解

◎飲酒醉死

用射香一分放在鼻中即醒

◎洋烟醉傷

飲鹽水即解 或飲醬油 或飲糖水均效

◎酒醉心痛

白沙糖三四兩淡酒沖服止痛如神

◎酒醉傷

凡酒醉死者急將醉人頭髮放新汲水盤內將衣解開用 豆腐遍身貼之若無豆

腐用布泡井水貼之少刻再換換至數次必醒惟寒天不宜 或用白蘿蔔汁灌之

或熱尿灌之俱效

### ○蠱毒論症

凡中蠱毒身必腫脹頭先腫病在脾面先腫病在肺眼先腫病在肝口先腫病在小腸腰先腫病在腎手先腫病在筋脚先腫病在心下陰先腫病在大腸四肢齊腫病在胃經愈後戒食煎炒熱毒及無鱗魚生鹽等物六十日戒房事一年謹之慎之



◎治蠱毒妙方

葶藶 甘遂 茯苓 川椒 澤瀉 芫花 桑白 巴戟 大戟 雄黃 各一錢研末如係頭腫加(甘遂一錢不用雄黃)面腫加(桑白一錢不用芫花)眼腫加(巴戟一錢不用澤瀉)口腫加(巴戟一錢不用甘遂)腰腫加(大戟一錢不用巴戟)手腫加(雄黃一錢不用桑白)腳腫加(葶藶一錢不用茯苓)下陰腫加(澤瀉一錢不用川椒)四肢齊腫加(茯苓一錢不用大戟)以上十味藥末照症加減壯者每服一錢井水調服弱者每服七分用茯苓一錢煎水調服服後必瀉以瀉至淨黃水即不服藥或見肚痛亦無妨碍

○蠱毒論治

凡中蠱毒腹中作嚮朴朴如鼓聲大小二便不通口乾作渴即買 猪鬃頭肥肉煎油不用鹽糖清晨溫和空心服半碗至午必瀉其毒必出向有水處瀉之毒重者有毛粒瀉出如綠色由一粒散至數粒隨水面而走小粒如綠豇大或如芝蔴大者瀉出均能流走水面如腹中無毒祇瀉清水而已用白米粥冷食即止

◎中蠱試驗

先以白礬末令病者食之不澁反見甘味再食黑豇不見味腥乃真中毒也即濃煎石榴皮根湯飲之吐出毒物無不愈者

◎解中諸毒（治信石山砒鴉片鉛粉水莽草羊角賴斷腸草大茶藥朝東草諸毒）

用麻油和鷄蛋灌之即吐 或用鷄窠內乾鷄屎二碗炒焦加清水四碗煎汁乘熱灌之取吐再灌再吐垂死可活 或用山鴨一隻先將鴨頸皮割開將頸皮連毛翻上鴨頭後斬鴨頭用鴨頸送入喉內取鴨血乘熱射入喉內亦可吐出諸毒

◎蠱毒及蟲獸傷毒

凡遇此症則毒氣入腹眼黑口噤手足強直方用明礬 甘草各一兩爲末每服二錢不拘時候冷水調服將藥末敷患處

◎解百蠱毒

生甘草五錢以水濃煎燉服吐痰即愈 或用芝麻油多飲取吐爲止 或用黑豆爲末入酒絞汁服半碗亦效 或用白鴨血乘熱飲之

◎中蠱腹痛

凡染此症腹內堅痛面目青黃病變無常用 眞生蜜一碗豬骨髓五兩研爛同煎熟分作十次服之日三服即痊

◎中蠱吐血

小麥麵二合分作三服以冷水調下半日服盡下蠱即愈

◎水蠱

凡腹大搖動有聲者是用 赤小豆一碗白茅根一把水煮食豆以消腫爲止

◎蛇瘕治法

凡蛇之精液沾於菜上人若食之便有此症其症病者常饑食入即吐用赤頭蜈蚣一條炙末酒服

◎避蠱毒法

凡人家房屋潔淨並無灰塵蛛網者卽是有蠱之家勿與往來以免受害  
凡食茶水菜飯時將要食時用快子向杯碗上敲動並向主人問云食內果有蠱毒否一經問破卽可免害矣 又將食時自帶大蒜頭食之有蠱必當場吐出不吐卽死主人畏累則不敢下蠱矣 或川大葶薺不拘多少切片晒乾爲末每早空心白滾湯調下二錢入蠱家無害此神方也

◎解煙瘴毒

用磁瓦有鋒者或刺額上或刺眉叢或刺兩手牌出血一合卽解血紅而多者輕血紫而少者重用生熟大蒜各七片共食之少頃腹鳴或吐血或大便卽愈

◎辟煙瘴癘氣

凡雲貴兩廣等省地方忽有一股香味撲鼻卽是瘴氣斷不可聞以免生病  
凡有瘴氣之處飲食不可過飽每日須飲酒數杯不飲酒者亦勉強飲之可辟瘴氣

# ○斑疹論症

斑發紅赤爲胃熱紫而不赤爲熱甚紫黑爲胃爛故赤斑半生半死黑斑九死一生大抵鮮紅起發稀朗者吉紫黑者難治黑斑爛者死也

凡斑欲出未出之際且與升麻湯先透其毒脉虛加人參而大便不實加白朮斑見已出不宜再發也斑不可汗斑爛不宜下如脉洪數熱甚煩渴者用人參化斑湯若消斑毒用犀角玄參湯

凡發斑疹先將紅紙點燈照着病人面部胸膛背上四肢有紅點起者乃發斑也若大紅點發於皮膚之上謂之斑小紅麤行於皮膚不出起者謂之疹蓋疹輕而斑重也先將薑汁噴於斑上以後照陰陽虛實寒熱而用藥

凡丹疹皆是惡毒熱血蘊蓄於命門遇君相二火合起即發也如遇熱時以防風通聖散辛涼之劑解之寒月以升麻葛根湯辛溫之劑解之

凡丹疹先從四肢起而後入腹者死

發斑者熱毒蘊於胸中也

凡斑既出須得脈洪數有力身溫足溫者易治若脈足冷無氣虛弱者難治疹即痧也北方謂之疹南方謂之痧未出兩三日即憎寒壯熱鼻流清涕身體疼痛嘔吐泄瀉欬嗽氣急腮紅眼赤乾嘔惡心目淚噎噴便是疹候及其既出則有顯

粒綻然於皮膚之外必至頭至足無一處不有而尤以頭面多出爲吉自出至沒約以三日爲準或出一日即沒者乃爲風寒所衝必至毒邪內陷倘不早治胃爛而死已過三日不沒者乃內有濕熱之故然所謂三日漸沒第以手摸之無痕耳飢膚之內隱隱紅點雖至五六日亦有至疹子之色則以鮮明紅潤爲佳赤紫乾燥晦暗皆火盛毒熾急治始無變症若渾身如錦紋則爲夾斑疹若色白則爲血不足若黑色則九死一生矣疹沒之後必慎風寒戒勞碌靜養三七日至色慾一事非七日後斷不可犯蓋疹雖已痊餘邪不能一時即盡若傷精喪血慾火煽動恐邪復乘虛肆橫至生別症設有此患急宜大補氣血仍兼消毒清火飲食禁忌尤宜小心五辛早令生驚搖鹽醋早令欸不止鷄魚早令天行時即重出此皆終身之患故須切戒也

◎遍身風瘙癢疹

二蚕砂一升水二斗煎至一斗去渣洗之

◎遍身風痒

蒼耳子煎水洗之 如成風癩用皂角煎汁洗之如痒入骨髓不可忍者用 食鹽

九錢泡湯三碗分三次服每服一碗探而吐之三吐即效 或用浮萍煎濃汁洗之

如心下迷悶用 巴豆五十粒去皮水七鍾煎二鍾以帛染藥水拭之並治瘡疥

◎紫癩風

醋磨知母頻擦之

◎世良方 斑疹

◎雲頭白癩

以茄子花擦之 或以花紅擦之永不再發

◎白癩風

硫黃 蜜陀僧爲末薑汁調搽

◎赤白汗斑

夏枯草煎濃湯日洗數次神效 或用硫黃少入麻油研如糊用麻布蘸擦數次

◎汗斑

刺蒺藜不拘多少研細末篩去刺用醋調搽以手指用力推搽黑斑隨手而愈惟薄留影子連擦五六次除根愈後戒食各種飛禽野鳥 或川老生薑一塊挖空入陀僧五分砒霜少許在內黃泥封固火煨全性取薑擦之 或川田螺(卽螺絲)一個去掩入枯礬末少許其水自出將水搽數次卽愈

◎身上及頭面斑痕

馬齒莧煎湯日洗二次

◎去諸斑

鷄蛋二三枚去白取黃炒黑塗一二次久之自無痕迹

◎風斑

紫背浮萍煎湯沐浴則風散而斑愈

## ○斑症

◎天行發斑

狀如火燒如豌豆頃刻間頭面及身皆起白漿此惡毒時症也方用 蜂蜜 升麻 水煎每服一杯每日服三四次再以棉蘸升麻蜜汁時時拭之 又方急煮葵菜葉 (不拘多少) 以蒜齏啖之即止

## ○痧症

痧症各有不同而脉之細軟沉遲與虛損脉象相同庸醫不察痧脉誤認爲血氣兩虧大用補劑無不垂死有陰痧陽痧烏痧斑痧絞腸痧等症初起多半腹痛亦有並不腹痛只覺昏沉脹悶者切忌服薑急用 南蛇簾(草藥名)煎水和酒服之立可起死回生神妙之至 陰痧則腹痛手足冷看身上有紅點以燈草爆之 陽痧則腹痛手足暖用針刺破少商穴(在大指甲邊)使出血即解 或用食鹽二斤炒熱以青布包之更換熨胸腹腰背氣透即愈或以葱煨熱熨亦可 此症最忌熱湯熱物

◎驗痧妙方

急取田中生芋芳洗淨嚼之如非痧症則生澁難食若是痧症則甘美異常再食二

壽世良方

斑症

痧症

一百六十三

枚即愈尋常腹痛食之亦效

◎痧症諸方

刮痧法 擇一光滑細口磁碗另用熱水一鍾入香油一二匙將碗口蘸油水令其暖而且滑兩手覆執其碗於病人背心上輕輕向下順刮切忌倒刮以漸加重碗乾則再蘸再刮良久覺胸中滯氣下行始能出聲頃之腹中大響大瀉如注其病遂減睡後通身搔癢或發出疙瘩遍身而愈

◎又方

以食鹽一握揉擦兩手腕兩脇兩足心並心窩背心八處擦出許多紫紅點漸覺鬆快而愈 或用生白礬爲末每服一錢不拘男婦用陰陽水調下即愈 凡各項痧症及受暑昏暈不省人事者服之立可回生蓋白礬能升清能降濁故奏效如神存心濟世者宜佩帶身旁或道路或深夜遇症施治可當仙丹功德無量 或用鹽置刀頭燒紅淬入水中乘熱灌下死者可活

◎風寒痧症

如死去者用生薑汁滴兩眼角內肉立效重症四眼角俱點即活

◎痧症垂危屎尿已出

頭髮(數根燒灰)白礬(二錢)研末陰陽水一碗調服取吐即愈 或用生辛芳(二個搗爛放病人口中咽下即醒醒後再吃數片 又用生鹽置刀頭燒紅淬入水中



乘熱灌下死者亦活

◎纏腰痧

凡一時昏倒腹痛眩暈腰間如有繩纏者 急以真麻油一盞灌下得吐即愈

◎斑痧(並治痧脹及中暑霍亂等症)

用食鹽一握在前後心腰脇擦出許多紫點立散 又用蒜頭搗爛塗兩足心(一

愈即除去)

◎絞腸痧刺法

凡絞腸痧手足厥冷腹痛難忍者 急取溫熱水於病者膝灣內用手拍出有紫黑

點以針刺去惡血即愈

◎出紅痧忽然七竅流血

先飲童便一盞用艾火灸腳大指頭左右各一火灸後煎蘇木水一盞飲之即愈

◎羊毛疔仙方

俗名羊毛痧又名羊毛疔初起身發寒熱胸口迷悶胸前背心有紅點如疹子形者 卽是方用 生薑汁擦病人胸背數次再以滾熱燒酒一斤泡新青布數片乘熱推 擦多次俟皮膚大熱之際將燒酒調做淨黃土泥丸十個如鷄蛋大先滾胸背次及 手足凡有疔處俱先擦後滾滾熱再滾便將羊毛收入剖丸視之中有羊毛爲驗屢 易屢視總以取盡羊毛爲度毛盡病痊再服三生飲可以除根

◎三生飲

新鮮側柏葉汁一杯生地黃泡汁一杯生荷葉汁一杯如無即薄荷藕汁亦可加薑汁少許和勻隔水燉熟溫服神效 或用紅印色（不拘新舊）放生菜油一些在印色內取竹管一枝（要滑口合用）印一紅圈將竹管印兩太陽穴眉心左右手及心背等穴一印見痛每處印至一刻鐘內便可全愈

○傷寒論脈（傷風附）

脈陽浮而陰弱謂之傷風 邪在六經洪弦加之陽浮衛中風也 陰弱榮氣弱也 風傷陽故浮虛也 脈浮緊而無汗謂之傷寒 寒傷榮實則衛盈 陽脈緊在上焦主欲吐 脈浮頭項痛腰脊強病在太陽 脈長身熱鼻乾目痛不得臥病在陽明 脈弦胸脇痛耳聾往來寒熱病在少陽 脈沉細咽乾腹滿自利病在太陰 脈微緩口燥舌乾而渴病在少陰 脈沉瀉煩滿蘊縮病在厥陰 左手脈來緊盛即是傷寒右手脈平和 右手脈來緊盛即是飲食內傷左手脈平和左右手脈俱緊盛即是夾食傷寒此為內傷外感 右手脈來空虛左手脈來緊盛即是勞力傷寒亦為內傷外感 左右手脈來沉細或伏面色青手足冷小腹絞痛甚則吐利舌捲囊拳即是夾陰中寒此是真陰症 脈來浮緊有力為寒邪在表治宜發散 脈來沉實有力為陰邪伏陽治宜攻下 脈來沉細無力此純陰也宜退陰助陽脈

脈來沉數有力爲熱相傳裏宜清解邪熱也

### ○傷寒審症口訣

口苦者膽熱也

口燥咽乾者腎熱也

手心熱者邪在裏也

手足溫者陽症也

鼻流濁涕者風熱也

唇口腫赤者熱極也

閉目喜見人者屬陽也

多睡者陽虛陰盛也

喜明者屬陽元氣實也

睡向外者屬陽元氣實也

舌青紫者陰寒也

譫語者口出無倫邪氣勝也

狂言者無稽妄談邪熱氣盛

目直視者圓而不轉動也

口甜者肝熱也

舌乾口燥者胃熱也

手背熱者邪在表也

手足冷者陰症也

鼻流清涕者肺寒也

唇口青黑者寒極也

閉目不欲見人屬陰也

無睡者陰虛陽盛也

喜暗者屬陰元氣虛也

睡向壁者屬陰元氣虛也

舌赤紫者陽毒也

鄭聲者語不接續精氣脫也

獨語者無人則言邪入裏也

怕木聲走響者胃虛不可下也

壽世良方 傷寒

痠者筋脈急而縮也

寤者筋脈緩而伸也

### ○傷寒治法

正傷寒者大汗之大下之

感冒暴寒者微汗之微下之

勞力感寒者溫散之

溫熱病者微解之大下之

陰證似陽者溫之

陽證似陰者下之

陽毒者分輕重下之

陰毒者分緩急溫之

陽狂者下之

陰厥者溫之

濕熱發黃者利之下之

血症發黃者清之下之

發斑者清之下之

譫語者下之溫之

痞滿者消之瀉之

結胸者解之下之

太陽症似少陰者溫之

少陰症似太陽者汗之

忽血者解之止之

發喘者汗之下之

咳嗽者清之解之

在表者汗之散之

在裏者利之下之

在上者因而越之

陷下者升而舉之

從乎中者和解之

真中陰者溫補之

解表不開不可攻裏日數雖多但見表症脉浮尙宜汗之  
裏病具者不可攻表日數雖少但見裏症脉實尤宜下之  
同而異者明之 似是而非者辨之

### ○傷寒論

傷寒傳變症候繁多大抵自霜降後春分前寒邪所感者爲正傷寒春夏別感者謂  
之四時傷寒而兼雜症惟得病之初宜先審辨則調理不差夫傷寒症候大類傷暑  
但傷寒惡寒而身寒傷暑惡熱而身熱脈緊惡寒謂之傷寒脈緩惡風謂之傷風脈  
盛壯熱謂之熱病脈虛身熱謂之傷暑傷暑脈浮大而散或弦而遲蓋熱傷氣散而  
脈虛也外症見頭痛身熱煩渴口乾面垢自汗倦怠少氣或背寒惡寒甚則迷悶不  
省手足抽動或嘔瀉腹痛下血發黃出斑等症行路得之爲中熱靜室得之爲傷暑  
又胸膈脹滿頭痛發熱時有止歇者勞役食積也惟頭痛惡寒發熱身足酸痛晝夜  
不歇傷寒也依此看法果是傷寒若無良醫幸勿用藥蓋此症死於病者少而死於  
醫者多惟宜密室避風勿食粥飯米粒謹靜自守祇以薑汁熱酒或薑茶等類服之  
待七日傳遍經絡雖不服藥亦自然痊愈古云傷寒不藥得中醫正此謂也至於過  
經傳隔經傳兩感傳之症病本至危尤非良醫不治若用藥一誤是速之死耳可不  
慎歟

◎傷寒外治諸法

點眼法 粉甘草六分頂上梅花冰片四分共研細末凡傷寒病起一日至六日用此藥點眼內角男左女右點之出汗而愈如過七日不論男女兩眼非點神效

葱熨法 寒中三陰口噤失音四肢強直攣急疼痛兩手無脈似乎中風者或厥逆唇青男子腎囊縮入婦人乳頭縮入或男婦交合後氣絕等症俱用葱白一斤微搗炒熟分二包輪換熨肚臍下久之俟煖氣透入自愈並以葱白三寸搗爛酒煎灌之陽氣即回此華陀救急方也 或用藥裝熱火或裝滾水放炒熟葱上熨之更妙又用艾丸如豆大燒氣海穴臍下一寸五分關元穴臍下三寸各七次則脈漸現手足漸溫可得生矣

蛋熨法 傷寒症不能分陰陽醫生不識不能下藥目定口呆不省人事身熱大小便不通而無汗者用 鷄蛋十個煮熱留壳切去一頭留七八分合在病人臍上用銀簪插入鷄蛋內取出黑色蛋冷即換俟銀簪不黑病人大汗即愈用神仙粥調養可無後患此秘方也

◎神仙粥

糯米三合生薑五大片河水二碗放砂鍋內煮二滾次入帶鬚葱白五七根或煮至米熟再加米醋半小盞入內和勻乘熱吃粥或止吃粥湯蓋被睡眠謹避風寒以出汗為度可作發表之藥屢驗

罐

此粥專治感冒風寒頭痛骨痛並四時實氣流行等症初病二三日服之即愈

◎傷寒又方

野芋頭（俗名諧芋仔）切片磨擦背上第三節骨如覺痛癢者即非傷寒若不知痛癢即是仍用 野芋頭週身骨節用力擦勻並用芋片炒熱煎濃汁服二三次即愈 忌食暈腥米飯

◎傷寒發狂目不識人或見鬼神

新抱出鷄蛋壳煎湯服之即安 或用灶心土煎水日服三次即愈

◎傷寒舌出

巴豆一粒研細去油以帛捲納鼻中舌即收入

◎傷寒五六日週身發黃

生薑火煨去皮布包扭汁蘸香油點兩目大小眼角即效

◎陰症傷寒

凡男女交合後或外受風寒或內食生冷等物以致肚腹疼痛男子腎囊內縮婦女乳頭內縮或手足攣曲紫黑甚則牙緊氣絕謂之陰症傷寒又名下馬風未交合前縮陽名上馬風既交合後縮陽名下馬風症最危險平日須預將藥方傳受婦女免至臨時誤事方用 青磚半個燒紅隔布數層在肚腹上熨之 或照前葱熨法治之 或取本婦陰毛燒之 或以布貼臍上取滾水一壺熨之 或取本婦陰毛燒

灰水調服之並取洗陰戶水飲之此急救良方不可嫌穢自誤以速爲妙遲則不能救矣 或用硫黃末三錢調酒服之陽物卽出 又男用黃牛屎 女用水牛屎不拘多少將牛屎圍住肚臍中央用童子小便肚臍上卽愈有起死回生之力誠良方也 或用檳榔切碎煎濃汁飲之 或用生鷄仔連毛破開連腸臟敷肚臍上一刻卽愈 凡遇此症急用婦人扎髻舊頭繩或絲繩扎住陽物或用手緊握勿令縮入方能有效若陽物縮盡則難治矣

◎夾色傷寒

凡染此症舌色必黃肚腹激痛起瀝愈痛愈甚有氣一條插至背脊及舌上起水母糞心胸脹兼肚痛者均是此症方用 咸欖三個去核每個入白礬四厘用新瓦焙煨透打地氣爲末每食一個白粥飲調服重症不過三個全愈 或用地厝坭簍衣頸（愈舊愈好）榕樹鬚（生在樹上合用）不拘多少用刀切碎放鉢內炒至黃色爲度調水一碗去渣不用將藥水載碗上打地氣一刻鐘內然後服之立愈 或用麵粉 枝子二味共搗爛攤布上緊貼肚臍痛止除去 又女人夾色取男子舊辮線以舊者爲佳 男子夾色取女人扎髻絲繩或頭繩亦可煎水飲之無不立愈此簡便良方也合上枝子方不妨兼用

◎夾色神方

青色生大焦一隻切片放淨鍋內炒焦煮水一碗澄清吹去浮油飲之立愈如無生



焦黃色亦可又無大焦用香焦二隻亦可神妙之至

◎夾色臨危可救方

乾葛 甘草 穿破砂三味水煎服立愈 或用廣東陳李濟蘇合丸（別家字號亦可用）二個打碎甘蔗尾二條切片水二碗煎至一碗蓋被出汗自愈眞神方也

◎夾色妙方（先看舌上黃及舌底黑兩邊起粒者是也）

帶煤七張 生薑七片 生葱七條 舊茶葉二錢 淡豆豉二錢 胆南星二錢 水煎服立愈

◎夾色傷寒百日外可治

凡行房後沐浴多染是症方用 好安茶一兩酒一碗二味慢火煎至半小碗去渣飲之味甜不滯喉便是合症食一二次全愈重症多食一二次若不對症飲之便吐或有食雞先用芒菓核三個煎水飲之解去鷄味然後服藥方有效驗

◎夾食傷寒

葛根六錢煎汁磨三角磁片頻服宿食盡吐發汗而愈

◎傷寒口乾

藕汁生地黃汁童便各半盞全煎溫服

◎傷寒大小便不通

萹菜葉煎服一碗甚效

◎傷寒舌生芒刺黑胎

用新汲水浸青布洗舌以薑片刮黑胎多次自退

◎傷寒舌出寸許

梅花冰片五厘爲末搽之

◎夾色傷寒肚痛面青

白鴿糞一大撮研細末調滾酒燻被令煖覆臥一時汗出卽愈後戒食白鴿手足紫黑卽用黑料豆三合炒熱加連鬚葱白三大根好酒煎滾乘熱服之愈後戒食黑魚

◎又握陰取汗法

露蜂房三錢燒存性粗葱白五寸同研爲丸放手心內男左手女右手握於陰口靜臥片時汗出卽愈

◎傷寒腹痛唇青卵縮六脉俱絕

急飲熱酒用葱白打碎炒熱敷臍上或以布裹葱白二包乘熱熨臍令熱氣入腹以汗出痛止爲度如熨手足不溫卽不治矣

◎脫陽危症

凡人大吐大洩之後四肢厥冷不醒人事或小腹緊痛冷汗氣喘或與婦人交後腹痛腎縮厥冷汗出瀕死不救急用炒鹽熨臍生薑葱白打碎調熱酒灌之以渣熨臍

陽氣即回 或用連鬚葱二三斤搗爛作餅二枚烙熟放臍上冷則輪流熱貼之以愈爲度

◎陰陽易病

凡男女傷寒病後雖稍痊好不可交合若不謹慎手足拳頭拘攣腸腹疼痛幾死男子病後名陰易婦人病後名陽易速宜汗之即愈過四日不可治也炒乾薑四兩每用五錢調服覆被出汗後手足能伸即愈

此症乃傷寒後熱毒遺於精髓中無由發泄驟與無病人交合男病傳女女病傳男故名陰陽易病其症身重少氣小腹裏急或引陰中拘攣熱上衝胸頭重不欲舉眼中生花膝脛拘急燒禪散主之方用 禪耨近隱處剪下燒灰以水利服方寸一日三服小便即利陰頭微腫即愈男病取女禪女病取男禪簡便之至

◎傷寒狂走

用新抱雞蛋壳二個煎水服之

◎傷寒吐血

韭汁磨好墨一杯同服即止無韭即雞蛋白亦可

◎傷寒傷暑諸症（陰陽虛實等症均效）

潔白糖五錢 陰症葱薑湯下 陽症白滾湯下 暑症或中熱中喝喝暑熱也太陽經中熱爲喝其症汗出惡寒身熱而渴新汲水下 虛症米湯下 實症陳皮湯

下 傷食山渣湯下 結胸症淡鹽湯下 蛔厥症烏梅湯下 緊痧腹痛新汲水  
下 婦人血崩鍋臍煤湯下

◎男子癱勞方

婦人產後未滿百日下午體不潔男子與他交合便染是症失醫難治用 馬齒莧正  
根不拘多少全瘦肉煎食數次便愈 或煎藜豆水飲之

◎夾色將死(忌食米氣)

赤石脂六錢正田七三錢甘草六錢鴉片烟泡(輕者二分重者三分)共研末用古  
勞茶送服即愈

◎撞紅百日外可治

紅花六分甘草一錢川山甲一錢枝子六分桃仁七分蘇木八分生地一錢赤茯苓  
八分連翹一錢金銀花四分水煎服一二劑自愈

○感冒傷寒

此偶爲風寒所感其症較輕於前傷寒症不同或照前傷寒外治各方治之亦  
可

◎風寒頭痛燒熱

黃糖(紅砂糖亦可)加老薑葱頭煎湯或加豈豉並酒煎服 須要避風蓋被睡臥

取汗爲妙 或照後方治之亦可

◎中寒面色青黑或不能言語

食鹽一撮放刀口上燒枯用好汾酒或燒酒一盅煎滾服之立效 或用黑豆一合炒焦以酒沖入熱飲微醺蓋被取汗即愈

◎暴風身如冷水

用蠟溶化攤舊油綢上(布上亦可)隨患大小貼之並裹貼兩手足心冷卽隨換甚效

## ○中暑論症

中暑中暈皆熱症也動而得之謂之中熱靜而得之謂之中暑乃夏火之氣也靜而得之如避暑深堂大廈爲陰寒所遏暑不得越故也外症見身熱頭痛煩燥不安或咳嗽發熱汗出不止然必熱有進退脇下有汗方爲傷暑若久熱不止脇下無汗便是夏月傷寒症雖少見不可不詳辨而妄投湯藥也

按腹痛嘔瀉爲冒暑宜涼解清利四肢困倦不思飲食爲熱傷元氣宜補忽然昏仆不省人事爲暑風宜清涼而加風經藥不可概從中暑治也

中暑者熱傷膀胱經也身熱口渴小便赤澀者宜清利三焦也熱渴大便泄瀉者宜分利陰陽也夏月感寒乃便涼之過也

因寒熱之時或納涼於深堂大厦涼亭冷館大扇風車風寒以傷其外或飲食生冷瓜果冰水寒冷復傷其內其病或頭痛身痛發熱惡寒或惡心嘔吐泄瀉腹痛此內傷生冷外感風寒所致也宜藿香正氣散治之此非治暑也因暑而治之病也

注夏者屬陰血虛元氣不足也

夏初春末頭痛脚軟食少體易者便是此症頭眩眼花腿酸脚軟五心煩熱口苦舌乾精神困倦無力好睡飲食減少胸膈不利形如虛怯脉數無力是名注夏宜參歸益元湯兼服補陰丸治之

暑傷於氣所以脉虛弦細乳遲體狀無餘

夏月有四症傷寒傷風脉症互見中暑熱病疑似難明 脉緊惡寒謂之傷寒 脉緩惡寒謂之傷風 脉盛壯熱謂之熱病 脉虛身熱謂之傷暑

◎中暑諸方

蒜頭二個研爛取路上熟土日晒熱處淨土若汚坭不可用攪新汲井水調勻服一碗甚效 或用黑芝麻炒取井水搗汁灌之即效

◎夏天道路受熱忽然昏倒

名中熱又名中喝切不可誤用冷水噴灌一受寒冷則不可救急用草紙捲成筒點火向口鼻間燻之即活其效如神 或用白凡末陰陽水調服一錢即醒

◎傷暑出丹

凡暑月身熱昏沉未明症候恐是出丹用生白扁豆水泡濕研汁一小杯調水一盞服之即愈

## ○傷暑

### ◎暑月喝死

急取地漿水一升飲之甚效 或以熱土圍臍傍令人小便臍中仍用熱土一大塊大蒜五六個搗爛去滓熱水調灌即活當以熱湯徐徐灌之少舉其頭令湯入腹即醒

### ◎太陽中暈

凡身熱頭痛而脈微細極此夏月傷冷水水行皮中所致 瓜蒂七個水一升煮至五合燉服取吐即愈

### ◎夾色傷暑

生鹽炒黃以青布包熨小腹鹽冷換之熨好爲度

### ◎陰暑

凡夏天走入陰冷屋中易受陰暑此症四肢厥冷指甲唇舌皆青昏迷不醒急用鷄蛋十個煮熟去壳以好銀簪插入蛋內乘熱置肚臍上以手轉蛋俟蛋與簪變黑則換之熨完如蛋黑再熨以蛋不轉色方愈

◎冬月中暑

一婦人冬月忽然惡寒發熱惡食乾嘔大便欲去不去諸醫皆悞作虛弱用滌痰二陳湯不效反甚後一醫輕按其脉細弱似虛及重按其脈伏而緊確係傷暑且屬陰暑衆人皆以爲不然豈冬月中暑之理乎問之病者云夏月有無晒皮棉各衣於病前兩日穿之否婦曰發熱之先一日取夏月所晒衣服穿着次日隨覺身熱醫曰誠哉傷暑也凡暑月晒衣乘熱收入箱中暑氣不散今因穿衣開箱潛受陰暑無怪脉伏而緊也幸此婦體氣素虛先服二陳湯一劑尙無大碍否則立斃矣卽用黃連香薷飲連服二貼全愈

○泄瀉論症

泄瀉之症因脾胃虛弱飢寒飲食過度或爲風寒暑濕所傷皆令泄瀉治須分利小便健脾燥濕爲主若瀉久多而不止者當用補住爲要若泄瀉不止手足寒脉虛脫煩燥發呃氣短目直視昏胃不識人者皆死症也至泄瀉初起不可就用補塞恐積氣未盡而成腹痛飽悶惡心煩燥發呃而死直待瀉去四五次方可用補住之法也泄瀉清濁不分者濕多成五瀉也寒泄者悠悠腹痛瀉無休止色青脈沉遲也火瀉者腹中痛一陣瀉一陣後去如湯後重如滯瀉下赤色小水短赤煩渴脉數也暑瀉者夏月暴瀉如水面垢脉虛煩渴自汗也濕瀉者瀉水多而腹不痛腹響雷鳴脉細



也風瀉者瀉而便帶清血脈浮弦也食積瀉者腹痛甚而瀉瀉後痛減脈弦也痰瀉者或多或少或瀉或不瀉脈沉滑也虛瀉者飲食入胃即瀉水穀不化脈微弱也脾瀉者食後到飽瀉去即寬脈細是也滑瀉者日夜無度腸胃虛寒不禁脈沉細也如因內傷勞倦飲食化運作瀉及脾胃素蘊濕熱但遇飲食勞倦即發而肢體酸軟沉困泄瀉者用補中益氣湯去當歸加芍藥茯苓蒼朮豬苓澤瀉薑黃煎服

如泄瀉誤服參芪等甘溫之藥能生濕熱故反助病邪久則濕熱甚而爲疽矣惟用苦寒瀉濕熱苦溫瀉寒則愈泄止後脾胃虛弱方可用參芪補之一腎虛久泄不止者用六味丸加五味子破故紙肉豆蔻吳茱萸若久瀉脾胃虛寒不禁者用六君子湯加炮薑若命門火衰而脾土虛寒者用八味丸治之若脾胃氣俱虛者用十全大補湯送四神丸也若大便秘利小便閉澀或肢體漸腫喘嗽唾痰爲脾胃氣俱虛也用十全大補湯送四神丸大抵久瀉多因泛用消食利水之劑損其真陰元氣不能自持遂成久泄若非補中益氣湯四神丸滋其本源後必胸痞腹脹小便淋瀝多致不起也

◎泄瀉三五年不愈

灸百會穴五七壯即愈

◎久泄不止

向天樞氣海穴燒之天樞穴在臍邊左右各二寸闊是氣海穴在臍下半寸闊是雖

泄久垂危不止亦效燒法用大蒜瓣切片安穴上用艾葉一小團如豆大在蒜上燒之或用燈草一根蘸油點燃燒之亦可總不如艾火之妙艾火每穴可燒三次燈火只燒一次 或用大蒜搗貼足心或貼臍中此千金方也

○老幼脾泄不止泄出食物完穀不化胃無火也是胃陽症  
柿餅燒紅放地上用碗蓋住若不蓋則成灰無性俟冷研末米湯調服一二錢即愈

### ○泄瀉

泄瀉之症甚多不外虛寒實熱傷食而已治不得法亦有性命之憂若一泄如注是爲水瀉泄後頭目昏花是爲虛瀉腹痛腸鳴一陣瀉是爲火瀉飲食過多忽然泄瀉是爲傷食每早瀉瀉一二次是爲脾虛藥一對症無論男婦老少藥到病除幸勿輕忽可也

#### ○寒泄不止（卽水瀉）

胡椒末和飯作餅貼臍上 或用糯米酒糟和鹽炒敷之 或用灶心土鬥灰醋和飯搗爛敷之 或用雞蛋一個燒酒四兩調勻合碗綿紙封口蒸熟食之

#### ○久患水瀉

米醋煮黃母雞所生鷄蛋二三枚食之

#### ○腹內虛冷水瀉

生胡椒（取不拆者四十粒）以米漿水浸一宿空心滾水吞下久服煖臍

◎熱瀉（即火瀉）

六一散水調服 或用綠豈湯溫服亦可

◎傷食泄瀉

凡飲食過多泄瀉用花粉一味搗爛裝入袋內洗出漿水晒乾每用白糖調服數錢加蜜少許服之兼治吐血症

凡夏月食瓜果太多而泄瀉者用 建桔餅一個細切薄片分二次沖滾水服之

○霍亂

上吐下瀉者是無論冬夏皆有又有吐而不瀉瀉而不吐者亦是又有吐瀉不出者名爲乾霍亂治不得法皆不可救凡遇此症切勿食粥飯並忌食薑藷一入口卽不可救卽愈後進食亦不可多慎之慎之 得吐瀉者名濕霍亂其病輕不得吐瀉者名乾霍亂其病危欲吐不吐欲瀉不瀉心腹脹痛煩悶欲死治不得法皆能殺人不可不知

◎霍亂欲瀉不瀉者

滾水一碗入炒食鹽一撮候湯冷飲之如不止將針刺少商穴十指頭出血立愈穴在大拇指頭指甲兩旁離指甲兩邊各半分便是

◎霍亂妙方

細看病人背上如有黑點用針一一挑破出血卽愈若遲一日卽不能救矣 或用炒鹽填臍眼內用艾絨放鹽上燒之以燒至止痛病醒爲度已死而心頭微溫者亦可救活也 或用生黃瓜一條絞汁一酒杯生薑汁一酒杯和勻灌下卽愈

◎不吐不瀉心腹脹痛煩悶欲絕者

檳榔五錢童便一盞水一盞同煎服 並將病人腿腕橫紋上蘸溫水拍打紫血脉紋見以針或磁片刺破出紫血立愈 或用生白礬一錢爲末開水服立效 或用新汲水飲一大碗仍以水一盤浸兩足立止忌食熱物 或用新藕汁服亦愈

◎腹痛兩腿轉筋方

以墨書木瓜二字於痛處仍令病人口呼木瓜隨聲而愈 或用木瓜煎湯服以湯浸青布裹足 或用大蒜頭搗爛敷兩足心立愈

凡轉痛筋不可忍者男子以手挽其陽物向上女子以手牽其乳向兩旁卽愈 又勉強站起直立少頃卽愈

◎霍亂中暑

嚼大蒜令爛冷水送下

◎反筋腹瀉

凡兩掣抽搐搦用婦女木梳煎水服效

◎霍亂乾嘔不止

用艾棉鋪臍上外用棉花作圈將食鹽炒熱以布包裹放臍上用大碗蓋定圈子勿令洩氣少頃熱氣入肚卽愈 凡暑月脹滿欲作霍亂欲吐不得者用 鮮紫蘇搗汁飲一盞甚效 或用薤子煎汁服之

◎乾霍亂煩脹欲死

好醋三升飲之

◎乾霍亂

白鹽(飛淨)四五錢調童便三飲三吐卽愈 或用馬屎研汁飲之

凡霍亂脹滿上不得吐下不得瀉名乾霍亂亦名絞腸痧用 小蒜一升水三升煮

一升燉服 或用乾黃土掘地三尺以新汲水投之攪濁澄清取水飲之連服三五

盞卽愈忌食米湯

凡腹痛出汗吐瀉不止危在頃刻者用 食鹽一兩生薑三錢切片同炒色變以水

一碗煎候冷服愈後不可飲食

## ○瘟疫論症

此症多發於春分之後夏至之前故曰瘟疫如有鬼癘之氣又曰癘疫以衆人所患相同又曰天行時疫其症與傷寒相似傳經表裏亦無不同惟時令已煖毒氣鬱蒸與傷寒微異發散宜用辛平等劑又有四時瘟疫治法大略相同也

### ◎瘟疫諸方

黃沙糖一杯生薑自然汁一杯白滾水一大杯和勻乘熱急服蓋被出汗卽愈四時瘟疫可治

### ◎大頭癘

此症頭面腫大咽喉閉塞急用蚯蚓十餘條以白糖拌入碗碟蓋好半日卽化爲水至遲一日必化用鴨毛蘸水搽之卽消百發百中之仙方也如無白糖之處用蚯蚓糞井水調敷亦可瀆戒殺生 或用燕子窩連坭帶糞搗融醋調敷之卽愈至燕子坭平日不妨收存以備急用

凡瘟疫初起頭痛肚熱脉大者用 小蒜一斤杵汁三合溫服再服一二次便愈或用生梓木削去黑皮取裏白者切片一升水二升半合煎取汁每服八合自愈

### ◎瘟疫

烏梅七個蜂蜜七錢水二碗煎服 或用稻草攏纏不拘多少用盛火器放於病人

床前不時燻之可愈且免傳染之患

◎蝦蟆瘟

凡天行時氣面色紅赤頭頂腫大是用 金線龜搗汁水燉熟空心服

◎瘟疫傷寒時症

凡飯後氣惱心口脹悶壅塞不舒者是用 好料酒不拘多少燉熟將布二塊蘸酒由胸前向下擦抹如布冷再換熱布擦抹數次滯氣下通即能大便而愈

◎時疫傷寒狂燥

用抱過鷄蛋壳不拘多少泡湯服之即睡 或吞生鷄蛋一二個即時清爽

◎疫症外治

凡聞病人汗氣入鼻透膈即散布經絡初覺頭痛即用 蒼朮良薑枯礬爲末每用一錢以葱白一大個搗勻塗手心男左女右將手掩肚臍上手須窩起勿使藥着臍眼又以一手兜住外腎前陰女子亦然即煎 菘菜水一碗服之半炷香久可以出汗無汗再飲菘菜水一碗汗出而愈 或用芥菜子研末溫水和勻填臍眼中隔布一二層上以壺盛熱水熨之汗出而愈 或刺少商穴血出即愈

◎辟疫丹

蒼朮一斤紅棗一斤共杵丸如彈子大每日燒一二丸甚效 或用大管仲一個浸水缸內加白礬少許不染時症 或用向東桃枝煎水常浴可解

藕

生薑汁一盞 生蜜一合和勻服之

○時氣煩悶

○辟瘟諸方

六月六日採馬齒莧晒乾收藏於元旦日煮熟鹽醋醃食一年可免時疫 或五更時投黑豆一大握於井中勿令人見凡飲水家俱無傳染若食河水之處各家於每日清晨投黑豆一撮於水缸內全家無恙凡人病家用香油調雄黃蒼朮末塗鼻既出用紙條刺鼻孔取噴嚏再飲雄黃酒一杯決無傳染 或用初起病人貼肉布衫置蒸籠內炷蒸一香久取起全家不染

### ○瘧疾論脉

夫瘧脉多弦弦而數者多熱弦而遲者多寒弦而有力者屬實弦而無力者屬虛弦而滑大者上焦有痰滯宜吐之弦而遲者宜溫之弦而數者宜清之弦而浮者宜和表弦而弱者真陰不足宜補下元弦而小者氣分虛弱宜補中益氣固本和解脉濡弱者屬脾虛宜四君子六君子調理脾胃瘧脉寒則遲伏熱則脉數不可以寒熱來時論之要在瘧未至時疹之爲準凡治瘧之要養正驅邪最爲要着富貴膏貧賤藜藿治各不同宜細心參究施以對證之方立見奇效如淺嘗輕視所誤匪輕慎之慎之

梁



## ○瘧疾論治

凡治瘧證必須俟寒熱分清方可作瘧治之如寒熱未分切不可認爲瘧治如認瘧治反多纏綿瘧之初病先由太陽經受風寒暑濕而起陽明經夾痰夾滯而發傳入少陽而住則成瘧矣自古治瘧必用柴胡以引少陽之邪外出借其和解瘧邪初病頭痛發燒口渴周身痛痠病在太陽陽明而未入少陽宜清暑破瘧飲一服病痊大便結者下之太陽邪解陽明滯清再無傳經不至成瘧也

凡瘧疾口渴切不可飲冷茶水並一切生冷之物犯之其疾更甚惟以薑湯乘熱飲之此良法也

凡瘧疾熱未全退不宜飲食必俟其熱退盡方可食之不然必成痞積也近治瘧疾以倪涵初所訂三方確有奇效不可不知（方載驗方新編各醫書茲不再錄）

### ◎截瘧奇方

用草從左手中指頂尖處量至中指根處爲止捏斷卽用此草從指根量至掌再從掌量至腕爲度用墨點記以核桃半個盛獨蒜研爛敷於墨點處以棉紮上一時辰久卽去之 或用胡椒硫黃各三厘研末摻膏藥上貼背脊骨正對臍眼處卽愈

### ◎又方

甲乙日次良冷馮有正 丙丁日季天保馮有正 戊己日孟有春馮有正

庚辛日壬牙生馮有正 壬癸日馮有正

須記眞初起發冷日子如(甲乙)日初起發冷則寫(甲乙)日神將名字如(丙丁)

日初起發冷則寫(丙丁)日神將名字餘皆倣此至日子須查的眞勿錯爲要

右神將名字於未發冷之先一時令病人面向東方以新筆用墨寫於病人背脊第三節骨起直寫神將名字寫完穿回衣服是日卽止該字聽其自落幸勿擦去但寫字時勿令人見屢試屢驗 或用棉花樹葉(男八塊女七塊)取男雙女單之意用米一勺同葉播爛以黃糖一文共煮米糊於未冷之先一時服之立止 或用薑汁(一酒杯 胡椒末一文)用糯米粉糞糊攤膏藥上預早一時貼病人背脊三節骨內如見熱不可撤去聽其自落不效再貼 或用生薑一塊搗爛入淨鍋焙成餅如杯底大厚二分許取置桌上略退火氣貼風門穴外用大膏藥一張蓋上四圍以手緊貼不可洩氣中間薑餅處切勿按動如薑散碎有冷水流出卽不見效風門穴在頸後第二節骨與第三節骨交縫處臨發日黎明貼之膏藥勿揭聽其自落但發瘧至三五次方可用之 或用立秋日五更取井花水長幼各飲一杯可免一切病症

◎祝由科治瘧咒

咒曰 吾從東方來 路逢一池水 水裏一條龍 九頭十八尾 問伊食甚的

只吃瘧疾鬼 面向東念咒一遍吹氣一口在菓子或糕飯上連念七遍吹氣七口寫一龍字於菓餅上令病人臨發瘧日於五更時面東而立食訖於靜室中安睡

須要鷄犬不聞忌食葷腥熱物此法十治九愈無藥處可以救人功德無量

又方 陰歷五月五日午時取桃仁一個劈開二片一片寫日字一片寫月字又用  
葷麻子一粒同研末爲丸硃砂雄黃爲衣合藥念咒 咒曰 道法不須多 南辰  
共北河 都來兩個字 降盡世間魔 念完將磁瓶收好每發瘧時取一丸男握  
左手女握右手過時卽愈 或用龜板一片炙焦酒煎瘧發早二時溫服卽愈

◎久瘧人虛

鷄蛋二個入白糖一兩打勻蒸食

◎久瘧脾寒

白朮土炒爲末每服二錢酒調服十劑除根

◎隔日瘧

密陀僧六分研末白糖五錢未發時早一刻熱酒調服小兒用三分之一

◎三陰瘧(午時後發者是)

胡椒三錢研末白糖少許和勻先一夜置臍眼內紮緊次日去之

凡人有素患瘧疾者每年初中末三伏之日用生薑一斤敲碎煎湯滾透先燻後浴  
以薑擦膝頭手腕小腿腳底心至水冷爲止此永斷瘧疾之法也

◎瘧後怪症

凡久瘧口鼻中氣出盤旋不散凝如墨蓋十日漸至肩與肉相連堅如金石不思飲

食用 澤瀉煎汁日飲三次五日見效

### ○內經錦囊痢疾原論

痢者古名滯下內經謂之腸澀潔古云壯盛之人無積虛人則有之可見積由虛召皆因脾胃既虛飲食不節七情不適腸胃拂鬱氣血壅滯釀成膿血而爲滯下也然卒成有五積滯有七有因飲食不調脾胃驟傷者有因受暑濕而發者有因風寒相感而發者有因吐瀉失調而成者有因誤食毒冷物與驚恐相成而得者此爲乍成五證其七證者有因食積日久而成者有因氣虛夾寒而成者有因脾氣久傷不能統血而下血者有因濕熱傷脾而成者有因陽氣下陷積成脾敗而成者有因膏粱燔炙太過燥熱蘊積者有因疫氣時行穢毒相感者凡傷氣則白傷血則赤氣血俱傷赤白並出黃是傷食綠是傷濕然總因濕熱寒暑積滯而成者其虛實各有不同以痢之數有八曰冷曰熱曰疝曰驚曰寒熱不調曰休息曰瀉痢曰蠱毒其冷痢色白熱痢色赤疝痢黃白下無時度驚痢色青冷熱不調之痢赤白之色相兼休息痢糞黑而如魚腸愈而復作瀉痢肚大停積而又下飲食不爲肌膚氣臭而大便閉塞蠱毒痢下黑色其治之法必審挾寒挾熱或虛或實實熱者卽可用實治寒者當同虛論也至如痢久發熱者陰虛也肛門痛甚者濕熱流於下也禁口痢者因胃口熱甚或疫氣穢毒積於臟腑熱毒上衝則成禁口痢矣治宜清心解毒徹熱下行如後

重之症由肺氣鬱於大腸宜升提清氣降其濁熱血虛者補血養陰皆兼潤下而痢  
自止經云養血和血而痢自愈調氣理氣後重自除衰老幼弱元氣虛者必須如此  
治法如強壯食積重而痢盛者初痢時必須下之不可遲也過五日之後則脾胃漸  
虛常用消導升提行氣和血病久瑛虛者當滋補氣血收澀固脫後重者仍宜下之  
腹痛者宜利身重者除濕脉弦者兼散去風膿血稠粘者痢以重劑竭之驚瀉爲痢  
者宜溫之在外者散之在裏者下之在上未成積者吐之在下已成痢者通之表熱  
者內疏之小便澀者分利之盛者和之去者送之至者止之此治痢之格言也

## ○痢症論

夫痢無壞症卽有壞症必臟腑久已受傷一病卽禁口不食痢如腐爛魚腸屋漏此  
不治之症也如初病久病能食飲者再無一壞也嘗攷諸名家著述議論精微無處  
不到其理無出其外矣每閱治痢諸方輿論大相懸遠有曰不可用苦寒而方中又  
用黃連黃柏黃芩有曰不可用辛熱而方中偏用丁香肉桂巴豆乾薑附子等藥且  
又註明此丸能治諸痢卽此一言未分虛實直誤至今近日醫書並未備只知此  
方能治諸痢不問寒熱概而用之如寒痢服熱藥者賴以見功胃積痢熱者服之卽  
成禁口如用苦寒者熱痢服之湊效冷痢服之寒戰腹痛手指青黑及至無救尙在  
不知徒空發嘆又有好善者見方能治諸痢便合藥施送救人其中所誤者亦不少

也凡痢瘧二症初病皆屬陽明胃與大腸積滯濕熱外受暑氣而成痢瘧要明表裏虛實不可執一偏之見痢有初起惡寒發燒頗象瘧症而又腹痛下痢人見瘧痢並行皆稱重候不知內停積滯外感風寒半表半裏之症治宜兩解如專一治之則多纏綿夫痢腹必痛有寒痛火痛虛痛實痛之分寒痛者唇白面青手足發冷痢下色白脾氣虛弱體氣不壯之人積滯腸胃虛中夾實此爲寒痢腹痛也火痛者面赤唇紅手足熱痢下紅色體壯強盛之人因食煎炒厚物不禁生冷停積腸胃實火實熱此火痢腹痛也紅白相間之痢腹痛者因寒火之積相混凝結於腸胃而成此痢有虛有實宜斟酌調治其虛痛者氣弱怕冷痢時手按腹則快無論紅白色宜補血調氣也實痛者內外刀刮手按之亦痛後重下墜小便結赤肛門腫熱下痢赤而稠粘此爲實痛當歸承氣湯加廣木香下之卽鬆如紅多加酒炒川連更妙而痢有腹不痛者此非痢也由肝木之尅脾肚也脾虛受肝之制此爲濕痢不可作痢治宜和肝理脾分利小便氣虛體弱者補氣溫中體有熱者清中調氣年高衰老之人脾腎皆虛之體如下痢不痛者必須溫補眞陽急固滑脫不可執定痢無止法大小緩急全有見機而作也

痢疾初起一二日元氣壯實者先用立白散虛弱者用芍藥湯疎通積滯三四日以後元氣漸弱調和飲食加減治之如不止服參歸芍藥湯調理脾胃補益元氣久之自愈愈後方可服人參養臟湯加減治之切之可驟用粟壳等藥止塞太早恐積氣

未盡便成休息痢又恐毒攻胸腹飽悶作痛惡心嘔噦發呃難治也

先水瀉後膿血者是腎傳脾難愈先膿血後水瀉者是脾傳腎易愈又有痢下鮮血如糜腐色如屋漏水者大便如竹筒者嘔噦發呃煩燥身熱者俱難治也如魚腦髓身熱脈數大此半生半死也

大抵治痢疾一二日元氣未虛治宜疏通積滯此通用之法三四日後不可疏通恐元氣虛也當清熱解毒調養脾胃爲主經云行血則便膿自愈調氣則後重自除若大腸積滯塞實而後重法當疏導之若大腸氣下陷而後重法當升補之合前後論說參觀用藥則治痢之道思過半矣

## ○痢症論脈

黃帝問岐伯曰腸澼便血何如岐伯曰身熱脈急者死身涼脈緩者生又曰下白沫何如岐伯曰脈沉者生脈浮者死又曰下膿血者何如（即紅白痢）岐伯曰脈懸絕者死（即脈空也）脈滑大者生又曰腸澼（即痢也）之屬身不熱脈不懸絕者何如岐伯曰滑大者生懸澹者死夫痢脈多滑按之虛絕尺微無陰澹則少血沉細者生洪弦者死此言臟腑之死生也

痢症有九不治一脈洪大不食者不治二飲食並藥不過隔者不治三肛門如竹筒者不治四痢如魚腸屋漏不食者不治五食物完穀不化者不治六氣虛下陷不固

者不治七面目俱赤直視不食者不治八脉散亂無神不食者不治九呃送不食者不治以上不治之症本原內傷者不過二三誤治者八九如陰虛下痢當養血清之脾虛氣弱當理調氣則無錯治今人治痢不審虛實概以蒼朮爲主專認痢皆濕不知陰虛痢用熱藥一燥其陰更傷毒熱盡著於胃禁口由此而成矣再因痢之不用藥收澀愈澀愈痢勢難收拾也不知痢者利也通因通用也變通也如人實證實用當歸大承氣通之如人虛證實先固其本爲主再加通利之藥則無變症之憂凡痢全在入手初治不錯總無壞症所有不治者皆因誤治之過也

痢疾最忌黃連服則傷胃難治然倪涵初先生治痢之方均用此味似不相宜胃弱者宜斟酌用之

◎四時暴患瀉痢

四肢臍腹俱冷者 煎百沸湯令患者坐深湯中浸至膝上爲度生陽之藥無速於此

◎噤口痢(飲食不進)

五穀虫七個焙乾爲末米湯灌下卽愈將死可救 或用大附子一個(陳者不用)切片貼無根火上俟熱貼病人臍上冷卽取之立愈(取無根火法以石灰一團冷水淋下卽有熱氣可用)或用煨石膏 黃蜂蜜 薑汁各一匙白滾湯下神效 或用凡男婦飲湯不下者用烏梅一斤敲碎置盤中用水十餘碗煎滾令病人坐盤



上待熱氣燻入肛門候水溫卽洗其人如睡去卽扶上床煎粥湯候之如思飲食卽與粥水半碗少頃再進稀粥半碗不宜多食爲要 或用糯穀一升炒出白花去壳薑汁拌濕再炒爲末每服一匙湯下三服卽止 或用鐵秤錘(或磚石亦可)燒紅放瓦缸內好醋淬入令病人聞之一日數次極效

◎治痢神方(禁口利更合)

用蘿蔔菜陰乾(宜冬至前預先收之)愈陳愈好每遇痢症卽用一兩煎水服之紅痢加紅糖五錢白痢加煨老薑三錢全煎四五服便止眞神方也鄉間無藥宜多收濟人功德無量

◎又方

乾荷葉一把去筋研幼末篩過紅痢用紅糖白痢用白糖煎水沖服 或用生藕節搗爛滾酒沖服

◎又方(虛人勿用)

金銀花蕊五錢炒粘研末不論紅白痢開水調白糖空心服服後其痢更甚兩日全愈奇效無比小兒每歲服一分 或用木耳一兩紅痢用紅糖炒白痢用白糖炒紅白痢用紅白糖炒煎水服極效

◎鐵甲散

蜆螂(卽推糞虫又名屎壳郎四兩炙脆) 山查四兩(存性) 炒檳榔二兩廣木香

一兩(煨)右藥如法泡製共研極細末磁瓶收貯勿令涉氣大人每服二錢小兒五分紅痢用川連三分煎水冲服白痢用紅糖五錢老薑二錢煎水冲服

◎紅痢不止

乾薑(炒黑存性)候冷爲末每服一錢米湯開服

◎久痢不止

麻油煎鹹魚食數次甚效此方奇驗莫測其理

◎又方(休息禁口均治)

陳火腿骨煨炭研末八錢紅沙糖八錢陳茶三錢烏梅五個煎湯調火腿末服 或用火腿骨煎湯緩緩服之極效

◎禁口痢(又名閉口痢不思飲食者是)

用金色鯉魚煎醋食並用生葱頭煎粥食之 或多食禾虫便愈

○急救論

凡自刎自縊凍死溺死及服毒等症事關人命人多畏懼不救不知律書未載洗冤錄一卷及他書方藥原示人救治之法今悉載入以便檢閱有定識者依此方出力救之功莫大焉善莫名焉

◎救緘死法

凡自縊從早至夜雖僵定猶可救從夜至早稍難若心口溫者一日以上亦可救治先預備六人不可割斷繩索緩緩抱解將屍安放平坦處頭要扶正先將手足慢慢彎曲然後將大小便用棉軟物塞緊不令涉氣急將所吊繩索用大碗裝好即用火蒸之其活更快令人踏其兩肩以手緊提其髮不可使頭垂下一人微微撚整喉嚨一人擦按心胸又輕輕摩其肚腹一人摩擦手足緩緩彎動若已硬直但漸漸強彎屈之又用腳裹衣緊抵糞門陰戶不使洩氣以兩人用竹管吹其兩耳不可住口或用鷄公血滴鼻中男左女右男用雄鷄女用雌雞如此一飯之久卽有氣從口出不可鬆手少刻以淡薑湯或清粥與食令潤咽喉漸漸能動乃止依此救法多吹多摸無不活者勿謂已冷忽累不救也 或炒生鹽二大包從頸喉熨至臍下冷則隨換不可住手其痰盡下並用人對口以氣灌之其活更快 或用跌打回生丹灌之立活真仙方也

### ◎凍死

冬月凍死之人雖人事不知但胸前有微溫皆可救倘或微笑必急掩其口鼻如不掩則笑不止不可救矣切不可驟令近火但一見火必大笑而死或用毡及草薦捲之繩索繫定放在平穩處令二人相對踏令滾轉往來如扞毡法候口肢溫卽活

### ◎睡斃死

原有燈即存燈無燈切不可用燈照並不得近前急喚但痛咬其足跟及大拇指

頻呼其名以口水唾其面再灌薑湯必活 或用竹管吹其兩耳以皂角末如豆大許吹兩鼻得噴嚏則氣通三四日者尚可救活

◎五絕（一自縊二牆壁木石壓三溺水四魔魅五生產）

半夏一兩研末冷水爲丸如豆大納鼻孔中即愈心頭溫者雖經一日亦可救活

◎溺水死

即令人撈起急將口撬開橫竹筋一隻使可出水以竹管吹其兩耳研生半夏末如豆大吹入鼻孔以皂角末置管中吹入穀道如在夏月將溺人肚腹覆牛背上兩便使人扶住牽牛緩緩行走腹中之水自然從口中並大小便流出再用生薑湯調蘇合丸灌下或生薑汁灌之並用生薑擦牙若無牛則用大鑊覆寬凳上將溺人肚臍覆對鑊底兩人抬凳搖動亦可出水如在冬月急將濕衣更換一面炒鹽用布包熨臍一面厚鋪被褥取灶內初熄草灰多鋪於被褥上將溺人覆臥於上以棉枕一個墊臍下再以草灰渾身厚蓋之灰上再加被褥不可使灰迷於眼內再以蘇合丸和薑湯灌耳鼻穀道等處醒後冬月宜少飲熱酒夏天宜少飲粥湯按灰性煖而能拔水氣凡蒼蠅溺水死者以灰埋之少頃即活此明驗也 或用通關散頻吹鼻內有嚏可生 或用陳壁坭先打一堵置地上以溺人仰臥其上更以壁土覆之止露口眼自然水氣喻入坭間其人遂醒雖身僵氣絕用此法亦可救治或以酒罈一個燒紙片一把放罈內急以罈口覆臍上冷即再燒紙片入罈覆臍去水即活出洗冤錄

◎熱死

初禁冷水近身用草繩一條盤臍以三四人溺尿臍中不然以熱水澆臍亦可醒後亦不可飲涼水

◎猝中邪魔

此症在道路門外得之爲多令人心腹絞痛脹滿氣冲心胸不治即死方用 烏墨水二錢冲服 或用菖蒲搗汁含之立止 或用雄黃末吹鼻立愈

◎忽然胡言亂語昏迷跌倒

此症不省人事切勿挪動動則難治急用大爆竹（即炮燄）放頭脚兩處頭頂邊一個足下一個一齊點放其人自醒無恙大小皆治屢試如神

◎夢魔

臥時以鞋一仰一覆或以紅毡紅布之類爲枕即安

◎暴厥死

此症或客忤猝死或先病及睡臥猝然而絕或猝然撲地及一切痰壅手足搐扯皆是急將病人扶入煖室扶住正坐用火炭沃醋使醋氣冲入鼻中良久自醒 或搗韭菜汁灌鼻如倉猝無藥即於人中穴及兩足大拇趾離甲一韭菜葉許各用艾火炙三五次即活 或用韭菜心黃男左女右向鼻內刺入六七寸令目閉血出即活 此症切忌以湯水灌之湯水入喉則痰繫心絡致生他疾 或視上唇內沿有如粟

米粒形者以銀針挑破取出血卽活 或令人以尿淋其面卽醒此扁鵲神方也

◎中惡猝死

或吐瀉不止不知何症無論老幼男婦用馬糞一丸絞汁灌之乾者水糞汁亦可此扁鵲方也

◎驚死

以醋酒一二盃溫灌之卽醒

◎烟燻欲死(煤毒可解)

白蘿蔔汁灌之無卽用乾葉煎汁亦可

◎自刎斷喉

須速救治遲則額冷氣絕乘初刎氣未絕身未冷時將頭墊曲合籠刀口拭去血急用大雄鷄一隻去毛生剝其皮乘熱包貼患處安穩枕臥自然漸醒善爲調理自愈

○跌打損傷

◎損傷青腫

生豆腐切片貼之 如青腫不散以葱白搗爛炒熱敷傷處冷再易之 或用爛席草蒲扇燒灰調酒服童便引 又方

凡一切跌打損傷遍身青腫瘀停作痛及墮仆內傷一服卽愈 白木耳四兩黑者

可用焙爲細末每服一兩用麻油三匙和好酒調服日服三次藥完痊愈百發百中

◎跌打損傷

取淨土蒸熟以布裹更換熨之勿太熱恐破血

◎損傷諸方

白糖飲 凡跌打損傷如已氣絕牙關緊閉者先用半夏在兩腮邊擦之牙關自開  
急用熱酒沖白糖二三兩灌入如不飲酒以水調服亦可愈多愈妙無論受傷輕重  
服之可免瘀血攻心至穩至靈不可輕忽如氣絕不省人事急用 生半夏研末水  
調黃豆大塞鼻孔立能蘇醒男左女右醒後鼻痛用老薑汁擦過即不痛也

◎刀斧傷

舊毡帽燒灰研末去火毒(放地上一二時)敷之立刻止血定痛收口神效

◎跌打刀傷流血不止

葱白一大把搗爛炒透和蜜糖(沙糖亦可)俟微熱敷之即止冷即再換神效 此  
方止血定痛且無癢痕再用白蠟二三錢刀刮爲末酒調服更妙

◎接骨仙方

墮骨皮四兩生鷄仔一隻搗爛加水酒三四壺放瓦鍋內煎數滾盡量飲之渣敷患  
處一週時即愈

◎槍彈入肉

毒世良方

跌打

南瓜煮熟乘熱敷之其槍彈即出 或用水銀向傷口擦之即出此軍營妙方也

◎咬落舌尖

鮮白蛤在粗碗底上連內壳用水磨汁敷患處舌即長出如舊便能言語

◎破口傷方

龍眼核剝去光皮不用將核研細摻傷口即定痛止血 此方大有功效如口渴者不可飲水但食油膩之物以解其渴更忌食粥食則血必湧出而死 或用老薑嚼融敷之數日平復如常此方屢驗惟敷時痛極忍耐片時可矣

◎止血法

瘦猪肉切厚片貼上無論傷口大小血流不止者立效如神 或用猪皮亦可此止血救急第一方也 或用草帚燒灰候冷敷上亦可 或用老薑燒枯存性研末敷之 或用柿餅搗爛塗之血止傷口自合 或用葱白一大把搗爛和蜜糖或沙糖煮熟候溫煖貼上冷即再換 此方止血定痛且無癍痕之患

◎手指砍斷

將指接上用蘇木細末敷之外用蠶繭包縛牢固數日即愈 或用老薑嚼融敷之舊棉包裹簡便神效不可以平淡而忽之

◎損傷碎骨在內作膿

田螺搗爛加酒糟和勻敷四圍中留一孔其骨自出



◎跌打損傷胸膈脹痛不食

白沙糖用酒調服水服亦可以多爲妙

◎騎馬傷股破爛

鳳凰衣(即抱過鷄蛋壳)新瓦上焙枯研末磨油調搽

◎接骨法

杉木炭研極細末用白沙糖蒸極融化將炭末和勻攤帛上乘熱貼之無論破骨傷筋斷指折足數日可愈屢試屢驗不可輕視忌食生冷發物無杉木炭用杉木燒枯亦可凡骨斷痛極者先用鳳仙花根一寸(以肥大者爲佳)磨酒服之操動則不知痛苦然後可用藥醫治 或取路傍墻腳來往人小便處日久碎瓦片洗淨燒紅淬入好醋內再燒再淬連製五次刀刮爲細末每服三錢好酒下雖骨節斷痛不可忍者亦極神效 或用銅末研幼酒服之遂愈此古方也屢試屢驗真不可思議 或用尿桶或尿坑年久青磚一塊火煨七次爲末古錢一枚火煉七次醋浸七次爲末每古錢末一錢和磚末五分調黃酒服三分立效如多服一厘長骨一枝最要秤準

◎跌打傷筋

用韭菜搗爛敷過一夜即愈 或照上碎瓦方治之亦效

◎跌打損傷愈後行動不便

壽世良方

跌打

罐盛小便火上燒熱時時燻之燻至數次即愈 有人手骨跌斷愈後手足直硬照方燻數次即愈切勿輕視

◎夾棍傷樑傷

皂礬二兩水四五碗瓦鍋內熬滾將手燻洗良久即活血止痛不致潰爛熬水忌銅鐵器其洗手水過夜即臭惡不可聞矣 或用青松毛同陳酒糟搗爛敷患處 或用生枝子末白麵水調敷之

◎損傷日久不愈

冬瓠仁炒研末酒調服

◎頭面跌傷

生半夏末芙蓉葉共搗爛酒蜜調敷

◎眼睛跌出

活猪身上封肉割一小塊趁熱貼上少頃納入

◎打傷眼睛

生猪肉一片以當歸赤石脂二味研末摻肉上貼之拔出瘀血眼即無恙

◎面目青腫

生半夏末水調敷一夜即消

◎腫痛

牛膝放入口中嚼爛敷患處二三自消

○損傷出血急救方

凡金石木器傷及驢馬傷均治用 生半夏松香或煮或壓去油研末敷之即封口止痛

○閃跌手足

生薑葱白搗融和灰麵炒熱敷之或用生大黃和生薑汁磨敷

○脚趾割破久不收口

鷄脚骨燒枯研末敷之甚效

○墜車落馬筋骨作痛

元●索末好酒服二錢日服二次即愈

○車碾及墜馬傷

服熱小便一碗立愈

○騎馬兩股打傷

鷄蛋青攤作膏貼之自愈

○跌壓傷死

凡跌壓傷重之人口耳出血昏暈不醒如面有生氣身體尙軟皆可救治切忌人多嘈雜祇令親人呼而扶之坐地緊抱曲其手足如和尚打坐樣隨以熟童便灌之馬

尿更妙 或用白糖沖熱酒灌之(用水調灌亦可)尤妙但能灌得一二杯下喉便好然後輕移於懷抱入內室如前坐法更以足緊抵囊門若婦女連陰戶一並頂住免氣下洩不能救治並將窗門遮住以戶中黑暗爲佳一面查簡便各方兼用之傷重者瘀血必多用白糖飲最妙切不可令出大便恐其氣脫而死必俟其腹中動而有聲上下往來數週急不能待方可使解所下盡是紫血毒已解下方可另睡倘瘀血未盡宜多服白糖飲 若急切無藥即飲以熱小便免惡血攻心再取地上三尺下黃土數升搗碎蒸熱舊布重包輪流熨傷處數次痛止傷消但不可大熱恐傷皮肉也

◎內傷久發

凡跌撲損傷胸脇腰肋等處並肩挑負重失足蹬筋初時不覺久至經年累月忽然疼痛浮面按之不痛擊重方覺或咳嗽吸氣牽掣引痛此內傷氣逆血滯日久恐患癱毒方用

生大黃一兩(祇可烘勿火焙炒)老薑二兩搗爛和滾水一杯絞汁隔湯燉溫調大黃末如膏塗於痛處不必留頭蓋以粗紙外用棉繫之一日一換三日即愈如傷三五年者亦效此良方也功效難言

◎墜樓墜馬損傷手足

真麻油一杯酒一壺盡量飲醉即睡蓋厚被出汗睡醒筋骨自合痛亦自止冬月用

火烘熱被蓋之有汗爲妙

◎墜樓墜馬傷

取淨土和醋蒸熱布包熨之痛止 若瘀血沖心欲死卽抉開其口以熱小便灌之

◎墜撲損傷瘀血在內作悶

蒲黃研末空心溫酒服三錢卽散

◎重物壓傷

凡手足肩背被重物打傷或青腫紫赤血痕疼痛用 蘇木煎汁磨真降香塗之不可落水連塗數日其腫自消 或用虎胆草搗爛搽之卽愈

◎杖傷

急飲童便一碗外用熱豆腐鋪在傷處其氣如蒸豆腐漸成紫色再換豆腐鋪之見紫散盡轉淡紅色爲度 或用木耳四兩淨砂鍋炒焦存性(忌鐵器)爲末每服五錢好酒調下服後坐片時候藥力行至傷處從肉裏往外透如針刺癢甚不時流血水卽其效也 凡臨杖預服四五錢則減痛無重傷之患 或用黃蠟香油同熬敷之

◎閃挫腰痛

神龜一塊燒紅淬酒二碗飲之立愈 或葡萄乾一兩好酒煎服重者兩三服卽愈

◎腰閃作痛及一切手足損傷內現紫血

先以葱白搗爛炒熟將痛處擦遍隨以大黃研末生薑汁調敷盡量飲以好酒一二年不愈者皆效 或用玉不留行炒研末好酒燉熨並調服

◎跌閃腫痛

生薑葱白同搗爛和麴酒調熱貼之 如熱貼而痛者用枝子搗爛和麴炒熱貼之

◎跌撲欲死面青頭縮

宮粉一錢和水服之

◎撲跌欲死

凡從高墜下木石傾壓落馬墜車以致瘀血凝滯氣絕欲死倉猝無藥急以熱小便灌之免至惡血攻心再用乾淨黃土五升搗碎將舊淨布蒸熱重包黃土熨傷處數次痛止傷消不可太熱恐傷皮肉慎之

◎從高墜死

總宜扶坐不可使臥恐瘀血冲心先用淡豆豉一盃煎水去渣服之如氣欲絕以熱小便灌之

◎跌打骨斷

螃蟹半斤搗爛滾酒調服真仙方也 或用五加皮四兩小雄雞一隻（去毛不去血不沾水）連骨同搗極爛敷斷處骨則嚮聽至不嚮即將藥刮去遲則多生骨矣

◎跌打刀傷血流不止

多用葱白搗爛和蜜（沙糖亦可）乘大溫熱撲上冷則再換此方止血定痛且無癢痕 又用白蠟二三錢刀刮爲末水調服

◎碼子入肉

青蛙二隻（俗名青拐）白鵝屎二兩頭髮（一兩煨）女人舊木梳（一個或半個先研末）塘扁魚胸（一條）和蜜搗爛敷之則鉛碼自出矣 或川蜂蜜八兩煎滾和好酒一斤盡量熱服取汁安臥次日碼子自出

◎閃挫腰痛不能屈伸

橙子核炒乾爲末以鹽酒空心調服立愈

○人物傷

◎人咬傷

人被咬傷其牙最毒若有牙黃入肉則痛不可忍咬手指者指與掌俱漸爛落年久難愈重則喪命無論日久初起雖至腫爛總宜用童便洗之或用淘米水洗亦可洗時雖痛至不醒人事亦須忍住若護痛洗之不淨難愈若初咬傷急以人尿浸洗一二時去清牙積再用 荔枝核焙研幼末摻之外用荔枝肉蓋貼雖落水亦不爛屢試如神 或用柿餅一個淨口嚼爛盛碗內蒸熱敷之二日乃愈 或用鱉甲龜板炙酥麻油調敷甚效 或用熱水洗去瘀血嚼生白菓塗之如痛用 芝蔴油紙燃烟燻

之即愈 或用糖鷄糞塗之止痛不作膿 或川人中黃煎湯時洗較諸治法尤覺神妙不可嫌穢自誤 或用尿洗淨後用 甘草嚼融厚敷乾則隨換日夜不斷三日必愈屢試屢驗並治各物咬傷

◎癩犬咬

此症最怕七日一發發時天本無風病者但覺風大入帳蒙頭躲避此非吉兆過三七之日無此畏風情形方爲可治被咬時先看頭頂如有紅髮二三根趕緊拔去隨於無風處以冷茶洗淨污血用杏仁搗爛敷之內服韭菜汁一碗隔七日再服一碗四十九日共服七碗傷口上再用煮熟鷄蛋白蓋上用艾絨在上燒數十次百日內忌鹽醋一年內忌猪肉魚腥酒色終身忌食狗肉蠶蛹紅豆方得保全否則十有九死此葛仙肘後方也 或用地骨皮(即枸杞根皮)搗爛熬酒服一二日當茶飲永無後患 或用萬年青連根搗爛絞汁灌之腹內如有小犬變成血塊由大便而出不論久近皆治一切不忌真仙方也

◎家犬咬傷

凡被犬傷必先吮盡惡血再用小便洗淨然後用藥方效 或用長流水洗淨血用口吮之嚼白菓塗之 或用木一截向傷處指定以火在木尾燒之間其痛否痛則多燒數次不痛乃愈犬本屬土取木能尅土之意也 或用甘草煎水洗淨毒氣以熱牛糞敷之即時止痛 或用甜杏仁(去皮尖)嚼爛敷之 或用陳年肉店磁頭



刮取肉屑再取尿坑內久浸磚石共搗極爛敷咬處結痂不爛晨敷夕愈立效

◎避犬咬法

凡行路途遇惡犬即以左手大拇指揜實上吹氣一口輪至戌上指之犬即退伏

◎猪咬傷

用熟松香貼傷處數日愈 或用屋霽中坭塗之

◎馬咬傷

凡受毒入心則危急用馬齒莧一握煎湯日日服外用栗子嚼敷患處 或用鷄冠血滴三五滴入傷口內牝馬用雌雞牡馬用雄雞

◎馬咬及踏傷

不論人屎馬屎鼠屎燒灰猪油調塗內服蘇木湯一碗即止痛 或服童便韭菜汁亦妙

◎虎咬傷

急飲香麻油一碗解之並以油洗瘡口令淨再取葛根煮汁日夜飲五六次仍以葛根汁洗之其渣研末敷之不致毒入腹內 或用韭菜汁飲之以渣塗之

◎蛇咬傷

凡遇毒蛇咬傷惡毒攻心半日必死急取竹木桿筒內烟油用冷水洗出飲一二碗受毒重者其味必甜而不辣以多飲爲佳傷口痛甚者內有蛇牙多用烟油揉擦必

出此爲蛇咬第一方不可疑而自悞 或用兩刀在水內相磨取水飲之雖痛苦欲死者可救幸勿輕視 或用燒酒淋洗去毒用人糞厚敷卽消

◎拔蛇牙

凡蛇咬必有一牙脫在傷處以致腫爛用 燈草燒灰敷之卽出

◎蛇咬解心毒

男孩胎髮燒灰存性調水酒服之卽解

◎蛇纏人足

熱小便淋之卽解

◎蛇入人口

凡暑天臥地乘涼有蛇入口不能出者用刀破蛇尾生椒二粒裹之湏臾退出

◎射工傷人(樹上雜毛虫)

凡人觸着此虫則能放毛射人初痒後痛久則外痒內痛骨肉皆爛宜用豆豉清油搗敷之少時毛出則見去豆豉用白芷煎水洗之如肉已爛用 海螵蛸末搽之效

◎蛇咬妙藥

細辛 白芷 前胡 廣木香(各二錢)共研末用磁瓶封固凡遇蛇咬將藥末調酒服或在路上卽沖水服一料卽愈

◎又草藥方

刺入瘰癧兩刀。雙眼龍(各二錢)磨酒服之。

◎蜘蛛咬毒(遍身生瘡痒痛難忍)

薑汁調胡粉敷瘡口。或用清油搽之。再飲羊乳屢試屢驗。

◎蝎螫咬傷

雄者傷人痛在一處雌者傷人痛牽遍體用井底泥敷之乾則再換。或用新汲水以青布隨痛處搽之乾則再換亦效。或痛牽遍體用屋上瓦溝泥調水敷之。或用木碗蓋於痛處過半日即愈神效之至。或用百草霜調水敷之。或畫十字在地土上取土煎水服少許亦可。

◎蜂螫傷

蚯蚓糞井水調敷其痛立止。或用芋梗搗爛敷之極效。或用蜂房爲末豬油調敷。

◎蜈蚣百足咬傷

帚吹一條約長五寸以火點之看無火一邊有烟出即將有烟處對合傷口其毒氣隨火烟而出即刻止痛俟燒八成將帚吹攤開其牙即在昏內矣或取指甲磨水飲之毒不攻心又搽傷口四圍其毒水流即便愈。或取大蜘蛛一隻放傷口處自然吸盡毒氣俟蜘蛛落地即放入水內以救蜘蛛爲妙。或用頭垢塗之。或用鷄糞敷之。或用黃戎核嚼爛敷之能消腫去毒止痛。

◎壁虎咬傷

柿漆水塗之

◎蚯蚓咬傷

先以尿洗之再用鴨口涎搽之 或用石灰水浸之

◎中蚯蚓毒

形如大麻瘋眉髮皆落每夕聞身中有聲如蚯蚓鳴卽是多用白鹽煎湯浸洗數次即愈

◎壁鏡毒

凡鏡久懸壁上無人對照日久亦能殺人用白礬塗之良

◎諸惡虫傷

蛇蛻煮湯洗二三次以膩粉生薑汁調敷

◎貓咬傷

薄荷嚼汁塗之 或用薄荷水洗之 或用陳高頭搗敷之

◎鼠咬傷

貓毛燒灰入射香少許香油調敷 或用貓口水搽之

◎有胎老鼠咬傷

白痴頭婆葉搥汁燒酒調服渣敷患處自愈

◎犬咬傷

野花椒葉口嚼爛敷之

◎蛇咬神方

狗牙花二層皮搥爛溫酒調服立效

◎百足蜈蚣咬傷

黃皮核嚼爛敷之消腫止痛去毒甚效

## ○湯泡火傷

凡湯泡火傷無論輕重急用童便灌之以免火毒攻心 或用白沙糖熱水調服 或用蜂蜜調熱水灌之均可至緊不可用冷水及井坭溝坭等物即使痛極難受亦須忍耐倘用冷水淋之則熱透內逼輕則爛入筋骨手足彎縮纏綿難愈重則直攻入心必難救矣先用 眞麻油一茶鍾多加更妙用快子順攪一二千下切莫少攪可以挑起成絲用舊筆蘸油搽上立刻止痛愈後並無疤痕神效無比 或用鴉片烟敷之立刻清涼止痛

◎火爆傷眼

田三七磨水滴入眼內數次便愈

◎湯火傷

壽世良方

家醫

湯泡

凡湯火鑊傷切勿以冷水洗之冷物熨之恐熱氣內攻便有爛入筋骨之患遇傷重急飲葷便(小便亦可)一碗或白糖水一碗免至火毒攻心如急切無藥先以鹽沫敷之然後用藥自無後患用生大黃研幼末先用真桐油遍搽患處後用大黃末敷之立刻清涼止痛愈後且無痕跡一切單方皆不及此真妙方也或用尿桶中宿尿或澆或浸一時之久再以蜜糖麻油調敷即愈二方至便至神雖半身傷爛命在垂危均可調治

◎又方

用鮮側柏葉和生豬油搗爛敷之立刻止痛妙不可言如無生豬油用熟豬油亦可或用舊葫蘆瓢燒灰敷之或用生石膏搗爛以熟桐油搽患處三四次即愈如日久腐爛用狗頭骨燒存性爲末搽之或用茶葉嚼爛敷患處或用草帚酒濕透敷之或用老生薑搗汁塗之立愈

◎湯火傷及油傷

香油半瓶秋葵花三四朵放入瓶內浸之遇患者以鴨翎毛頻頻搽之自愈

◎火燒破爛

先以煖酒洗之次以杉木炭研末敷之或用地榆滑石等分研末敷之止痛不潰爛愈後亦無痕迹或用大麥淨砂鍋炒至黑色爲度取出放地上去火毒研末已爛者乾搽之未爛者用桐油調敷之

## ○骨骸論

此症宜急治之若飲食難進餓倒胃氣亦屬難救如獸骨及鷄鴨骨卡喉用狗一隻倒吊取涎緩緩咽下其骨即化屢試如神幸勿輕視

### ◎諸骨卡喉方

凡諸骨卡喉切勿聲張即將所食之骨用快子在碟上夾一條在唇內咬一下即由背后拋去該骨落地即吞飯一口其骨便下此茅山法也 又方凡卡某魚骨即取某魚生眼珠以腐衣裹之拚命吞之下咽即愈 或用橄欖核磨膿汁滾水調服即下真仙方也 或用本魚骨挿耳尖縫內左卡插左右卡挿右或燕髮中亦可 或用鴨子倒掛垂涎以碗接下令患人仰臥灌之其骨自化 或用獨頭蒜塞鼻中自出 或寫龍字在喉嚨上寫一龍字在水碗飲之即下 或用真硼砂一大塊水洗淨日夜含化咽下其骨自軟

### ◎魚骨鯁喉

威靈仙桔梗各五錢黃酒煎沖黃糖服立下

### ◎鷄魚骨卡喉

用霜梅肉搗爛爲丸如彈子大將棉裹好用線穿在丸內冷茶送下用手扯住線頭一嘔即出

◎諸骨及竹木卡喉

用水一碗筆一枝濃墨寫癸水化為龍行六字在水碗上一氣飲之若不下再服一次未有不下者 或用人指甲燒灰吹入喉中亦下 或用鳳仙花研末水調服一二錢諸骨立化

◎竹木卡喉

老絲瓜燒灰每服三錢調酒下 或用鐵斧在石上磨水灌下即愈

◎頭髮卡喉

舊木梳燒枯為末酒調服愈 或用自己亂髮燒灰白湯送下一錢其髮即化髮灰須令燒盡方可服之

◎錢卡喉中

用木賊草研末調鷄蛋白黃皆用攪勻服之即吐出

○誤吞諸物

◎誤吞金銀銅鐵錫鉛方

橄欖核燒存性研末開水調服自出或用韭菜一把滾水煎軟不可切斷淡食之少頃吐出或從大便出

◎誤吞鐵器



炭皮研末調粥二三碗食之炭末即裹鉄器由大便而出置妙方也

◎誤吞銅錢銅器

多食核桃或葶藶(俗名馬蹄)自然消化 或用羊脛骨末三錢米飲調服即從大便而出

◎誤吞鐵針

用糯米糖一斤食盡便出 或用咸蛋一個韭菜一把畧煮食之即能裹針從大便出 或取用生蝦蟆眼(即蟾蜍)一枚木通煎湯送下針自穿眼內從大便出

◎誤吞木屑搶喉不下

用鐵斧於石上磨水隨飲即下 或用生芝麻炒研水調服

◎誤吞金銀銅鐵等物不能化者

砂仁濃煎湯服之其物自下

◎誤吞金銀毒

黃金毒食鵝鵝肉解之 白銀毒以葱白汁解之或飲生鴨血多食核桃俱化 食銀硝服黃坭水一二碗解之

◎物入肺管

有巨姓子甫七歲食鮮蠶豆以最大一粒弄於口不料氣吸而入於肺管即時委頓發喘醫皆束手至夜竟死惜當時未有喻其理者其法但

捉小兒兩足倒懸則所入之豆一咳卽出至妙至神並非醫藥可治

◎誤食百足尿

凡染是症昏黑淚出臍中有紅圈圈若過臍者不治如圈未過臍者用燈心火炙圈兩頭及中間然後用 辣椒油葉搗爛以水送服卽愈 或用糖鷄糞 或服生鷄血均可

◎誤服砒霜

用錫酒壺底或鉛條磨水服之

○銅鐵竹木雜物刺傷

◎竹木刺入喉

取本匠所用舊鋸燒紅浸酒一盅乘熱飲之

◎木屑搶喉

鐵斧磨水灌之

◎咽喉戳傷飲食不下

鷄蛋一個開孔去黃留白入生半夏一個以微火煨熟將蛋白服之卽愈 或用手指甲用香油炒黃爲末黃酒調服

◎鐵針入肉

針入肉內隨氣流走若走至心窩甚險急用 烏鴉翎毛數根瓦上焙焦黃色研細末酒調服一錢外用車輪上油垢調真磁石末攤帛上如錢大貼之每日一換自出或用鼠腦塗之即出

◎鐵針並銅鐵鉛入肉

陳醃肉皮（陳火腿皮更妙）搥融敷之即出

◎箭簇銅鐵炮子並一切雜物入肉

乾莧菜搗爛和紅沙糖敷之自出奇效

◎竹木入肉

鮮牛膝搗爛敷之縱傷口已合刺亦自出 或用葶藶子搗爛敷之痛止即出

◎銅鐵竹木等物入肉雖已拔去傷口腫爛不愈

葱頭和白沙糖搗融敷之極效

◎雜物入肉

象牙梳屑和水敷之立愈

# ○鬼症尸症論症

凡遇風吹拂則股間一點奇痒抓搔不休已而遍體皆然坐則其身乍前乍後若搖兀之狀乃邪鬼所憑而精采蕩越用死人枕煎湯飲之即大瀉而愈枕仍送還原處如若遲留則使人顛狂不可不慎也 患滯冷者名曰瘧腹脹面黃名曰石硯耳眼痛見鬼物者邪氣入肝皆宜灸死人枕服之三病不同而療之俱痊真妙方也 此乃五尸之一自挾鬼邪爲祟其病有三十六種變動至九十九種使人寒熱淋瀝沉黙不知所苦而無處不惡年深月久以至於死死後復傳染旁人急以 桃仁五十粒研坭水煮多服取吐吐盡則愈神效之至

## ◎男婦尸厥

凡人奄奄死去脉重無氣氣閉不通腹中氣走如雷名曰尸厥取 本人左角髮方寸燒灰研末篩去粗末和熱酒灌之立愈 或用硫黃一兩煅硝五錢研細分三服酒煎覺烟起則止溫灌之片時而安

## ◎惡症腹痛不可忍者

阿魏末熱酒調服三錢

# ○邪祟論症

丹溪曰俗云衝惡者謂衝斥邪惡鬼祟而病也如此病者未有不因氣血先虧而致者焉血氣者心之神也神既衰之邪因而入理或有之按此恐止出邪鬼狐魅而言若夫氣血兩虛痰滯心胸妨碍升降不得運行以致十二官各失其職視聽言動皆爲虛妄以邪治之其人必死可不審乎

有人得病之初便譏言發狂六部無脉然切大指之下寸口之上却有動脈者謂之鬼脉乃邪崇憑之也不用服藥但宜符咒治之或從俗送鬼神亦可  
乍疏乍數乍大乍小或捉或結皆邪脉也脈緊而急者爲遁尸

## ◎驅狐怪法

凡邪怪作祟擾人用硃砂筆寫 關聖帝君在此六字貼之如仍不去誠心向 關聖廟拜禱必去或立九天應元雷聲普化天尊牌位供奉中堂誠心拜禱 或赴雷神廟告一切邪怪皆退緣 關帝與雷神能制邪魔誠求必應  
或狐迷男女白日用口汲精夜間交媾如人用桐油搽陰處自去 或用珠蘭根搽之則獸自死即將獸肉晒乾爲末服之更妙

## ◎灸鬼法

治一切邪祟癩狂胡言亂語踰塔上屋尋死等症以病人兩手大拇指川線齊頭縛

定以艾絨於兩指縫中離指甲角半分之處（名鬼咒穴）半在甲上半在肉上四處盡燒一處不燒其症愈神效莫測 或用絲棉一尺燒灰兌酒服或開水送下均效

◎制邪鬼法

端午日午時用豬頭血和明雄晒干收之或燒煙燻之或帶身旁即能制鬼 或於端午日以雄黃搽狗口鼻用樟木燒煙燻之此狗即能制鬼

◎避鬼火法

夜行時見碧火出沒此鬼火也能奪人精氣用鐵馬銜敲動作嚮自滅

驅邪怪法

取州縣官堂上硃筆在病人心上寫一正字頸上寫一刀字兩手寫兩火字即愈蘇州韓氏家僕遇邪以此法治之寫至左手火字其人張目大呼曰勿燒我我去也自此怪絕

◎鬼箭傷

有人爲鬼氣所中腿上生瘡百藥不效後用乾狗糞要枯而白者燒煙向瘡口燻之拔去清水數碗亂髮十餘團而愈

◎災鬼法

治一切邪祟驚狂胡言亂語踰牆上屋尋死等症即將病者兩手大拇指用細麻繩

縛並正於兩指縫中離指甲角一分半之處（名鬼哭穴）用艾火灸三七壯自愈

## ○奇病

### ◎遍身搔癢

或搔如虫行抓破見血或風熱疹子成顆成片者用 鹽二升水一石熬至一半候溫洗浴三五次能消一切風毒 或用好熟白蜜酒調服並用蜜糖調熱水搽之 或用生薑搗爛布包擦之而愈

### ◎飛絲纏身

飛絲纏住耳鼻手足等處腫痛不已用 威靈仙煎濃湯洗之即愈

### ◎身上無故生蛆

蛇脫研末麻油調搽蛆出自愈

### ◎眉毛搖動晝夜不眠呼喚不應飲食如常

用大蒜二兩搗汁兌酒飲自愈

### ◎頭面發熱身有光色

用大蒜汁五錢酒調服吐物如蛇即愈

### ◎見一物如有兩物

善世良方

邪祟 奇病

此好食魚鮮所致食薑醋加紫蘇水數日而愈

◎身上忽現蛇形痛不可忍

取雨滴礫石(即簷口石)上苔痕用水融化噙之即消

◎臨臥遍身虱出血肉俱壞漸生漸多舌尖出血身齒俱黑唇動鼻閉

日飲鹽醋湯數碗十日自愈

◎瘡癬內有雀鳥出者有亂髮出者有瓜菜或雜物出者

此邪祟也用狗糞(要乾而色白者)燒烟燻之越出越多出盡自愈

◎腹上麻木不仁

多煮葱白食之自愈

## ○雜治科

◎治熱病法

外用吳茱萸末熱醋調敷兩足心一週時一換以愈爲度此法極妙老幼可用

◎除床席上諸虫

三月三日日未出時採薺菜花放席下自除

◎治臭虫

螺壳燒烟燻之 或用木瓜切片鋪席下



◎辟諸虫

頂上銀硃一兩用紙捲燒燻一切虫蟻蜈蚣聞之卽死並治白蟻真妙方也

◎辟白蟻

枝子能消白蟻爲水 一見大蒜白蟻卽去

◎辟蜈蚣

頭髮燒烟燻床下或廚房蜈蚣聞之入土三尺

◎收蚊法

五日五日五更時使一人在堂中向空而扇一人問云扇甚麼答云扇蚊子凡七問七答不可嘻笑一夏永無蚊入此山西九十老人黃澹翁所傳

◎澤及昆虫

夏夜欲張燈於院內揀青草一根長三寸左手持草向燈焰上旋轉誦真言曰護身草護身草超度衆生離煩惱一氣念七遍以草橫擔於燈上虫蛾便不入燈油中矣

◎辟鼠

椿樹葉 冬青樹葉 絲瓜根葉 並晒乾四季燒烟燻於室中鼠卽避去

◎止火法

凡遇火起之處左手捏三山訣持鷄蛋一個右手捏劍訣向蛋大頭寫一溫字小頭寫一瓊字向火焰最高處儘力擲去口念 敷施發潤天尊七遍連擲連念連用鷄

蛋七個其火自滅矣

◎辟盜

正月元日燒喜鵲窠撒門內盜則難入

◎辟邪

三伏內庚日採青蒿掛門庭能辟諸邪 或冬至日元日服青蒿二錢亦妙

◎行路不迷

帶龜而行雖入深山無人處至三叉路口將龜放下依龜而行自不迷路

◎夜行無恐

用右手中指在左手心寫我是鬼三字將手握緊自不畏懼

◎暈船暈車治法

凡坐船車頭暈嘔吐者開船車時飲白沙糖水一碗便可 或寫土字於手心坐船即不恐懼蓋取土能尅水之意也 或用灶心土一塊下船時藏於髮中勿令人知即安

◎渡江膽怯

用黃帛以硃砂寫禹字戴身旁自安

◎不服水土

刮鞋底泥和水飲之

◎睡臥譫語

靈桌上供設果子不拘鮮乾食之即愈

◎病笑不休

海鹽煨赤研入河水煎沸啜之探喉吐熱痰數升即愈

◎留宿火法

胡桃一個燒半紅用熟灰埋之三五日不滅

◎歉年乾糲

糯米一斗淘汰百蒸百晒搗末日食一餐以水調服至三十日止可一年不飢

## ○痔漏論症

凡人九竅中有小肉突出爲痔故有耳鼻牙痔等名不獨肛門一處也肛門痔有數種狀亦不一未破曰痔已破曰漏

肛門邊生數瘡腫而突出膿破即散者爲牝痔

肛門邊露肉如珠如鼠如乳時流膿血者爲牡痔

腸口顆顆發癩且痛且癢血出淋漓者爲脈痔

肛門內結核有血或發寒熱每遇大便脫肛爲腸痔

酒醉即腫痛流血者爲酒痔色痔

壽世良方

雜治

痔漏

二百三十一

肛門腫痛遇怒即發怒息即安者爲氣痔  
每遇大便秘流不止者爲血痔

◎痔瘡諸方

冬瓜皮煎水不時洗極妙 或用白糞熟雞蛋蘸真象牙末空心服之每日二次  
有人患此症二十餘年服至半月斷根 或用榕樹上吊生之鬚五兩皮硝五錢煎  
水入瓦罐內先燻後洗數日斷根 或用隨河柳條根上鬚一把花椒芥菜子三味  
不拘多少煎水先燻後洗其蟲頭黑身白俱從痔瘡而出立愈

◎痔癢難忍

蝎子不拘多少燒烟燻之極效

◎痔痛難忍

木鼈子水磨濃（用醋磨之更妙）搽之初覺痛甚少頃即止痛消腫神效之至 或  
用紙浸汁貼之亦可 或用鼻涕虫（形似蝸牛而無壳者）即是搗爛和陳墨敷之  
極效

◎內痔不出

草烏爲末口水調點肛門痔即反出乃可用藥敷治

◎內痔腫痛

猪大腸六兩蚯蚓十餘條煮融去蚓食腸極效

◎痔漏兼治牛皮癬

黃蜂窩一個(內有蜂子者佳)明礬研細末填滿蜂窩內以微火煨之俟窩內明礬滾透窩亦成灰研末以香油調搽患處

◎痔瘡漏管(血痔並治)

蕎麥麵八兩豬胆汁爲丸每早用滾湯送下三錢即愈成漏管者用黃牛胆汁爲丸或用馬齒莧煎水洗之內服荸薺(即馬蹄)數斤亦妙 或用熊胆五分冰片二分研細末用井花水調搽痔上 或用活鯉魚鱗三五片以棉裹如棗形納入肛門坐片時即行止痛

◎永除痔漏

凡辛苦勞碌之人忽患腸痔臟毒愈而復發膿水常流皆因乏力漸成管漏每日用篋過頭蚤紙一張晒燥刮去空壳瓦上焙黃好酒送下連服十張自能除根屢試屢驗最宜廣傳

◎血痔

地榆爲末每服二錢食前米飲調下日三服 或用血竭爲末敷之

◎內痔

游蜒虫(七個即斑蟊)銀硃一兩入罐封口放陰處七日虫即化水以濕硃塗之有管即退

◎外痔

蟬蛻虫七個白礬五錢將虫入礬內研末搽痔上即愈。或用鬱金末調水塗之。或用鵝胆調黃連末塗之。或用無花菓葉煎湯燻洗。

◎蓮蓬痔

蜘蛛網一團瓦上煨存性滲之。

◎鼠乳痔

蜘蛛絲纏上自然脫落。

◎翻花痔

本瓜一味煎湯燻洗毒水流盡管即退出一日燻洗三次半月即愈。

○脫肛論症

脫肛者肺臟蘊熱肛門閉結肺臟虛寒肛門脫出用參芪湯加減凡瀉痢久虛或者大氣血虛驚或產婦用力過度俱有脫肛也小兒亦有脫肛症者大凡肛門脫出不收用熱尿洗後用鞋底烘熱揉進遲恐冷燥難進或用冰片點上亦效。

◎浮萍散

浮萍(要交秋打過露水)不拘多少以淨瓦攤開陰乾其瓦一日三換不可見日用紙包好凡有脫肛之疾臨用研末先用新汲水洗淨肛門次以藥末摻上其肛徐徐

而進一時即愈老幼男婦並治

◎脫肛不收

用椽上灰塵或倒吊塵亦可同鼠糞燒燼於桶內坐上薰之數次即上 或用五倍子末冷水調塗之 或用草薺子四十九粒搗爛貼頂門上即收急行洗去其藥孕婦忌用 或用蟬蛻焙黃爲末點上即收 或用菜油調敷 或用人指甲燒存性先以麻油潤之後用灰點之 或用萬年青連根煎水洗之 或用生鐵二觔水煮濃汁日洗數次亦效

◎痢痔脫肛

黃連末冷水調敷之

◎熱症脫肛

蝟牛一兩燒存性研末和豬油敷上立收

◎糞門暴腫

凡腸胃流熱下注糞門暴腫用蜒遊連壳數個搗爛塗之即消內服防風通聖散一二劑立愈 或用馬齒莧菜葉酸草煎水燻洗一日三次 或用葶藶根搗爛貼之

葶藶

老鼠偷糞門方

生在大小便門交界處若不急治對時即死用 甘菊五文胡麻五文麵粉一文三味研末和白醋煮勻敷患處即愈

○瘰癧論症

夫瘰癧初發必起於少陽經不守禁戒必延及陽明經大抵飲食厚味鬱氣之積曰毒曰風曰熱皆此二端招引變換湏分虛實彼實者故易治然非痛戒厚味發物禁戒色慾則亦難治其症屬胆經相火易動而且氣多血少婦人染此月信不作寒熱頻來若轉爲潮熱其症危矣

透項起核名曰蟠蛇瘰 延及胸前腋下起名曰爪籐瘰 左耳根腫核者名曰惠袋瘰 右耳根腫核者名曰蜂窩瘰 結核連續者爲瘰癧 形長如塔者爲馬刀瘰 體壯者宜服內消散 體弱者服益氣養榮湯

○瘰癧爛流串

荆芥根下一段煎湯溫洗良久看瘡紫黑處以針刺出惡血再洗三四次用種韭菜地下蚯蚓一把五更時收取炭上燒紅研末二匙入乳香末藥輕粉末各五分川山甲片炙研末麻油調敷神效 或用蚯蚓樟腦雄黃爲末麻油調搽出毒水次日再洗再掃以愈爲度雖潰爛至胸前腋下及肩上等處四五年不愈者俱治愈後戒食羊肉

○瘰癧已潰

羊屎五錢杏仁五錢存性研末用猪骨髓調搽 或土牆上白螺螄壳研末日日敷



之 或流水不止用鴨油調半夏半敷之 或日久不愈用蜈蚣一條瓦上煨研末清油調塗三四次即愈

◎瘰癧已破

將先破處麵糊作餅貼上用小瓦壺二個酒煎滾去酒以熱壺口覆於餅上冷則再易一壺將毒氣拔盡即愈燻後用豬胆搽患處膏藥貼之

◎瘰癧結核

鉛三兩用鐵器炒取黑灰和醋塗上以布貼之頻頻換貼半月不痛不破內消爲水而愈

◎多年瘰癧

全蠋三兩去勾足焙乾爲末胡桃肉爲小丸每日早晚酒送服六分七日全愈

◎頸上瘰癧

豬喉下肉子七枚瓦焙研末每夜酒服一錢 忌食酸醃油膩滯氣之物 或用海帶菜煎水日日食之自消 或用羊肚內皮燒灰香油調塗

◎瘰癧串

雄豬胆七個傾入銅杓內微火熬成膏隔水浸去火毒攤布上貼之自愈 母猪及瘰癧胆不可用謹忌 或用草麻子以酒醋煮三日以酥爲度研末麻油調敷不拘已破未破皆驗

◎連珠癩串(並治喉癰)

凡男婦老幼頸上耳後結核連珠癩串不疼痛或已破微痛皮赤潰爛久不收口年近者一料收功年遠者兩料全愈屢試屢驗勿以價廉而輕視之刊印廣傳功德無量方用 香梗芋(十斤去皮勿烘炒切片曬乾磨粉)開水爲丸早晚每服三錢或乾乾片俱用酒下米湯下亦可

◎老鼠癩

蝮虎(一條俗名鹽蛇)用新瓦炙乾爲末入雄黃末三錢爲小丸每飯後服五分每日三次酒送服重症二條輕則一條如有潰爛以丸研末搽之 或已腐爛用 九里明 夏枯草 苦參 草節煎水洗之

◎癩瘰神方

蒜頭 顯茄根 二味共搗爛敷數次自消

◎又方

蝦牡蠣五錢蒸元參一兩蒸川貝母五錢共研細末每日清茶服五分忌食酸物煎炒熱毒生冷諸物便愈經驗多人

## ○結核論症

結核之生腫而且痛頸項身臂在在皆有生在皮裏膜外多是痰注不散問患者平日好食何物吐下後用藥散核又云火氣熱甚則鬱結核硬如果中結核也不須潰發但散熱氣則核自消矣

梅核爲症大抵因七情之氣鬱結而成或因飲食之時觸犯惱怒遂成此症狀如梅核或如破絮在咽喉之間咯不出咽不下或中腕痞滿氣不舒快痰涎壅盛上氣喘急惟婦女患之最多治宜開鬱順氣利膈化痰清肺爲主

### ◎頂後結核赤腫硬痛

生山藥(一根去皮)草蘇子二粒同研爛貼之

### ◎痰核

內 全虫(一個用茶洗淨鹽味)核桃一個去肉不用將全虫置於壳內以黃泥封固火煨熟去壳取虫研末酒送一個服至痰核消盡爲止 或用鯽魚一條同菘子搗爛敷之

### ◎頭面痰癧結核大如拳小如粟或軟或硬不痛不痒

生南星一大粒研爛滴好醋六七點先用針刺令氣透乃貼之覺痒則頻貼取效不可針灸無生南星用乾者研末

◎痰痺不收口

淡豆豉（不拘多少）嚼爛成餅，蓋患處用艾火灸之，微痛即止，隔日再灸。

◎鼠瘻

瘡口雖合有眼出膿不止，用鼠一個去毛搗爛，亂髮一團以陳猪油或火腿肥肉熬令鼠髮消盡爲度，以一半塗瘡眼，一半酒服，自愈。永遠戒食鷄肉兔肉。

◎鼠瘻核痛

凡未成膿者以柏葉搗塗炒鹽熨之，氣下即消。

◎消核妙方

凡毒塊毒核及痰癭癧初起者，敷之立消方用：昆布、天南星（各四錢）俱用生研忌火，大梅片二分共研幼末，磁盒貯之，勿令洩氣。用時以薑汁醋蜜三味調塗患處。

◎胸旁紅白瘰泡

凡胸前兩旁各生紅白瘰泡，名曰倒掛珠，能浸淫疼痛，每處直長一尺，連生十餘個，不等久，則殺人。諸藥不效用。端午日門前所插菖蒲連根葉切碎，火煨研末，香油調搽五六次即愈。

## ○癭瘤論症

癭多著於肩項癭則隨氣凝結此症年數深遠侵大侵長堅硬不可移者名曰石癭皮色不變者名曰肉癭筋脉露結者名曰筋癭赤脉交結者名曰血癭隨憂愁消長者名曰氣癭五癭皆不可決破決破膿血崩潰多致難治

瘤有六種骨瘤脂瘤肉瘤膿瘤血瘤筋瘤亦不可決破決破則亦難醫肉瘤尤不可治治則殺人惟脂瘤破而去其胭脂則愈

敷癭奇驗（凡初起者治之極效）

銀硝 煤炭二味研末用水調塗患處再用舊窗上紙一塊蓋之黏住四角癭漸焦落 或用極細生鐵屑醋拌入銅鍋內煨乾再拌如此三次研極細末再用醋調敷上便覺患處不甚適意過夜剝去再敷以平爲度 或用蜘蛛絲縛癭根三四日退落或用生薑汁葱汁各一盃牛皮膠四兩共熬膏去火氣入麝香五分勻攤布上貼之三日一換

◎腋下生癭

長柄葫蘆燒存性研末搽之 或用嫩菊花葉作團帶濕夾腋下亦好

◎癭核

凡皮膚頭面上生癭及結核大如拳小如栗或軟或硬不疼不痒用 生南星一枚

研爛滴好醋五七點無生者以乾者爲末醋調先用針刺令氣透乃貼覺痒則頻貼取效不可輒用針灸

◎血瘤

甘草熬膏以筆蘸塗四圍又用 芫花 大戟 甘遂等分爲末醋調另用新筆蘸塗於甘草內務須離甘草一圈不可相近蓋二藥性相反切勿悞相攪和塗後次日瘤當縮小再如前塗三四次愈後戒食鵝肉並請名醫服藥消散以免復發

◎血瘤傷破出血不止

將前藥摻上並用舊窗紙貼之其效尤速此經驗方也

◎身面贅疣

苦酒浸石灰六七日後取汁頻點之自落

◎生瘰子

用蜈蚣大鉗挑之其軟如棉挑盡自愈 或用蒲公英搗自然汁頻點之自落

○癬瘡論症

癬有五症濕頑風馬牛皮癬是也浮成爲疥深沉爲癬凡癬內有虫治好復發非藥不靈虫未盡也發後再治無不愈矣頭面有癬如入眼內卽成大麻瘋急宜治之

◎治癬諸方

荔枝核磨醋將癬抓破搽之雖痛不妨數日即愈再發再搽斷根 或用新棉花扯成如紙薄一層量癬寬大將棉花鋪貼用火向棉花上一點頃刻燃盡當即止癢並不焦痛極簡易極效驗祇一次全愈再發再治一次斷根 或用蒜瓣煑水洗之拭乾再用生桐油搽上炭火炙之 或用皂鑿炒乾研末豬油調塗 或用多年竹燈掛一枝火上烤出汁如膠者爲妙將五倍子去虫炒研末和勻加陳醋焙熟塗之 或用韭菜根晒乾炒焦爲末和豬油搽之

◎臉上生癬抓之有白屑起者

綠荳鵝碎以白紙糊碗口針刺多孔以碎豆鋪紙上用火炭一塊燒豆俟豆燻盡去豆揭帛將碗內汗水塗之 或用鷄蛋一個以好醋浸七日夜其蛋自化先以穿山甲一片刮破癬瘡即將蛋汁搽之

◎牛皮癬

牛 烟膏(即硝●皮刮下者)研末菜油調搽即愈

◎久年頑癬

五倍子一兩以醋熬成膏加輕粉三錢調搽 或用雞蛋一枚和香油葱椒煎熟乘熱貼之

◎頸面花癬

臘梅花葉擦之 或用核桃葉擦之

壽世良方

癬瘡

◎兩腿濕癬(名對面癬)

葶薺蕪鐵粉擦之(鐵粉即火炮中刮下銹粉)

◎久年松皮癬

用鴿肉常煑食之 外川楊柳葉 地骨皮二味煎水頻洗之

◎濕癬

桃樹青皮研末醋調擦之

◎燥癬作痒

雞冠血塗之

### ○疥瘡論症(俗名瘡癩)

疥有五種乾疥濕疥虫疥灰疥膿疥(俗名膿泡瘡是也)由各經蘊毒日久生火兼受風濕而成數日延及遍身最易傳染或癢或痛癢者內必有虫不獨虫疥然也治法雖多有效有不效有此用之而效彼用之而不效者古方燻藥一法切不可用慎之

◎治疥諸方

硫磺 川椒各五錢共研末薑葱頭各五錢和生豬板油搗融用布包好烘熱時時擦之其效甚速 或用田螺煑熟去壳將肉炒酒食數次便愈平日頻頻食之可免



生疥之患。或用生白蛤一隻扇死去毛不用水洗連腸臟俱用切碎放鏝內用油炒一次放水一大碗慢火煮透食之食後疥瘡更多再食一隻則愈凡畏食藥者用此方最妙

◎疥瘡時時暴發

雄豬肚一個洗淨去油入牙皂根五錢煮爛去牙皂食豬肚一味拌鹽食之連食十個全愈

◎徧身疥瘡風痺

茵陳煮濃汁洗之立瘥

◎疥癩

薄荷 百部煎水洗又用生白菓搗爛塗之

◎預解疥瘡

豬胆汁入浴湯中洗浴自不生疥

◎坐板疥瘡(生兩腿上下不便坐臥)

絲瓜皮焙研爲末燒酒搽之 或用生桐油搽出黃水拭乾再搽數次乾水即愈  
或用綠礬一兩放盤內滾水溶化候溫浸洗數次痒止水乾愈 或用蜂巢燒存性研末加冰片少許搽之

◎疥瘡奇痒(名虫疥)

先以砂仁壳煎湯洗之再用厠坑上泥刮下晒燥研細以麻油調塗之三次卽愈  
或用生芝麻嚼爛敷之 或用陳荷葉煎湯加白礬洗之並治陰囊發痒

○膿泡疥瘡

松香一兩雄黃一錢研末用竹紙捲成條以菜油浸一宿取出燒之滴下之油用碗  
盛塗之 或用最舊男鞋一對 舊絲棉絮筋一握二味燒灰候冷再加大楓子末  
和香油調塗兩日全愈如未乾水以灰摻之 或用絲瓜汁調宮粉塗之

老少染膿疥瘡身流黃水搔痒延蔓無已

宮粉（一兩炒黑）冰片三分研末敷之

人馬疥癩

白鴿屎炒焙研末醋調塗之

○疔瘡論症

凡染是症皆由平日貪嗜煎炒燒炙厚味或誤食瘟死牛馬猪羊毒肉或受四時疫  
氣而起如疔入肉其形小其根深蓋由火毒攻心發之最速有朝發夕死隨發隨死  
有三五日不死至一月半月而終死者其毒最烈或發寒熱或發麻木或嘔吐或煩  
燥或頭暈眼花或舌硬口乾或手足青黑或心腹脹悶或精神沉困或言語顛倒此  
皆生疔之症其形或大或小或長或圓其色或白或黃或紅或紫或有紅絲名色甚

多治法則一倘辨別不清以生黃豆令本人嚼之如無豆腥之味卽是總宜急治藥不對症生死攸關可不慎哉

疔瘡多生暗處或痛或不痛或癢或不癢發時人多不覺若不早治最易悞事有發寒熱數日而後生者有當時生者初起如粟米大或大小不一如發寒熱及麻癢嘔吐等症卽於遍身留心尋認凡鬚髮眼耳口鼻肩下兩腋手足甲縫糞門陰戶等處更宜細看一日須看數次有則照方醫治若前心坎後背有紅點者卽照後羊毛疔方治之如尋覓不見取飯中氣垢少許納口中必有一處痛甚卽知疔瘡所在急用銀針刺出惡血以見鮮血爲止諸瘡及刀鏹疔忌用刀針餘疔不忌如毒重者急服生菜油一碗(真麻油亦可)以免毒氣攻心若服菊花飲亦可

疔有五種顏色發於五臟其辨色歌云

心經疔

疔名火焰發心經

往往生於唇指中

心作煩時神恍惚

痛兼麻痒泡黃色

肝經疔

毒發肝經名紫燕

此患多於骨筋見

破流血水爛串筋

指青舌強神昏亂

脾經疔

黃鼓由於脾經毒

多生口角與顴骨

泡黃光潤紅色纏

麻痒硬癭兼嘔吐

肺經疔

毒發肺經名白刃

白泡頂硬根突峻

易腐易陷多損臙

咳吐痰涎氣急甚

腎經疔

從來黑層發腎經

黑斑紫泡硬如疔

爲毒極甚疼牽骨

驚悸沉昏目露睛

訣曰

凡治疔症貴乎早

三陰三陽更宜曉

在下宜灸上宜針

速醫卽愈緩難保

◎拔疔根法

疔毒重者好而復發此疔根未出也若不急治再發則根愈深而難治矣其法先將銀針身橫刮疔頂皮開方直針入疔根先出紫黑血再挑刺至鮮血出以知痛爲止隨用葱白加蜜搗爛敷上如人行五里其根自出或用白梅肉荔枝肉同搗膏貼上卽出或見惡心欲嘔卽飲麻油一盞或飲菊花汁一碗以免毒氣攻心

(如無菊花卽根葉亦可)

◎疔瘡外治法

大癩蝦蟆一隻以針破眉稜上手捻出蟾酥於油帛上或桑葉上用竹篾刮下然後插在暗處陰乾取用再加白麵黃丹等分拌爲丸如麥粒大針破患處以一粒貼之卽愈

◎誤食癩牛馬羊肉生出疔瘡疔毒

桐油樹葉又名烏柏葉一把搗汁一二碗燉服瀉解毒氣乃愈如冬月無葉挖取

嫩根磨水服之

◎神仙解毒丸

白礬不拘多少溶化作丸如綠豆大硃砂爲衣每服十丸用連鬚蔥頭七根煎水二碗送服汗出立愈已成者不傷未成者卽消 此方專治一切疔瘡發背魚口諸般惡瘡無名腫毒初發一服卽消

◎疔瘡惡瘡

鮮荔枝五個以狗糞中米淘淨晒乾研末和糯米●粥研膏攤帛上貼之（中剪一孔以出毒氣）或服菊花飲甚妙

◎疔瘡走黃

凡患疔瘡誤食猪肉腫痛神昏謂之走黃法在不治急搗 芭蕉根汁服之立可回生或照菊花飲治之亦效

◎疔瘡統治

紫蘇梗 菊花根（莖葉均可）研碎取汁和酒飲之將渣敷疔上一宿卽愈百試百驗

◎魚臍疔

絲爪葉 連鬚蔥頭 韭菜同搗爛以酒和汁服之渣敷患處病在左手貼左腋下

右手貼右腋下左足貼左胯右足貼右胯在中貼心臍用布扎住後下紅絲皆白則愈如有潮熱亦用此法先令人抱住恐其顛倒則難救矣 或疔瘡頭黑皮破出黃水四畔浮漿用 蛇退一條陰陽瓦煨灰存性研末鷄蛋白調服

◎蛇眼疔

田三七醋磨汁敷患處即愈 凡蛇咬忌食酸物

◎疔瘡出血不止

飲麻油一大碗即止 或飯菜子油更妙 或燒銀針乘熱烙疔口即止

◎疔瘡內服方

菊花四兩甘草四錢水煎二大碗服之 如疔瘡有絲者以燈草一根蘸油向絲頭連燒十次並燒瘡頭至不痛又燒至復痛即止

◎紅絲疔

此疔流走最快生於足者其紅絲漸長至臍生於手者紅絲漸長至心生於唇面者紅絲漸長至喉至則不可救矣手足兩處可用頭髮離絲一二寸遠緊緊捆住並將紅絲頭刺破或用燈火或用艾火在絲頭燒之絲即退散而愈不散再燒以散爲度其效如神或照上下各方治之亦可 或用蟾酥丹之 疔時以病者知痛出血即愈否則紅絲入腹攻心必危矣

◎羊毛疔

塗 針

初起頭痛發熱身寒前心坎後背心有紅點如疹子形先用針挑破取出羊毛再用明雄末二錢青布包扎蘸熱燒酒於前心坎瘡上一二寸外四圍團團擦之漸漸擦入瘡眼其毛即奔至後背心再於背心上照前擦之其毛俱拔於布上即埋入土中內服菊花飲或葱白飲均可

◎龍牙一醉飲

龍牙草五月五日端午時採收陰乾用時以好酒浸透搗汁加入乳香沒藥豆粉等藥末和汁同飲將渣敷患處是日勿飲茶水祇可飲酒即洗疔亦不可用水如法治之其效如神

◎回生起死方

核桃仁一個古銅錢一文放口內細嚼黃酒送下生疔雖至垂危不過二服即愈

◎蜘蛛拔毒法

先將疔頭用磁片刺破尋活蜘蛛一個(越大越好)放疔瘡上蜘蛛一見自能奔往吸拔其毒少時蜘蛛不動即取放冷水中自活如疔未愈可用蜘蛛再行吸拔或另取蜘蛛用之以毒盡為止無論疔在何處雖毒重痛極不省人事命在垂危立可回生此急救第一良法凡手指生蛇頭瘡及毒虫咬傷皆可施用

◎菊花飲

白菊花葉連根搗取自然汁一茶盅滾酒調服用酒煮服亦可(不如生汁為妙毒

重者宜多服。渣敷患處留頭不敷蓋被睡臥出汗其毒自散無論生在何處雖氣絕欲死亦可起死回生至穩至便至靈諸方皆不及此不可遲疑自誤無葉用根無根即用藥店乾白菊花四兩(少即不效)甘草四錢酒煮(溫服亦可)

◎葱礬飲

明礬三錢研細末葱白七個二味共研爛分作七塊每塊以熱酒一盞送下服完即睡蓋被取汗如無汗再服葱頭湯一盞少頃汗出如淋其病若失此方不但治疔一切惡症皆治初起未成膿者更妙

◎烟油膏

用烟杆中烟油厚敷四圍留頭不敷少刻疔破出水而愈奇效如有紅絲者用烟油離絲三分處敷之絲即不走 或用黃色糖鷄糞厚敷四圍將疔頭挑破不敷極效 或用生黃豆嚼爛敷之 或用雞冠血點之神效

有 凡口唇生疔看大腿彎中如紫筋用銀針刺出血即愈有人生疔不知疔在何處但唇內癢極須臾半面腫硬痛甚見腿後起有紫筋刺之立愈

◎鷄蛋油

此油最能殺蟲諸瘡破爛癢不可忍或不收口者搽之極效並治癰疥諸瘡用鷄蛋數個煮熟去白留黃放鉢器上煮至黑色用武火再煮其油自出取起應用或以滾水半盞傾入蛋內俟油浮水面取出冷透火氣待用



◎麻藥

凡割毒瘡或取箭頭鎗子數之麻木不痛用 公麻雀糞(尖而豎者是)胡椒七粒  
燒酒調敷便效

○漆瘡

◎生漆染身成毒

花椒葉煎湯洗之自愈

◎生漆入目

蟹一隻搗爛取汁滴入目中漆隨汁出 或成紅斑爛瘡取蟹黃塗之數次自愈  
或用杉木煎汁洗之

◎漆瘡

蟹壳燒灰芝朮油調塗之 或用蟹壳煎湯洗之 或用乾荷葉煎水洗之 或用  
韭菜汁搽之 或用石灰水搽之

◎漆瘡腫爛

白果煎湯洗浴立刻消腫一二次全愈 或用鮮荷葉煎水洗之亦效

○凍瘡（俗名羅白仔）

橄欖核燒存性研末加輕粉少許香油調搽 或用白芨磨濃汁頻塗之妙不可言 或於暑伏時（三伏月內）搗大蒜爲坭敷在上年生過凍瘡之處過一日一夜洗去遲三四日再敷數次若連日敷之則肉上起泡破皮矣若敷蒜之後本年冬雖極寒冷亦不再生凍瘡凡小兒手足各處雖未凍過亦敷兩次可以耐寒此法可傳船夫腳夫功德無量

○瘡科論症

其症初起頭眩目赤遍體發熱舌見黃色欲飲冷水是實熱症須服清涼解毒之劑如遍體寒冷喜飲熱茶舌色淡白是寒冷症須服內托解毒之劑有初中末三變有初服清涼中末內托有初服內托中服清涼末服內托之藥隨時變通審症發藥自無悞事矣

○瘡科無名腫毒

明礬五錢研碎放磁盆內入水開化用草紙一塊浸濕貼瘡上乾則再換貼十餘次即消

○無頭瘡

蛇蛻貼於患處

◎無名腫毒痛不可忍

芭蕉根搗爛塗之 或用紫花地丁（三伏天採取晒干研末）麵糊成餅收貯臨用以鹽醋浸一宿貼之甚效

◎皮肉太厚不見瘡頭

麻雀屎研細末醋和丸如豆大貼瘡上即穿 或用蛇退燒灰豬油調敷瘡即出頭

◎百種頑瘡毒瘡

蒲公英 馬齒莧搗敷 或用田三七末醋磨汁塗即散如已破口乾末搽之 或用豆腐渣放砂鍋內焙熟貼紅腫處冷則再換以愈爲度 或用蓮花瓣唾沫繼續濕貼上即消已潰者收口 或用准山藥搗如泥敷之 或用葱白七根蜂蜜一兩搗爛敷之 或用豬胆薑汁蜂蜜（各半盞）和勻塗瘡四面一夜即消

◎惡瘡有肉粒突出破之血流復生肉粒名翻花瘡

馬齒莧燒枯研末以豬油調敷戒食鷄肉 或用蒼耳葉搗汁服三合將汁日塗數次

◎毒瘡腫痛日夜呼號難安枕席

獨蒜頭數顆搗爛麻油拌和厚敷瘡上乾則換之毒消痛止其效非常 或用天南星末調酒搽之

◎惡瘡十年不痊

鯽魚煨灰和醬塗之

◎瘡不斂口

秦艽末搽之 或用槐枝葱白洗淨再以瓦松(陰乾爲末)搽之 或用龜甲煨枯研末搽之即收口戒食龜肉

◎瘡犯婦人穢氣痛不可忍

巴豆三十粒入麻油煎至黑色去豆以油調硫黃輕粉末頻塗之

◎瘡破傷風傷水作痛

牛屎燒烟燻之令汗出即愈

◎鎖口瘡

木耳焙黃爲末香油調敷其瘡即紅

◎燕窩瘡(生眉間者是)

肥皂存性枯礬共研末麻油調塗先用 白礬水洗之 或芥菜湯洗之 或用白菜搗塗之

◎蜘蛛瘡

羊乳搽之 或用生薑汁調葛粉敷之 或用白芝麻口嚼爛敷之立效

◎喜兒瘡

蟻兒隱於壁間以尿射人遍身生瘡狀如湯火傷方用 烏鷄翎燒灰鷄子白調敷

或用生甘草煎湯洗之 或用韭菜汁塗之

◎鬚旁生瘡日久不愈

豬頭上毛 貓頭上毛各一撮燒灰加鼠糞一粒爲末清油調塗立愈

◎羊鬚瘡

舊棉絮胎燒灰麻油調搽 或用小紅棗存性清油調敷（凡老幼口角四面生瘡水流即跟水生瘡好而復發者是）

◎天泡瘡

形如水泡者是方用 錦文大黃磨水時時搽之或用 蓮蓬燒枯爲末井坭調敷甚效

◎肩瘡肩破

取貓頭上毛早起未語以唾粘之立愈

◎過腰蛇

腰間白泡一串圍住便是方用 耳脾草（俗名狗仔腸）搗爛敷之熱即再換以愈爲止 或用根竹葉早糯米搗爛加清水敷之 或用柿油塗之 柿油即糊傘水 或用舊竹鍋蓋邊（愈舊愈好）煨灰開椰油搽之立愈

◎纏腰蛇

奇世良方

瘡科

腰間紅腫兩便生紅筋圍至臍內即死方用 陳京畢磨濃汁和雄黃末塗之 或用臭蟲半酒盞搗爛燒酒泡略飲少許以蟲渣敷之先由蛇頭搽起後至蛇尾四圍敷之並治 鎖口蛇咬耳蛇諸症

◎拔瘡毒妙法

用極細鐵屑好醋煎一二沸取起醋中鐵屑敷患處又用好磁石頻頻吸之其毒自出

◎菜油飲

治一切瘡毒用 陳久菜油三大杯一氣飲盡並以菜油煎葱白至黑色乘熱塗患處痛止腫消

◎水澄膏

治無名腫毒用 白芨末五錢溫水攪之澄清去水用棉紙攤貼之乾則再換以愈爲度

◎瘡癩作癢

白扁豆搗末貼之

◎灸瘡血出

有人生瘡灸火五壯血出不止手冷欲絕急以 黃芩二錢紹酒炒透爲末再用好酒半杯調服立止

◎瘡毒攻心

凡患瘡毒心中難過或欲嘔吐或神昏不語此毒氣攻心也急用 護心散時時服之服至大半嘔止神清如製不及急服 白沙糖三四兩調熱水服之亦可

◎熱瘡

色紅而痛者是用 男子尿桶中白霜敷之清涼止痛 或用百草霜桐油調搽即愈

◎趕移瘡毒

用移山過海散 治毒生於致命處用此散移於無礙部位甚效方用 紅黃 小麥麩 新鮮蚯蚓糞爲末用好醋調勻漸漸敷於致命處半邊自能移過不致命處

◎瘡毒腫痛不破

用隔皮取膿法 凡患瘡毒腫脹不穿疼痛難受而患處難以用刀或畏懼開刀者俟膿熟時用公老鼠糞（兩頭尖者是）和紅糖搗敷即破口出膿而愈 或用蚕蛾繭一個燒存性用酒調服瘡頭自破不可多用

◎瘡不收口

一切瘡毒久不收口內必有蟲照各方治之必愈如再不愈瘡內必有細骨照多骨疽方治之若百藥不效恐是中邪用 乾狗糞白色者燒烟燻之或流毒水或出別物自愈方用 石灰水整塊石灰一斤放盤內以清水八斤燒滾傾入盤內待石灰

化開用棍攪勻俟水澄清將水輕輕傾入別器不用石灰再用細布瀝清收貯瓶內聽用凡瘡毒日久不能收口或不能生肌量瘡大小剪新白布一塊浸入水內一刻即起即貼患處俟一二時辰再換一塊一日換兩三次數日收功神效莫測此西洋秘方也 或用龍眼肉(即生圓干肉)男用女人口嚼女用男人口嚼爛成膏貼瘡上無論久近皆效

◎魚臍瘡

瘡窄而長腫而黑者是此因風毒蘊結或氣血凝滯或誤食人汗所致用 蠟豬頭骨燒枯研末以生雞蛋白調查數日即愈

◎對口瘡

黃鱔魚頭搥飯加鹽少許塗之即消真仙方也

◎爛瘡不收口

蜜陀僧五錢白蠟一兩麻油二兩煎成膏貼之即愈

◎穿瘡方

人指甲存性研末和蜜糖點之即穿 或用麻雀屎(即白丁香)存性和蜜糖點之 或用巴豆式錢紅黃一錢射香三厘共研末每用三厘放膏藥心貼之亦穿



## ○癰疽論症

瘡瘍之疽當察經之傳受病之表裏人之虛實而攻補之假如腫痛熱渴大便閉結者邪在內也宜疏通之腫焮作痛寒熱頭疼者邪在表也宜發散之焮腫痛甚者邪在經絡也宜和解之微腫微痛而不作膿者氣血虛也宜補托之漫腫不痛或不作膿或膿成不潰者血氣虛甚也宜大補之色暗而微腫痛或膿成不出或腐肉不潰者陽氣虛寒也宜溫補之若疑其未潰而概用敗毒復損脾胃不惟腫者不能成膿而潰者亦難收斂七惡之症蜂起多致不救經云諸痛癢瘡瘍皆屬心火若腫赤煩燥發熱引冷便閉作渴脉洪數實是其常也雖在嚴寒之時必用大寒苦之劑以瀉熱毒若脉微皮寒瀉痢腸鳴飲食不入嘔吐無時手足逆冷是變常也雖在盛暑之時必用大辛溫之劑以助陽氣經曰用寒遠寒用熱遠熱奪假者反之雖違其時必從其症

癰疽大按乃痛者病深小按便痛者病淺按之患處陷不復者無膿按之患處即復者有膿不復者可消若按之都牽強者未有膿也按之半軟者有膿也又手按上下不熱者無膿若熱甚者有膿也凡覺有膿急宜破之無膿但氣腫有血慎勿針破也癰者大而高起屬乎陽六腑之氣所生也疽者平而內發屬乎陰五臟之氣所生也

凡癰疽未破毒攻臟腑一毫熱藥不敢用若已潰破臟腑既虧飲食少進一毫冷藥不敢用也

癰疽脈數浮陽沉陰浮數不熱但惡寒侵若知痛處急灸或針洪數病進將有膿淫滑實緊促內消可禁宜托裏者脈虛濡遲或乳瀉微潰後亦宜長緩易治短散則危結促伐見必死無疑

五善七惡主治

夫善者動息自寧飲食知味便利調勻膿潰腫消水鮮不臭神彩精明語聲清朗體氣和平是也此屬腑症病微邪淺能慎起居節飲食可占勿藥惡者乃五臟虧損之症或因汗下失宜榮衛消鑠或因寒涼尅伐氣血不足或服峻厲之劑胃氣受傷以致真氣虛而邪氣實外似有餘而內實不足法當純補胃氣多有回生不可因其惡候棄而不治也

大渴發熱或瀉泄淋閉者邪火內淫一惡也

膿血既泄腫痛尤甚膿色敗臭者胃氣虛而火盛二惡也

目視不正黑睛緊小白睛青赤瞳子上視者肝腎陰虛而目系急三惡也

喘粗氣短恍惚嗜臥者脾肺虛火四惡也

肩背不便四肢沉重者脾腎虧損五惡也

不能下食服藥而嘔食不知味者胃氣虛弱六惡也

聲嘶色敗唇鼻青赤面目四肢浮腫者脾肺俱虛七惡也

腹痛泄瀉咳逆昏憤者陽氣虛寒氣內淫之惡症也閉

遺後發熱惡寒作渴或怔忡驚悸寤寐不常牙關緊●或頭目赤痛自汗盜汗寒戰

咬牙手撒身熱脈洪大按之如無或身熱惡衣欲投於水其脈浮大按之微細衣厚

仍寒此氣虛極傳變之惡症也

若手足逆冷肚腹疼痛泄痢腸鳴飲食不入呃逆嘔吐此陽氣虛寒氣所乘之惡症

也 若有汗而有惡寒或無汗而惡寒口噤足冷腰背反張頸項勁強此血氣虛

極變症之惡候也 大抵五善見三則吉七惡見四必危然虛中見惡症者難治實症無惡候者易治也

## ○癰毒雜治

### ◎癰毒宜戒

一戒走泄 凡患癰毒紅腫潰爛或已生管無論久近大小最忌走泄真元如有遺精及房事不謹醫治最難見功必先將遺精病症醫治全愈仍令夫婦分臥謹戒房事然後按方施治自易收功

一戒污穢 凡大癰惡毒一經污穢腫痛更甚難以收功婦女產後及行經時切戒近前以免污穢若婦女自患癰疽瘡癤遇行經時醫治鮮效必俟行經後始能見功

一戒熾卷 諸瘡有熾卷之一法瘡雖易愈然毒盡歸腹內定成鼓脹難治惟神燈照法不忌

一戒沐浴 凡濕熱諸瘡膿血淋漓或癢或痛莫不以沐浴爲快然浴則濕更重難以速痊惟有溫泉之處不忌

◎隔蒜灸法

一切癰疽腫毒惡瘡初起卽用此法使毒氣解散用藥施治亦易見功輕者灸過卽愈

大蒜頭(去皮又名老蒜)切片如三文錢厚(無蒜用煮熟鷄蛋白或生薑亦可究不如用蒜頭爲妙)安瘡上用艾一團(大則約用一分小如豆子大)於蒜上燒之蒜壞另換若難辨瘡頭先以濕紙貼瘡上先乾處卽是瘡頭或有十數頭生一處將蒜搗爛攤瘡頭上鋪艾燒之艾火不論次數或十數次或百餘次總以痛者燒至不痛不痛者燒至痛惟頭不宜灸宜向足三里穴(穴在膝下三寸筋骨外兩筋內灸之)灸多者宜先服護心散以防火毒入內

一陰瘡色白不痛又不作癢或頑瘡久不收口灸之最妙倘灸後血出不止手冷欲絕者照上疔瘡血出不止方治之

一痘疔毒氣使諸痘不能起發或麻木疼痛安蒜片於痘疔上灸之毒隨火散若紫血出後腫痛不止尤當用灸

二 跌打損傷破口傷風牙關緊閉腰背反張命在頃刻攤蒜於傷處多灸更灸百會等穴立甦

一 凡蛇蝎蜈蚣以及瘋犬咬傷各毒攤蒜於傷處鋪艾多燒之至不痛爲度拔出其毒以免內攻

### ◎隔蠟灸法

治一切癰疽腫毒發背對口等瘡甚效 先看毒聚處水調麵作圈依腫處大小圍圈高寸餘實貼皮上勿令滲泄本人安身勿動圈內鋪極好黃蠟丸屑上以炭火灸至黃蠟溶化毒淺者皮上覺熱痛不受灸便止毒深者全不覺熱痛再下黃蠟隨化隨添至圈滿仍煎熱火灸至蠟沸初覺癢後覺痛久之不可忍乃去火以少水微澆滾蠟上俟冷去蠟蠟近皮者俱帶青黑色此毒隨蠟拔去淺者一二灸使內消深者三四灸亦立解或瘡口雖破而皮尙堅硬膿未出者不必用刀針惟灸之膿出腫消或膿出而瘡口潰爛者卽於瘡口下圍再灸蠟氣從口而入愈深愈妙

### ◎葱熨法

治虛怯人肢體患腫塊或作痛或不痛或風襲經絡肢體疼痛或四肢筋掣骨痛又治流注及婦人乳吹乳癰及便毒初起等症用 葱白搗爛炒熱布包熨患處冷則易之再熨再易數次腫痛卽止而愈終身戒食龜肉

### ◎葱蜜膏

毒世良方

癰毒

治無名腫毒初起腫痛尙未成膿者極效方用 葱頭 灰麵 白蜜各等分搗溶烘熱敷之

◎糯米膏

凡腋肋臂膊腰腿等處忽如火熱腫硬如石痛不可忍百藥不效者一二次即愈神效方用 熱糯米飯少加葱與鹽共搗融敷過夜即鬆或用熱糯米酒糟亦可其渣務須傾魚池或入河內爲要

◎豆豉灸法

治一切癰毒既潰不斂瘡色黑暗等症方用 淡豆豉一升入熱水搗成泥照瘡大小作餅厚三分安瘡上鋪艾灸之但使溫溫覺熱痛急去之愚當減快一日灸二次如瘡有孔留孔勿覆列艾其旁灸之聽其出膿爲妙

◎護心散

藁荳粉一兩乳香五錢(用燈心二錢一分同乳香抄枯去燈心不用)燈心灰(用活竹一段留兩頭節中開一眼以燈心填滿用竹塊塞緊加坭封好放穀壳火內燒至竹成一炭取出竹內燈心)用三錢共研末用甘草一兩煎水送下分數次服輕者即愈重者再服菜子油等方亦妙

◎芙蓉膏(治癰疽發背諸毒初起)

芙蓉葉(或皮或根亦可)黃荊子不拘多少共搗爛用鷄子清調搽瘡上留頂不搽

頂如爛起立時止痛搽二三次便愈 或用白鳳仙花連根葉同搗爛先用陳米醋洗淨患處然後敷藥一日一換瘡將好時用桑葉醋煎一滾即取起貼瘡上即生肌收口而愈不問已潰未潰均能取效

◎琥珀膏(治癰疽發背諸般腫毒久年頑瘡脚罅濕爛)

香油四兩沉香一錢(煎至油熟去之)次加嫩松香八兩文武火不住手攪如琥珀色住火又加乳香沒藥銀硃血竭各一錢研末攪入膏內退去火毒貼之神效

### ○楊梅瘡論 (俗名生疔)

楊梅瘡者又名廣瘡時瘡棉花瘡由嫖妓傳染者居多間有遇生瘡之人與之同食同廁感受毒氣而得者治不得法終身受害而且流毒妻兒斬伐宗嗣悔之莫及其症初起淋濁管痛陰頭腫脹破爛或患下疳橫痃魚口便毒等症毒升中焦遍體發出楊梅瘡破爛流水無度毒升上焦咽痛喉爛●發腫痛眼花耳聾毒流筋絡骨節酸痛四肢難於運動染是症者始終調治得法輕者半年重者一載便可全愈若不依法調治欲求速效延人包醫誤服輕粉水銀等藥遏抑其毒雖一時僥倖而愈不知遺毒潛藏骨髓關竅之內積久復成結毒先從筋骨疼痛隨結腫皮色如常將爛時色方紫紅腐臭不堪遂至腦頂塌陷腮唇鼻樑損壞穿喉蝕目手足拘攣當場出醜朋友避之妻子惡之父母不以爲子親戚引爲鑒戒可不懼哉百爾君子問柳尋

花須愛惜身軀切勿恃有藥方貪歡取樂一朝受毒貽害無窮也慎之哉 如疔瘡初起由外傳染者其毒在表宜急服透骨搜風散如氣體壯者再服楊梅散一劑如疔瘡初起由色慾染者其毒在裏宜先服九龍丹 如服藥無汗而體實者再服升麻解毒湯如體虛者再服歸靈內托散 服藥以後瘡色淡白減疼內毒用●蟬退殼酒再服護從丸永無後患以上諸方載在醫方易簡第十本書內 此症忌食牛羊鷄鵝等發物並魚肉茶酒房事 如遍身破爛臭穢體壯者服化毒散氣虛者服豬胰子湯 如結毒攻於口鼻者服五寶散 如結毒久而鼻爛損者服紫金丹如毒入頭頂頭痛如破服天麻餅 如鼻孔壅息不通用通鼻散吹之 如毒攻咽喉腐爛臭蝕服硫磺不二散照方調理服藥自然痊安(俱載醫方易簡)

◎金蟬脫殼酒

大蝦蟆一個(黃色者佳)金銀花(金者四兩銀者四兩)用好酒一罈將二藥物搗爛用布包好放酒內煮三炷香久每日盡量飲之飲完自愈

◎又奇效秘方

用癩蝦蟆一個大者爲佳紅眼者有毒不可用取時手須放輕恐走蟬酥宜用圓口小瓶一個置於地上緩緩推入瓶內如患者能飲酒一斤卽入半斤於瓶內蓋好封固勿令洩氣慢火煨煎酒約四兩卽住火去蝦蟆取酒溫服服後蓋被取汗俟汗止方起勿坐當風處若上部瘡多先食白粥然後飲酒若下部瘡多空心溫服一服未



愈隔三四日再服一次終身不發屢試屢效幸勿輕視 先將酒瓶蝦蟇秤過若干重煎至折半重便可適用 或用 羊角 核桃壳存性研末早晚酒調服一錢五分四日後毒從大便出如血如膿半月毒盡後服八珍湯補治之 此症初起即治庶免毒氣傳染凡共食酸味及大小便最易染人不可不知

◎楊梅瘡及蠟燭疔

輕粉五分研細紅棗五枚用白麵包裹木炭火內煨先起青烟再起黃烟即取出去核皮同輕粉搗分五丸黃酒送下過一時口內吐出痰水大便泄出穢物（如魚凍樣）二三次再用土茯苓煎湯漱口當茶飲之 忌鹽醬醋豆豉七日祇食米麵自愈其效如神功難盡述

◎丹石結毒

凡服過房術丹石之藥變生淫濕疔瘡復爲庸醫所誤致成結毒終身不愈者方用紅棗三斤以杉作薪煮棗其火逐次除出祇留炭火煑至棗爛爲度剝去皮核並將杉炭磨末和棗搗丸如彈子大以土茯苓湯送下久服不間斷自能全愈按紅棗能解丹石之毒杉木有祛濕之功是以奏效

◎洗楊梅瘡方

銀花三錢 九里明四錢 白礬二錢 朴硝三錢 生軍三錢 防己五錢 紅花三錢 荆芥穗三錢 紫背浮萍四兩 如楊梅瘡現面即將該藥煎水洗之每

日洗三四次其瘡色淡白即愈並服後方

◎治楊梅瘡屢驗方

蟾蜍一隻(去腸臟不用)用紅黃三錢 硫黃三錢 放入蟾蜍肚內再用大黃片(約重四五錢)夾住蟾蜍以濕黃泥封固炭火煨至無烟為度取出放地上二三時以去火毒並除去外面皮坭加 生軍末五錢和勻蟾蜍灰煉蜜為小丸日服之即瀉清內毒而愈

花柳仙方經驗多人凡疔疔魚口白濁初起一服便痊重症不過三服全愈

黃柏三錢 赤芍二錢 二丑一錢 甘草二錢 乳香一錢

土茯苓三錢 大黃四錢後下 連翹二錢 木通一錢 黃芩二錢

銀花三錢 槐花一錢 胆星二錢 丁香一錢 川山甲一錢

歸尾四錢 川連一錢 朴硝三錢 七厘二錢 蜈蚣一錢(去頭足)

右藥水煎空心服

◎楊梅墜毒方

其症因誤服輕粉墜毒手足不能行動方用 乳香五分 沒藥五分 輕粉四分

草麻子一錢 鴉胆三分 水銀一兩 珍珠末三分 射香二分 冰片二分

琥珀三分半 楓子肉五分 右藥用清油煎濃汁後加青鈎藤汁和勻搽六脉處

其毒從牙脚而出即多含藁豆水並服藁豆粥解之若毒盛痰多兩腮微腫用蜂房

煎水含之半月後身體康健如初

○楊梅墜毒五寶丹

琥珀三分半(甘草水泡) 珍珠末二分 硃砂末三分 鍾乳石三分半 甘草一錢 冰片五厘(後下) 飛羅麵三分五厘炒 共研細末用磁罐封固每日用土茯苓一斤切碎以水十大碗煎至四碗或五六碗取汁開丹服之病在上加木香二錢飽服病在下加牛七一兩饑服每次服半盅加五寶丹二厘服一盅加四厘體壯者每次加丹六厘一日內服盡此汁爲度 忌飲茶酒並一切寒冷動氣之物其潰爛毒口仍用五寶丹搽之外用萬應膏貼之其毒自散收口以上兩方單用一方無不應驗兼用二方萬無一失

○魚口便毒論

便毒一名跨馬癰此奇經衝任爲病而癰見於厥陰經之分野其經少血又名血疔或先有疔瘡而發或猝然起核疼痛而發皆熱鬱血聚而成也初發宜疏利之即散成體後用裏托內補之藥爲妙便毒生兩腿合縫之間是厥陰濕熱因勞倦而發便毒潰破即魚口瘡也一云生左膀內者名魚口生右膀內者名便毒也

◎魚口

瓦松爲末鷄子清調敷即散 或用槐花七錢炒黃用酒煎熱服取汗爲度 或用

斑茅七個(瓦焙研末)鷄子一個(頂上開孔)去白少許入斑茅末於雞子內用皮  
帛封口火煨存性爲末酒送下夜坐椅上不住小便次早尿止病瘥

◎便毒初起

射干三寸用生薑湯煎食前服二三次立效 或用核桃七個存性研末調酒服三  
服見效 或用五椏子炒黃研末百草霜等分以醋調敷一晝夜即消 或用猪腰  
子一個切開入銀硃五錢貼患處一夜即消 或用劉寄奴(不拘多少)量毒輕重  
酌用酒煎服甚效

◎魚口便毒立消散

大蝦蟆一個去皮連腸搥爛生葱五錢再搥爛貼患處甚效 或用生白礬末三錢  
酒調下如欲吐忍耐片時汗出即輕次日全消 或用遠志肉一兩(甘草湯炒)水  
酒各半煎服 或於端午日午時採樹上青胡桃陰乾臨用燒存性研末加全蠋末  
(炒)川山甲末和勻酒調服一二次有膿自大便出無膿即消二三服全愈

◎魚口便毒洗方

荊芥 白芷 葦節 白芍 防風 石榴皮(各一錢)每日煎水洗一二次另行  
服藥方可全愈

◎初起魚口便毒(左爲魚口右爲便毒俗名生芒果)

蜈蚣一條(去頭足)剪碎用核桃一個打開兩邊去肉將蜈蚣放入合桃壳內用草

紙包裹外用濕黃泥封固以堅炭煨至無火烟爲度取出放地上一二時去清火毒後研幼末用雙料酒調服隨量飲之以醉爲度限五六時卽刻止痛而愈愈後服廿五味流氣飲自無後患 或用蜈蚣式條去頭足研末入雞蛋內用濕泥封固以火煨熟去壳食一次卽愈並服後方

◎廿五味流氣飲(專治魚口便毒疔頑癬等症)

荊芥穗一錢 川連三錢 歸尾五分 黃柏五分 苦參二錢 連喬五分  
地膚子二錢 防風一錢 獨活一錢 羌活一錢 銀花二錢 生地三錢  
地骨皮二錢 桑皮二錢 角刺一錢 丹皮二錢 滑石一錢 細辛一錢  
寒水石二錢 牛子二錢 枳殼二錢 黃岑一錢五分 土茯苓一斤  
川牛七一錢五分 甘草節一錢五分

右方各包先將土茯苓一斤切碎用水一大煲先煎後入各藥再煎至兩大碗分兩次服之須要連服不可間服爲妙

◎魚口便毒日久不能全愈方

寒水石一錢 百草霜一錢 乳香一錢 末藥一錢 蜈蚣二條(去頭足煨)  
生大黃二錢 佛陀僧一錢 冰片三分 射香一分五厘 共研末開猪胆汁日  
目擦之

◎魚口便毒初起限日全愈

蟾蜍一隻向背上割開用好射香一錢入腸臟內放新瓦上炭火焙熱貼患處數次便銷並服前方以清內毒方無後患

### ○疥瘡辨症

疥瘡多起於花柳其症亦有攸分若不辨症而誤投方藥其害豈淺鮮哉有生龜頭（即馬口）之下者爲下疳生陽物頸上者爲蚌疳陽物生瘡外皮包腫脹者爲袖口疳日久潰爛者爲蠟燭疳疳痛引睪丸陰囊腫墜者爲鷄瞪疳生馬口旁有吼如棕眼眼內作癢捻之有微膿出外者爲旋根疳生陽梅瘡時或誤用燻搽等藥以致腐爛如白者爲楊梅疳生楊梅瘡時服輕粉水銀太多以至小便刺痛者爲楊梅內疳按症施治自無價事矣

#### ◎鷄冠疳

生在龜頭上遍起瘡粒如石榴子一樣常流鮮血者是用 青莖葉 鮮葱（連鬚頭）二味共搗爛敷之即愈經驗多人

#### ◎生疳腐爛埋口方

火秧心切片用米泔水浸過取起煎瘦肉湯服三四次即愈

#### ◎陰頭生瘡

鳳凰衣（即抱子鷄蛋壳）炒黃 兒茶各等分研末先以甘草瓦松煎水洗之然後

敷藥 或用壁錢(卽嚙子窠)逐個向燈上燒存性研末加冰片少許搽上立刻止痛而愈(壁錢要壁上結者板上結勿用) 或用舊傘油帛燒灰去火毒一夜敷之便生痂 或用地骨皮研末先以漿水洗淨然後敷之生肌止痛 如已潰爛用頭髮(鹽水洗去油)再用清湯洗晒乾燒灰米泔水洗之拭乾敷之生肌 如已腫爛用白蠟五分冰片三厘研末滲上止痛生肌 或用女人月經布燒灰開油搽之

◎下疳陰瘡

生甘草煎湯燻洗用海螵蛸末搽之

◎滲疳散

煨人中白五錢文蛤五錢(存性)冰片一分研幼末滲數次埋口生肌

◎男子陽痿靈濕女人陰瘡

蛇床子煎湯洗數次自愈

◎陰莖生瘡

白蜜調甘草末敷之甚效並治諸惡瘡

◎腎莖中痛

甘草節不拘多少水煎服自愈

◎下部瘙瘡

凡陰囊腎莖肛門瘙瘡難忍者用 陳葫蘆燒灰搽患處立愈

◎陰痒難忍

吳棊黃 地骨皮煎水洗之

◎生疔方

珍珠末一分五厘 琥珀五分 甘草一錢 川連一錢 滑石一錢 石脂一錢

花粉一分五厘 冰片二分 共研幼末開生菜油日日搽之

◎洗疔方

甘草節 銀花 大黃 白欖 石榴皮 煎水日日洗之

又方 末藥一錢 銀硃五分 雲連一錢 乳香(去油)六分 夷茶五分

黃柏六分 煨甘石六分 龍骨二分 血珀四分 研末搽之

○疔瘡魚口白濁論

諸症之發皆由邪氣混雜以致濕熱相煎其毒聚於小腸膀胱而發者治法先滋腎水滲濕利小便以清臟腑繼則清熱解毒方無後患倘病日深而症日重清之不除解之不去者當看其人身體之強弱強者先用寒涼之藥由大便疏通再行攻毒利便若年老而體弱者須扶元補氣以解毒不宜過用猛烈之劑雖曰外功是亦仁術

◎滋腎補臟方

如見心虛四肢無力面帶黃色者用



大熟地四兩 吳茱萸一兩 淮山藥二兩 丹皮七錢 正川連四錢(酒炒)

澤瀉七錢 茯苓二兩 槐花四錢 熟軍七錢 當歸二兩(酒炒)

升麻七錢 黨參九兩 炙芪四兩 五味子三錢 白茯苓三兩(土炒)

陳皮五錢 炙草五錢 阿膠五錢(炒) 共研幼末用白蜜爲小丸早晚空

心服每服三錢爲度

◎滋腎滲濕利小便方

連翹 黃柏 知母 澤瀉 甘草 丹皮 丹參 赤茯苓 山枝 滑石

棟枝 扁蓄 木通 川連 海金砂 各三錢煎服

◎清熱解毒方

熟軍 川連 黃柏 知母 丹皮 丹參 赤茯苓 荆芥 牛旁子

滑石 山枝子 甘草 苦參 金銀花 澤瀉 海金砂 各三錢煎服

◎治疳方

九里明 土茯苓 荆芥 金銀花 甘草節 白欖 山枝 藟青 紫蘇

蜂房 防風 白朮 羌蜚 兒茶 生軍 柯子 各一錢全煎服

◎攻毒瀉臟方

川連 胆草 丹參 羌蜚 全虫 乳香 末藥 金銀花 土茯苓 芫花

黃芩 黃柏 當歸 石羔 厚朴 蜈蚣(去頭足) 生軍(酒浸沖服) 元胡索

壽世良方 疳疔

○扶元補氣解毒生津方(濁後服此永無後患)

黨參 北芪 石羔 當歸 澤瀉 丹參 滑石 川連 知母 黃柏 川芎  
甘草 升麻 白朮 乳香 牛七 紅黃精 淨水煎服

○花柳白濁

蚯蚓(即地龍)去清內臟切碎調熱酒服之連蚯蚓服完更妙 或用白菓磨爛和  
滑石末調熱水服之 或用玉簪花頭袋猪瘦肉食之 或用假油麻根煎水服之  
或用生芥菜半斤搗爛撞熱水一大碗加蜜糖一兩五錢和勻服二三次即愈神妙  
之至 或用

生地黃二錢 山萸肉一錢半 赤茯苓一錢半 牡丹皮一錢 淮山藥一錢半

澤瀉二錢 水煎和酒服二三次即愈

○白濁及小腸氣

薏米三文白扁豆七文白米(用二指一撮)共煎好露天一夜早起用白糖三文和  
服即效

# ○婦科

◎經血不止

陳蓮蓬殼燒灰存性研末每服二錢熱酒下

◎月經久閉

韭菜搗汁一盞入童便半盞熱服

◎月水不通

茶一碗入砂糖少許露一宿服之即通 或取向東石榴根一把炙乾水二碗濃煎

一碗空心熱服二次即通

◎經行不止

紅鷄冠花晒乾爲末水煎酒引每服二錢忌三日魚肉葷腥 或用木賊三錢炒水

一盞煎服每日服一次以經止爲度

◎婦人閉經

鼠糞燒灰熱紹酒送服一錢即通

◎孕婦痢疾

荷葉蒂七個燒灰存性研末沖服

◎孕婦腹中兒啼

壽世良方

婦科

急令孕婦執掃把掃地一次即無聲 或撒豆一撮於地令孕婦俯而拾之便愈

◎胎動肚痛方

用生雄雞一隻問該婦飲酒多少先下酒在碗內割鷄血和酒乘熱飲之

◎胎墜（凡未足月胎墜似欲小產或見紅者）

連壳鷄蛋三個如無即鴨蛋亦可野苧麻根四兩同煮熟食蛋即安

◎胎動見黃水

葱白十四個煎湯飲之生胎即安死胎即下

◎胎腫（凡胎腫者屬濕熱）

山枝子一合炒研每服二錢米飲調服

◎傷胎血結（凡傷胎血結心腹疼痛者）

令孕婦每日服童便二碗作二次服自愈

◎月數未足胎死產危（凡月數未足母欲悶絕者）

大黑豆三升以醋煮濃汁溫服立生

◎胎上衝心

葡萄一兩煎湯飲之即下或用吳茱萸敷足心胎安洗去

◎妊孕腹痛

大紅棗十四枚燒焦爲末以童便服之

◎孕婦舌血(凡舌上出血如線不止)  
雄鷄冠血滴之效

◎胎衣不下

瓦松煎濃汁服一口卽下 或用小貝母七粒去心煎服立下(或用夷茶末二錢鷄蛋二隻去黃留白用黑醋一瓶連藥末放鏊內煎滾將蛋白沖服卽下 或用白礬一錢煎醋半滾服之卽出)

◎產後胎衣沖心方

若不急救必死方用炮燻二個取兩頭紅坭放在碗中沖熱酒服之卽下炮藥不可用緊記

◎產後風方

正白絲毛鷄一隻大葉金錢艾一撮共搥爛燉雙料酒連湯肉食之將鷄毛煎水薰洗身上卽愈

◎婦人血塊痛方

用尖尾匿仔根(草藥)切碎晒乾洗淨飯面蒸過煎豬肝食至一月便好

◎產後血流不止方(血山崩亦可用)

用生鷄仔一隻向鷄背破開連毛連五臟不用水洗敷臍上用布扎緊然後將婦人平日落下頭髮一把鏊內炒焦沖水半碗用布隔去髮灰打過地氣飲之立愈

◎血山崩方

葵扇 檳榔 棕衣 蓮蓬 共存性爲末黃酒送服

◎婦人月經不調方

生鯉魚一條約重十兩去腸臟加薑汁酒艾汁各一盞入內用磁鉢載好放瓦俚內燉熟打地氣一夜到明早五句鐘再燉加黃酒服

◎婦人白帶妙方

京柿(煨存性研末)一錢八分礞砂一錢二分每服三錢調白粥水下 或用馬齒

莧菜汁和鷄蛋白二個調服

◎婦人白帶方

棉花根炒生鷄仔和酒服連肉食之 或用龍骨三錢研末柿蒂廿個存性煎瘦肉湯送下

◎婦人生產七日不下子生母死方

五爪金龍葉三兩切碎放鏊內炒取酒一壺作三遍下炒至葉乾爲度再加酒一壺煎湯服之卽下

◎難產神方

取葶麻仁十四粒去壳每手各握七粒湏臾立下母子平安

◎子死腹中(凡臨產子死腹中母氣欲絕者)

益母草不拘多少以暖水少許和絞取汁服之即下 或用黃牛糞敷母臍中即下

◎產後遺尿

雞糞草煨灰研末紹酒調服二錢

◎產後口乾舌縮

雞蛋一個打破水一盞攪服

◎產後空腹痛

蓮蓬壳七個去子煎湯服立效

◎產後積血作痛方(痛在一處是)

用舊男鞋一雙輪流在常行走當路地板或磚石上用力擦鞋底即乘熱氣貼在痛處冷則再換連熨數刻止痛再熨消化便愈

◎婦人遺溺

雄雞翅毛燒灰每次用紹酒沖服一匙日三服效

◎交媾非時血出不止

青白布同頭髮煨灰棉花拌灰塞入陰戶俟血止去之 或用雄雞

◎婦人陰戶生瘡

用魚胆汁以指點入陰戶內如見痛癢即加紅黃杏仁各二錢研末滲入無孕加射香二三厘更妙

◎小兒咬破乳頭方（兼治對口瘡）  
北瓜蒂燒末開油搽之

◎乳少方

紅豆用水煮連湯食之乳出如泉甚效

◎乳汁不通

鯉魚頭一個燒存性研末每服一錢酒調下 或用紅沙糖煎豆腐不用油鹽以黃酒共食之

## ○瘋症論

大凡瘋症所致不同有父母妻妾傳之有婢僕傳之有花柳傳之有坐臥風濕傳之有風雨濕熱觸着傳之有涼水浴身傳之有痘疹餘毒傳之有風水傳之有中毒傳之大抵總由血氣衰弱所致氣血既衰邪毒之氣相侵使生諸病若氣血利暢何邪敢進何病敢侵耶僕所選各方專治大麻瘋紅雲血癰及三十六種瘋症屢試屢驗愈後任食毒物永無復發此正興起死回生之術同也其症愈惡者功效愈奇其效全在主治之藥丸一方於未服藥丸之前先服湯藥一劑以洩其毒然後服丸一料視症輕重用藥加減依法燻洗病去其半再服丸再燻洗如此三次病盡去矣然醫治中有半愈有全愈者全愈者斷根絕迹復回原形半愈者或有痕迹墜在口處雖



能免人厭惡仍未斷根非藥之不良也夫效有異同得失所爭祇在戒色戒色有全愈之喜不戒色有半愈之憂如好色不戒縱有靈藥亦難收效不特此也卽食味亦要戒鹽何也因蟻虫聞臟腑鹹味一到死能復生雖多食藥亦屬無益是以服藥之後戒色與戒鹽缺一不可幸勿以余言爲河漢也昔王相國醫瘋病愈猶有痕迹如用是方醫愈之後復還本原其效不更大哉

◎瘋症條例辨症

凡虫食心則足穿膝腫 凡虫食肝則鬚眉脫落 凡虫食肺則鼻爛 凡虫食腎耳鳴噉耳莖生瘡或痺或痛如針常刺之狀 凡虫食脾則聾啞 凡虫食身則皮膚癢如虫行蟻咬 自頭上而起爲順醫亦易治 自脚下而起醫終難痊 然而生瘋症者多因感受寒熱夾氣滯濕毒而成凡臨治此等症者須要仔細看其痕點辨症無差方可醫治凡瘋出面無人不知或未出面何以知之欲知其症先看其眼必起水充捫牙齒手甲皮膚必枯其身必腥此瘋症無疑也

凡治瘋症者必先用 雷丸天冬各五錢 苦練根羌活各三錢

研末令瘋者每服三錢空心服酒送下至未申時小便以白瓦罐裝住一看便知因其小便有虫頭黑者染症日久難醫虫頭白者染症永久可治

◎分辦三十六種癩瘋列左

凡瘋症面部似少紅胭脂在先後發紅光遂至轉爲瘀黑週身損爛者不治

凡染此症必有紅霞色浮於面部及左右兩顫 由腎經起者從下先見 脾經起者從穀道先見 肝經起者從左邊先見 肺經起者從右邊先見 心經起者從手足先見

腎屬耳后入肺 肺屬鼻后人頭面 脾屬口后入週身 肝屬目后入身 心屬手足后入印堂 心傷先損目 肝傷先發紫泡 脾傷週身如癰 肺傷鬚眉先落 腎傷足先穿 筋傷則破爛難治 皮死癩痺不仁 肉死刀割不痛 血死破爛流水 筋死手節脫落 骨死鼻爛崩凹

歌

精醫染癩瘋

不與別人同

一藥治其症

十旬建奇功

若問全愈者

百日始無踪

戒色與戒味

謹慎一年中

曰

命該不帶疾

早日得相逢

◎五經受病定方

心經受病滿面形體紅腫十指麻木方用

川連 靈仙 枳壳(各五錢) 連番 革蘼(各七分) 獨活一錢五分

甘草六分 紅浮萍一錢五分 淨水煎服

肝經受病眉毛先脫方用

黃柏 木通 升麻(各五分) 首烏 黃岑 知母(各六分) 甘草二分

獨活七分 浮萍一錢五分 生地五錢 淨水煎服

脾經受病身如蟻行方用

靈仙 升麻 京芥 白芍(各六分) 打黑丑七分 甘草一錢五分

浮萍一錢五分 生地五錢 淨水煎服

肺經受病鼻樑陷陷可用此方(頭面紅腫依用此方若無紅腫減去黑丑不用)

枳壳 黃柏 黑丑(各五分) 薄荷八分 升麻七分 甘草一錢五分 浮萍

一錢五分 淨水煎服

腎經受病耳輪癢甚脚穿及脚底破裂方用

京芥 川烏 苦參 草烏 靈仙 木香 乳香 末藥 獨活(各二錢)

防風 歸尾(各四錢) 血竭 羚羊 卑薺 秦艽(各三錢) 共研細末加十

六味爲丸

◎三十六種瘋症加減藥方(遺失四種)

紫雲症滿身如癬其症在內極似真癬一般脾中受毒後有大咬口紅光可治遂轉

瘰癧破爛脚有黃水不乾不治方用 充蔚 升麻 松脂 白蠟(各一兩)

研細末合下藥丸方合末爲丸(以下同)

松皮症形如松皮病在腸經絡間皮不知痛癢甚至割亦不痛此乃肉死手足脫落

不治方用 升麻二兩 白付一兩 其楓子不用去油 (看藥丸方便

知)

蓮子症滿身形如蓮子上浮紅光起暈又或起小血粒無膿無血若破爛流黃水不

治方用 充蔚二兩 銀花一兩 白芷三錢

漏蹄症由腎經受毒如身上中下及脚底爛或有借毒成傷破爛不治如用方則

以 充蔚二兩 白芷一兩 白蘇一兩

背堆症形如盆子或四五個週身紅光此胆經受毒夜作悶癢鼻折症后入腎脚二

經鼻塞聲啞不知輕重脚浮無力不治方用 付子 升麻 黑丑 桑白(各

一兩)

魚青症形如疔樣在髮脚初起時發熱甚痛手足不痛身有紅泡後至疊疊成黑泡

不治方用 番烏 付子 升麻 白芷各一兩

雲痕症脾經受毒因乾濕熱毒而成形如白癬不知痛痒日久轉桃花紅色又轉癢

黑腫脹破爛不治 無方

吊眼症面上兩顴起紅色病在內身上有瘀紅粒日夜如虫行蟻咬後將入脚紅腫

指破脚穿不治方用 付子 白菊 升麻(各一兩)

頑癬症形如頑癬一般不知痛癢惟見肌肉痲痺日久面發紫泡破爛流水刀割不

痛不治方用 百部 燕萸 充蔚 升麻 班茅 青礬 蕉皮灰 白芷

五倍子 花椒 蛇床子 木鼈 百草霜 苦果(各一錢) 研末成膏以醋

開搽

碎骨症初從骨節悶痛一年半載而起遂至脚步難行不治此是風水所出無藥可救 上不過頭 中則手足不過膝 下則腳不過膝

縮骨症形瘦如柴面上無肉手無虎口肉面無血色症在心脾二經手足癱痺 此

是父染傳子之症方用 白芨 歸身 升麻(各一兩)

膺爪症乃腎經受毒發出膀胱命門二經紅腫後至滿身浮紅粒日久破爛不治方

用 白芨 歸身 升麻(各一兩)

吊蹄症胆腎二經受毒手足無力因筋斷在內面起紅光則用 川練皮 防己

(各一兩) 薏米三兩 木瓜二兩 血竭 付子 升麻 黑丑 桑白(各一

兩) 雞爪症手足不時開裂形如羅白痛甚不安用藥散搽上先用 羊油 白芷 杏

仁散毒膏 後用 蝮蛇筋 金不換二藥加烏蟻拌勻火煨研末以醋開搽偷

日久手足已經成片黑色紅腫破爛流水不乾者不治之症

鏡面症面如瘀黑肝肺二經受毒形如楊梅疔一般患處痛悶不治若紫紅轉黑脚

穿爛更不治

剪口症唇大寸厚耳帶紅腫面無血色更如粉白身帶浮紅脚紅腫身有紅粒肉癩

痺難忍破爛流水不治方用 白芷 羌活 天麻 當歸 (各一兩) 川芎

五錢

馬汗症在下陰兩腿對門日夜痕痒抓傷擦損腳紅腫瘀黑破爛不治方用 鬼絲

子 白芷各二兩 甘松 吳萸各一兩

大蹄症俗名沙蹄症皆由醫治時用藥稀少失理之過也此亦是風水所致

楊沙症腎經受毒入於口鼻俱爛破血流水刀割不痛不治方用 白芷 威靈仙

(各一兩) 楓子不用去油

虎爪症形如荔枝虎爪紅腫無紋如荔枝一樣色似桃紅可治若轉爲紫黑瘀爛流

水不止不治

小殿症形似火燒過一般病在腎面皮紫黑搔如鼓緊成片赤色癢痺不痛轉紅黑

癩爛不治方用 鯽魚一條存性研末入下藥以醋開搽後用 蛇退 細辛

(各五分) 花粉 首烏各七分 水銀三分 鉛粉 銀花 紅黃(各五分)

研末

粟子症週身如粟子一般上面光滑中間起有些小紅小粒日久則轉紅泡身如虫

行蟻咬初起如蚊口大則成泡穿爛不治方用 白芷 克蘚 升麻 蛇床子

(各八分)

雞蟻症形如蚊口癢不可當色若胭脂病在於肉後轉桃花紅粒疊疊而成紅泡暈

大痕癢不能抵忍其量破損手指無紋不治方用

黃柏 赤芍 生參 枝子 百部 沙參各一兩 加楓子肉五兩

雞爪症形如瘋膜但瘋膜者三五日即消此症雖一年亦不消喉中受毒初起紅影後轉大紅入至手經轉紫紅復轉黑色又轉金錢紅黑暈其金錢暈破爛者不治

方用

花粉二兩 牛七一兩 升麻五錢 薄荷三錢

眉聳症形如蘇子大滿身頭面如汗斑一般三焦受熱毒面上兩部乳旁二部初起

在三焦後疊疊發起紅泡泡黑破爛不治方用

百部 甘草 半子 首烏 黃柏 紅黃

荔枝瘋每年到夏天荔枝熟時即發其餘春秋冬天在飢肉四肢日久起蚊口後轉

紅泡又轉黑色不治方用 付子一兩 升麻五錢

入骨症週身全好誰知症在骨肉內常痛悶亂不生血肉不識其症者多也不知此

症乃父染傳子之症可用 加馬前三個 醋煮去毛為末搽之

酒滓症俗名酒渣病在肺受毒夜間作悶終難醫治此症亦有風水所出先食 糝

粳葉 枝子 服二三日後可服丸

遊風症手指大頭如虛椽耳大唇厚日夜痛癢病在大腸所發若手足穿爛不治

方用 付子 升麻

皮癩症形如癩樣癩則痕癢癩瘋即不痛癢日久肉內見癩痺如虫行蟻走皮外

痺難堪方用 付子 升麻

瘀血症頭面浮腫兩耳厚此心經受毒初起眉毛脫落面黑身上浮腫脚行無力此筋已斷之症方用 付子一兩 升麻 白芷 白付子各一兩  
癘瘋症肝經受毒皮厚乳頭腫大如好人面色一般至於皮膚兩脚紅腫人多不識因不出面所以不知乃父染傳子之症不治方用 白芷 白芨 白欬 (各一兩) 防己五錢

◎製煉藥丸神功妙法(看症加減藥丸方列下)

大楓子肉十二兩要淨白肉者爲佳製好一料聽用

蒺藜 京芥 防風 牛七 天麻 川烏 威靈仙 浙附 獨活 川芎  
草烏(各一兩) 苦參二兩五 蟬退 全虫各二兩 射香五錢 多加  
楓子射香更妙

右藥十六味功效全在大楓子肉爲君然其藥性未必無毒用者須依後方法  
泡製方保無虞

◎製藥方(餘藥有載泡製者仍依醫家尋常製法)

大楓子肉十二兩爲度先取堅炭五六十斤貯放備用後取大爐一個大瓦條一個  
投楓子肉入俵內注滿清水加金器或首飾或紋銀全然俵後起着炭火安瓦條  
在大爐炭火上煎至大半俵水再添滿清水水滿必有黃油浮起輕輕吹去浮油  
偷吹不盡以火帚拖去或以燈草吸去亦可復煎至大半俵又添滿水再去浮油



如是者數十次以三日兩長夜乃止火去紋銀等不用於是取出楓子肉單研如膏而養楓子之湯運楓肉和米粉埋練爲丸候用留取楓子湯謹理一升米粉足矣不宜湯多稀軟

凡製楓子肉三日兩夜之火切莫停息歇止當製之時務用親實小心謹慎者二人日夜相替換顧藥掌火時時看袋內水勢防其滾沸偷一湧起急以扇撥則湯縮下至緊勿被其湯滾出一有滾出恐洩損其楓肉原性則藥力減矣

全虫二兩先用陳細茶泡之三次後用清水洗淨放銅鍋炕乾取出用其一兩不用去毛

蟬退二兩去頭翅足揀淨一兩白疾黎一兩(去刺)川烏以生薑汁和麵搓好成團研薄作片包裹川烏停當做好然後用老糠起着火放其裏起之川烏在糠火內煨熟取出(收貯聽用)

草烏以清水注於鍋內入些豆付同草烏齊煮煎至一半之內去豆付即將草烏晒干或以鍋焙乾(收貯聽用)

浙附一兩以老薑半斤搗汁將浙附放在薑汁內浸之以軟爲度然後切爲細片隨斬取青竹筒三四個勿刮皮青留一頭有節將浙附分爲幾筒入起用帚團掙塞緊密又以薑汁浸濕其竹筒置於炭火中燒乾又以薑汁浸濕又燒乾如是三次候竹筒黃枯取出浙附研細並將竹筒亦切細片研之然後將已成膏之楓子肉

並諸藥一齊研勻加射香五錢同楓子肉再搗爛遂合各藥及以前煎楓子湯米粉等項一齊攪勻埋好爲丸如桐子大每晨午候及臥時卽服三次或早晚服亦可初服每服二錢半漸加服至三錢以陳六安茶送下或安花茶亦可以陳茶爲佳茶陳則以殺諸藥之毒也初服時心喉內往往欲吐過得三四日自安切忌食鹽鹵之味或謂病癘瘋者有虫其虫得見鹽鹵之味則生而不死止食淡味爲妙卽魚肉瓜菜俱以味淡爲佳至於百味有毒之物亦忌勿食候病全愈待開禁戒之日方可進食諸物俱色慾又要禁忌偷症未愈沾染色事則成頑症後雖服靈丹妙品亦安得使其全愈哉如有症求醫者必待戒忌犯禁之物一年勿犯女色鹽鹵味奔走勞碌風雨必得全愈之日矣凡服藥丸者前一日服洩毒湯一劑以洩其毒氣

◎洩毒湯

大黃 黃連 獨活 枳壳 滑石 防風 甘草 牽牛 赤芍 薑虫(火泡)  
金銀花 全虫 朴硝 川山甲各二錢 淨水煎服

以上諸藥或多或少少量病人體之虛實加減以燈草爲引若時當盛暑天氣酷烈病者煩燥受熱或流鼻血瀆以洩火散下之每服丸一料須服洩火散十餘劑若非盛暑時病者無甚煩燥受熱不過微燥不安但服洩火散兩三劑可矣

◎洩火散

京子 元參 石斛 辛夷 地骨 蕪皮各八分 黃芩一錢 連喬一錢 黃連三分 甘草七分

此方洩火消風雖多服數劑亦無大碍服藥一料病勢必滅

◎薰洗湯

楓子肉 蛇床子肉 木鼈子肉 地骨皮 苦參 花椒各三兩 共爲細末先用桑槐桃柳練葉不拘多少冬天則用枝條同蒼耳子半兩大蒜白一斤煮水去渣入前藥末於盆中以所煮葉水泡開在盆將一小櫬置於盆中又以窄板橫置盆上承脚週圍用帛封固不使疏氣如患者體壯水將凍可預燒紅一磚頭待水凍些即以紅磚投在藥水盆中以助熱氣如患者體弱不耐薰蒸則止候薰水凍了卽去紙封圍急令他上床安睡以綿被蓋住待其出汗卽用淨布抹乾忌傷風寒倘房有門罅牆罅預先用沙紙裱固勿令通風薰洗出汗後再服藥丸要薰洗三四次服丸三四次當薰洗時體壯者卽薰洗久些體弱者薰洗快些可也

◎開鹽禁方

用老鴨一隻乘生吊死取其不破血故也割開留肫肝於腹中用陳皮大腹皮白茯苓各五錢研粗末入鹽一兩拌勻掙入鴨肚將鴨頭灣轉塞入鴨之后門用線縫定以黃泥包鴨用炭火煨燒枯焦然後去藥去腹不用後用烏枚牙皂各五錢研幼末將鴨切碎同二藥蒸食每餐食鴨一塊鴨既食盡方可食鹽味照平日所用

病既全愈乃服藥酒

◎藥酒方

岑

黃芩 杞子 防風 赤芍 柴胡 牛七 厚朴 熟地 生地 苦參 淮山

藥 川芎 木瓜 麥冬 京茶 連喬 天冬 知母 川山甲 歸尾 黃柏

川貝 五味子 半夏 胡麻 薏米 蘇皮 桑寄各一兩 黃蓮五錢

右藥揀選正地道上好藥料各味包開先用酒潤濕約藥一兩浸酒一斤早晚任服

◎埋藥丸加減法

癰起加白毛烏肉鷄蒸熟晒乾研末及加天仙籐眼痛加 黃連 肉爛加 當歸

九部眼吊加 白菊 手腫加 天麻 耳爛加 龍骨 脚吊加 防風 面

黑加 桑白 癩痺加 皂仁 肉死加 番烏 聲啞加 黑丑 手曲加 京

芥 便結加 朴硝

以上隨症加減之藥或用一兩或用八錢可矣

◎鍊藥吉日

凡製藥須用四季甲子日如不遇其日須選合藥上吉日及與患者生年不冲犯得

六合吉日用藥方湊靈妙製藥地方又要得一潔淨密室禁忌污穢勿被婦人六

畜見之為妙

以前所製藥方曾醫愈香山縣陳師爺後又醫愈數十人如患者果肯謹慎禁戒雖至重之症未有不全愈者也

◎先散發表方

麻黃一錢五分 柴胡一錢五分 蒼朮一錢 枳殼二錢 白芷三錢  
甘草二錢 桑白五錢 陳皮一錢 黃芩三錢 薑活二錢  
防風二錢 製半夏二錢 獨活二錢 川芎三錢 薄荷八分  
七厘三錢 升麻七分 京芥二錢 連喬三錢 皮四錢  
苦參三錢 赤芍三錢 當歸三錢  
用水五大碗煎至一碗加葱五條勻食又食白粥一碗寒天蓋被出汗熱天不用被矣其藥渣加浮萍草再煎薰洗

◎看瘋症加減方

凡脚腫者用此方可消

泡蒼朮二錢 熟川草烏二錢 薑活一錢 酒柏一錢五分 炒薏米二錢  
木瓜二錢 牛七二錢 酒炒升麻八分

淨酒煎服或獐猪脚服亦可

脚底下起紅腫起風濕熱加

槐花 兒茶 五味子 紅花 桃仁 熟地

面上赤色脚腫如桃花樣加

兒茶 槐花 金銀花 百味各三錢

脚痛者加 牛七 木瓜 薏米 五加皮

兩手麻痺及脚吊面有成片紅色加 苦參 卑麻子 元參 連喬

鼻塞脚腫流血加 皂角 槐花 石膏 半夏

全體起紅色金錢印加 甘草 蒼朮 連喬 紅花 麻黃 生地 赤茯苓

収紅粒入肉加 卑麻子 羚羊 犀角

手足起壳黑色加 全蝎虫 苦參 蛇皮 楓子

身爛手者加 苦參 川芎 川連 生軍 朴硝

面上成片紅色脚吊癢痺加 苦參 元參 連喬 卑麻子

腎經受毒流水不乾加 細辛 苦參 珍珠

遍身俱癢痛不仁加 當歸 牛七 防己 黑丑 枝子 杞子 防風

遍身筋痛肚皮起痛加 金銀花 甘草 苦參 蒼朮 木瓜 桔梗 麻黃

羊蹄草

遍身如蛇皮加 蒼朮 野蘭煎服又用 甘草 防己 京芥 京子 蛇床子

白付子 搽洗

遍身紅泡紅粒加 紅背浮萍 麻子 洗服兼用

遍身紫黑手足俱爛其毒在血內加 輕粉 杜礬 苦參 爲末搽後加 七厘

血珀 五加皮 五虎丹 皮烟 開搽

◎入脉訣部位

血脉始行起於肺(寅) 大腸(卯) 胃(辰) 脾(巳) 心(午) 小腸(未) 膀胱(

申) 腎(酉) 經絡(戌) 三焦(亥) 胆(子) 肝(丑)

聲氣生於肺 血生於肝 神生於腎 志生於心 色生於胆 氣管血 血養

筋壯 筋酷力生

◎十二經

五臟心肝 肺脾 腎 包絡 小腸 胆胃 大腸 膀胱 三焦 命門

◎ 助刊壽世良方小啓 ◎

蓋聞方能活命購其書者不吝千金術足濟人廣其傳者不遺一世自來誇不傳之秘寶刊獨步之良方誠有見於此者也家星樞兄輯有壽世良方一書家藏已久凡論一症必疏其脉絡立一方直達其單微且也效必欲其速成服之須臾而即見藥不求其難致取之一室而有餘經驗良多救活不尠鄙人竊欲公諸同好並以廣厥流傳用特刊印成書餉饋斯世而善不敢私於一己賞必待集於同人倘能捐助一金奉酬四冊將見手一編而利人利己無煩廣搜乎方書胥一世而不札不疵並可同登乎壽域聊疏小啟敬告

慈家

中華民國二年十二月二十四日

發起人唐士清啓

北蘇州  
京胡同

長興印務局承印



(4)

202669

(1)

X